

-Maite Rungis
-Ekonomiako lehen
pausoak

Bigarren partea

-Xabier Amurizak
euskeratua.

Hastapenak - 20

1974 - Uztaila

M. RUNGIS

EKONOMIAKO LEHEN PAUSOAK

Bigarren partea

II

Euskeratzailea:

Xavier Amuriza

LUR editoriala

Villa Zutik, Paseo Arbola,

Donostia

Inprentatzen du:

Ellacuria

Avda. del Generalísimo, 19

Erandio-Bilbao

D. L.: BI - 13 - 74

ISBN: 84-7099-033-0

LUR editoriala euskal literatura eta kultura inprimatu aurrerakoiaren desarroiloak gaur egun dituen beharkizunei erantzun bat ematen saiatzen da. Horrela, argitaratzen dituen lanak ez dira beti editorialaren iritziekin bat etortzen. Autorea da kasu guztietan bere obraren erantzulea. LUR editorialak bere izenez agertzen eta agertuko diren ohar eta agirien erantzunkizuna hartzen du soilik.

BIGARREN PARTEA

MAITE RUNGIS



EKONOMIAKO LEHEN PAUSOAK
Bigarren partea

XABIER AMURIZAK
EUSKERATUA

LUR Editoriala

LAUGARREN KAPITILUA

ESTRUKTURA EKONOMIKOAK

Frantzia... Jaun Maurras-en aldekoak baka-
rrik ez dira harrokeriaz mintzatzen dakitenak. Bi-
zi garen aldiotan ba da oraintsu-lehentsuko aber-
tzalerik De Gaullen nazio goralbenean nik al
dakit zer kontsolamendu aurkitzen duenik. Zer
da Frantzia ekonomia mailan?

Heldu da hauzi honi oratzeko ordua, zeren
hala indibiduek nola enpresek beren bakar edo
elkar ekintzak nazioko ekonomiari gorputz ema-
teko konbinatzen baitituzte. Batzuk eta bestetzuk
joko ekonomikoan zer egiten —eta irabazten—
duten zehazkiago edo ez zehazkiago ikusirik du-
gunez gero galda dezagun orain nola funtziona-
tzen duen nazioak —beste maila bateko entitate
ekonomiko bat—, nola eta zer neurritan parte har-
tzen duten hiritarrek eta enpresek nazioko pro-
duktoaren egikeran eta nazioko errentaren bana-

keran. Aitor nahiz desaitor, atsegin nahiz desatsegin, lur mugar baino askoz agiriago diren muga ekonomikoz eta juridikoz atzeritik berezitako entitate bat dugu nazioa. Ba liteke gerora gizateriak beste haro ekonomiko bat ezagutzea zeinetan oraingo muga ekonomikoak hain gaindurik gertuko baitira nola dauden orain antzinako errejimeneko udal arbitrioak. Nazioartearen geroko aurrerapenari dudarik gabe datxekon zer da hau. Baina oraingoz, eta ezepezio urri batzuz aparte, batzuren eta bestetzuren joko ekonomikuko sintesia nazioko hesian egiten da.

Arriskua ez da hau ahaztea, nazioari ez dadukan berdintsutasuna ematea baizik. Arriskua da hala arduratzea nazioko kontaduria ekonomikoaz —urrengo kapituluan hitz egingen dugu honeta—, nazioko desarroilo planean hala konparatzea —edo oposatzea— nazioko on ekonomikoa atzerriko beste nazio batzuekin, nola nazioko bertako desberdintsutasuna bistatik galtzan baita.

Edozein nazio desberdintasua da, lurralde xit desberdinez osatua, enpresa estruktura diferentz, jeende egokituagoz edo ez egokituagoz, edo ekonomiaz makalez, etab. Nazioaren hedadurak zerikusi haundia daduka desberdintasunon gehitze-gutitzean: Rusia, Estatu Batuak, India etab., Belgika, Dinamarka, Luxenburgo, Frantzia etab., baino diferenteago dira. Baina, jakina, ez da hedadura kontua bakarrik, zeren beste faktore batzuek sartzean, aniztu egiten baitira posibilitate diferentek.

Ez dago desberdintasun honen kontzientzia garbiegia beti eduki beharrik geure bururik ez en-

ganatzeko honen edo horren nazioz hitz egitean. Gero ekonomia nazionalak aipatu eta beren arteko harremanak jarri beharko ditugun neurrian, hasieratik esan beharra dago ez dagoela nazio bat to ere berdintsurik. Bere barrenean desberdintasun batzu daude ez direnak oraingo unean sortu —adiuntza—, kausa askoz errotuagoekin zerikusia dutenak baino —estrukturak—.

Diferentziak maila guztietan

Har dezagun Frantziako adibidea. Alde guztietan irakurtzen dugu Frantzia hazten, desarroilatzen ari dela. Izan egia da hau lurralde batzutarako (Lorena, Prisaldea, Isère, Marselle, etab.), baina gezurra beste batzutarako (Erdiko Mendidi, Hegoa-mendebalde, Erdiko Bretinia, etab.). Frantziako nekazaritza lore loretan omen dago: egia Beauce, Ifarralde eta Rhone-ko haranerako, gezurra guztiz abandonaturik dauden Pirinio eta Alpe hegiatarako. Frantziako komertzioa bejettzen ari omen da: egia Poujade eta Gingembre-ko klienteria osatzen duten merkatarientzat, frantziar merkatarien maila bateko pertsonaia ezagugarri —bakoitza bere motan— direnak noski, baina Frantzia merkatarian supermerkatuak ere ba dauka, Prisunic kateak, konsumoko kooperatiba nagusiak, Amerikako komertzio katea nagusiei hortzak erakusten hasirik daudenak (ba da beste berri bat ere, oraindi bere geroari ondo antzematen ez zaiona, Leclerc-en tankerako almazen kateak).

Laburpen gisa, era batera anitz Frantzia dagoela esan genezake: Frantzia bat, batzu hobeto,

“haundienak”, Frantzia batzu “tipienak”, etab. Horregatik nazio honetan beste batzutan baino estuktura desberdintasun zorrotzagoa dagoenez gero, zaila da eta sarritan zentzurik gabea bataz besteko iritzi estadistikorik ematea. Produkzio zikloko edozein maila, industriako nahiz komertzio-ko edozein adar berezi, edozein sektore nahiz lurralde azterkeran, hasierako konstatazioa etengabea da: “haundiak” eta “tipiak” daudela eta bi-tarteko distantzia izugarria dela.

Batzuri berez bururatzen zaie nola “haundiek” ez duten “tipiak” azkarrago irensterik lortzen. Hauzi honek, bada, beharrezko guztia ekiteko haina garrantzia daduka. Lehenengo, bere dinamikan aztertzen saiatuko gara eta gero balio-iritzi bat ematen: estrukturen desberdintasuna. Guk, sozialistok, honako eta antzeko galderei erantzun behar diegu: “tipien” iraupena desiragarri al da berez? Zer kondiziotan? Joka al daiteke produkzio unitate haundiagoen alde? naturak hobeto hornituriko lurralde geografikoen alde?

Fenomenoaren deskripzioaz gainera, derrigorra da gogoeta. Guk gaurko Frantziaren berezgarri diren estrukturazko desberdintasun printzipalak aztertutakoan egingen dugu gogoeta hau, eta desaztertutakoan egingen dugu gogoeta haux, eta desberdintasunok hauxek dira: errentazko desberdintasunak, lurraldezko desberdintasunak, enpresen tamainiako desberdintasunak.

I. ERRENTETAKO DESBERDINTASUNAK

Desberdintasun hau nabarben geratzen da zergen estadistika jeneralean, zein baita —iruzur eta guzti ere— Frantziako errenten diferentziak ondoen agertzen dituen iturria (1).

Zer erakusten dauku zergapekoek beren aurreko urteko errentei buruz fiskoari eginiko agerpene-kin osaturiko estadistika honek? Lehenengo eta behin, Frantziako 14 miloi “sukaldetatik” (hitz honek estadistiketan familiako unitatea esan nahi du, dela ezkongabe, dela familia ugari bat) guti gora behera 9 miloik errenta apalegia hartzen duela zergarik ordaindu ahal izateko (36.000 franko hilean haurrik gabeko sukaldeak; 55.000 franko bi haurretako sukaldeak —franko zaharrak—) eta beraz ez duela agerpen fiskalik egiten. Hauen artean daude batez ere aita jubilaturik dadukaten sukalderik gehien gehienak (1,8 miloi sukaldetatik 1,5 miloi aita jubilatudun), langile sukaldetatik hiru laurdenak (3,8 miloitatik 2,8), enplegatuen familiarik gehienak (miloitatik 600.000), lur langileen sukalde guztiak (500.000), beste alokatu tipi eta erdiko gehienak (650.000-tik 500.000), nekazari sukalde ia guztiak (1,7 miloitatik 1,6), beheko koadroetako zatitxo bat (700.000-tik 200.000), artisano eta merkatari tipi batzu (errenta zergarik ez ordaintzeko bezain guti irabazten dutenak) eta azkenez jubilaziorik ere ez dadukaten “inak-tibo” talde batzu.

Gero, lehengo zergapekoen mailak aurkitzen ditugu —errentarik makalendunak— (tasa progre-

siboa gaur egun): 1.520.000 familia buruk hilean 50.000 frankotatik behera kobratzen duela agertzen du. Gerotxoago garrantzia ia berdineko talde bat dadukagu (1.620.000) hilean 50.000 eta 75.000 mila frankoren arteko errenta agertzen duena. Hona, bada, 14 miloitatik 12 miloi familia baino gehiagoko totalak fiskoari agerturiko errenta hilean 75.000 frankotatik behera zela 1958-n.

Hilean 6.000 franko ala 5 miloi?

Errenten eskalako beste ertzera jorik, 118.000 familia aurkitzen ditugu hilean 250.000 frankotatik gorako errenta agertzen diotenak fiskoari. Huetarik 23.000-k hilean 500.000 frankotatik gora agertzen du eta talde honetan 2.700 familiak hilean 1.200.000 frankotako errenta aitortzen du. Azkenez gorengo figuren taldean 514 familia daude hilean bost miloi franko inguru agertzen dutenak. Hauxek dira fiskoari agerturiko errentak.

Izatez, xosten honek ez ditu Frantziako familia guzti guztiak hartzen, ez baitiosku nortzuk daduzkaten errenta apalak (sukaldeen totaletik hiru bostenek) eta gainera ez ditu klase modutsuen benetako errentak emate, iruzurtiak baizik.

Lan Ministerioak emaniko urrengo datoek launduko gaituzte errenten eskalako beheengo ertzean zer dagoen argitzen. Errentarik apalenak pertsona adintsuek hartzen dituzte, hauetarik ia lau miloik (3.700.000) hilean 13.500 frankotatik behera hartzen dutelarik, bi herenek hilean 9.000 frankotatik behera, eta beheengo mailan miloi

eta erdi pertsona zaharrek hilean 6.000 franko baino gutiago.

Estadistika fiskalen bir-ukitzea oso zaila da errenta altuen kasuan. Hala ere, denok dakigu enpresa haundietako gidari alokatuek firmari ezar diezakeotela izatez beren gastu partikularrak diren gastu mordo bat: kotxe mantenu, xofer, alki-ler, etxe zerbitzu, inoiz hesien alkilerrik eta iate baten gozamenik ere bai, etab. Gainera oso ohizko da fiskoari gastuak ezkutatzea, esonetaturik egonik agertu beharrik ez dagoen Estatuko tituloak ("Pinay" deritzatenak) erosirik. Beste modu bat kapitalaren errentak atzerrian gastatzea da, nazio hoietara isilpean eramanez. Errenta eskalan beheratxoago ere anitz ihesbide dago fiskoari errenta zati ederrik ohosteko: esaterako, edonork daki artista eta merkatarari artean ohitura zaharra dela errealtatearen ia antzik ere ez duten errentak agertzea. Hazienda Ministerio frantseseko espezialistek jotzen dutenez, agerpeneko iruzur portzentaiak % 25 inguru omen dira zergapekoak konstrukzio enpresetako jabeak direnean, % 30 inguru profesio liberaletan, % 28 merkatarientzat, etab. Kontuak kontu, alokatu tipia eta erdikoa direla fiskoari errenta zatirik ezkutatzeko modurik ez duten bakarrak, enpresak haien errenta oso orotatik agertzen baitio fiskoari e, z ordea, dohainik ematen etxe zerbitzurik, ez ehiza hesirik, ez kotxerik ez ezer.

Errealtate honek zeharo bada-ezpadatzen ditu agerpen fiskaletan oinarrituriko errenta konparazioak. Baina hoberik ezean, zifra haueixe oratu behar. Gainera nahikoa irakatsi adierazkorrik da-

maikute: Frantzian errenten piramidea miloi eta erdi zaharrek hartzen duen hileko 6.000 frankotatik zergapekorik edukitsuenek gero, bat liteke 6, 7 miloi edo gehiago izatea. Frantziako errenta eskala, bada, ez dabil, sarri uste denez, 1-tik 20, 30, edo 50-ra, 1-tik 800-ra baino. Hain eskala nabarbenki zabala da hau non berdintasunaren sen pitinik duen pertsonak xunditurik geratu behar, ez baitago justifikatzerik espirituzko talentoek edo esku-trebetasunak honenbesteko bizimaila diferentziak eramatea berekin. Errealitate honek ezer gutitan uzten du Giza Eskubideen Agerpeneko afirmazioa —teoriko hutsa—, zeinen arauera gizon guztiek omen baituzte eskubide berdinak eta nik al dakit zer gehiago.

Gorago aipaturiko beste estadistika batek baitesten du uste hau eta biziagotzen, diferentzia hauen argitara, zer marrokeria den “erdiko frantses” konzeptoa: Centre des Recherches et de Documentation sur la consommation-ek eginiko inkesta da, 20.000 familia deritzana. Honek erakusten dauku talde bakoitza berdintsutzat hartzen da erosotasunarren, eta honek ia dezehaztasun handia darama berakin—.

Errenten piramidea

1956-n (inkesta urte) erdiko lur-alokatuueneko urteroko konsumoa 550.000 franko zen, hau da, hilean 46.000 franko inguru. Profesio liberaldunen edo goi-koadrokoen konsumoa aldi hartan urtean 1.850.000 franko zen, hau da, hilean 160.000 franko. Ia 1-tik 4-rainoko aldea dago lur langilearen

—Frantzian gaizkien ordainduriko alokatuaren— eta profesio gutitxoago dago CREDOC-en ustez industrialen eta merkatarien taldearekin. Baina hau talde honetan industrial guztiak nahasi direlako da, hau da, sei edo zazpi langile dituenetik Renault, Michelin edo Pechiney-ko zuzendari jeneraletaraino; eta berdin merkatari guztiak ere, bazterreko dendari tipitik almazen haundietako zuzendariraino. Talde bakoitza, desiragarri zatekeenez, subtaldeka banatu izan balitz, talde bakoitzean errenta apaleko, erdiko eta haundiko familiak berezteko moduan, CREDOC-eko zifrek ematen duten baino proportzio izugarriro haundiagorik aterako zen. Gutienez estadistika fiskaletatik ateratako proportzioetara hurbilduko zen.

Hala eta guzti ere, gogotan hartzeko da aitorurte honetan (1956) urteko bataz besteko konsumoa 856.000 franko zela nekazariantzat, beste hainbestetsu (845.000) artisanoentzat, gutitxoago (807.000) langileentzat eta 684.000 peoientzat. Sukalde frantsesetako batazbestea 784.000 frankotako konsumoz bizi zen, goi-koadro eta profesio liberaletako taldeak 1.850.000 franko konsumitzen zuelarik sukaldeko eta erdi-koadroetakoak 1.390.000. Zifra hauek agertzen daukutenez, maila sozial bakoitzean miloi batzu pertsona bildurik ere, agirian dago gizarte klaseen esistentzia, zeren proportzioa, talde hain izugarriak izanik ere, 1-tik 4-raino baitoa.

Azterketa zehatzagorik ere posible da, jakina, 20.000 familietako inkesta zehetzen bada eta hango zifrak beste dato batzuekin (fiskalekin batez ere) konparatzen badira. INSEE-k eta Haziendako

Ministerioak hauxe egin zuten hain zuzen 1961-n lehenengoz Frantzian. Fiskoaren berritze proiektu bati buruzko dokumentuan argitaratu ziren erresultatuak. Testu honek Frantziako familia guztiak beren errenta fiskal netoaren arauera klasifikatzen ditu. Honela eraturik, jakina, sailak garrantzia desberdinekoak dira. Hilean 37.500-dik 50.000-rako errenta fiskala irabazten duen sukalde sailak eta 50.000-tik 62.500-rako sukalde sailak, bakoitzak 1.600.000 sukaldeetatik gora hartzen duen bitartean (berauek bakarrik egiten dute Frantziako sukalde guztietatik laurdena baino gehiago), 100.000-tik 112.000 frankotarako errenta sailak 900.000 sukalde besterik ez du hartzen eta 137.000-tik 150.000 frankotarako errenta sailak 300.000 sukalde bakarrik. Errenta piramidearen gailurrean (hilean 500.000-tik miloi bat frankotara dabiltzanak) mila batzuek familia bakarrik kontatu ditzakegu. INSEE-k eta Haziendako Ministerioak agerturiko azken sail honek, ordea (625.000-tik gorako errentak hilean) 14.000 sukalde artzen ditu.

Argi dezagun zifra eta portzentaia batzuekin Frantziako errenten piramide honen deskripzioa:

— Sukalde frantsesetarik heren bat ($\% 34 = 4.740.000$) 50.000 frankotarako errenta fiskal netotik behera dago.

— Beste heren bat ($\% = 4.775.000$) 50.000-tik 87.000 frankotara bitartean dabil.

— Laurden bat ($\% 24 = 3.400.000$) 87.500-dik 150.000 frankotara bitartean.

— Gainerakoa $\% 10$ sukalde frantses) xit desberdinki banatzen da subsail hauetan:

— Erdia baino gehitxoago (% 5,5 edo 770.000 sukalde) 150.000-tik 200.000 frankotako errenta fiskalez.

— Zerbait gutitxoago (% 4,1 edo 573.000) 200.000-tik 500.000 frankotara bitartean.

— Azkenez, gainetikoa (% 0,4 edo 56.000 sukalde) 500.000 frankotatik gora.

Xit interestsu litzateke sail sozial bakoitzerako bere “errenten piramidea” edukitzea. Tresna honekin estadistikaz frogatu ahal izanen litzateke Frantziako gizarte klase diferenteen esistentzia eta garrantzia, azaltzaile azalek sarri ahazturiko klaseak noski. Bistan dago goi-koadroen, profesio liberan eta ugazaba merkatari eta industrialen errenta piramideak ez dadukala lur-alokatuen, langileen edo enplegatuen figura berdinek. Baina dokumentuok oraindik argitaratzeko daude. Ez al dira egun-argia ikustetik urruti egonen.

Oraingoz, jarritako helburua (frantsesen desberdintasuna beren errentei buruz oroitarazi) lorturik dogu. Aurrerantzean ez zaitzue zilegi “frantsesak” esatea talde berdintsu bat balitz bezala. Ez dadukate inolako zentzurik “frantsesek honenbeste irabazten dute” edo “frantsesek honenbeste gastatzen dute” bezalako esanek, kasu multzo izugarriro desberdinak baitira. Gogoan eduki eskala 1-tik 1.000-ra baino gehiago dela.

Nola litekeen errenten konjunttoa berdintsutu, aipa berri ditugun diferentziok gutitu? Hona hauri bat laster oratuko dioguna, Frantziako estrukturazko diferentziak azaldutakoan. Baina orindixe

esan dezakegu gizon arteko berdintasunaren idealik duenak eta ondasunen banaketa berdinkorrik nahi duenak ez dezakeela gaur bezalako diferentzia hain nabarbenik jasan.

II. LURRALDEZKO DESBERDINTASUNAK

Egon ere, Frantziako lurralde desberdinen artean errentei buruz ikus berri ditugunak bezain diferentzia zorrotzak daude. Ez da nazio honetako kontua bakarrik, bai baitago beste nazio batzutan diferentzia askoz haundiagorik probintzia desberdinen artean: horra Italia, Estatu Batuak, Rusia, eetab. "Frantsesak" esaterik ez dugun bezala, ez dezakegu "probintzia frantsesak" edo "Frantzia" ere beste gabe aipa, zer berdintsu bat balira bezala. Zifra batzu nahikoa dirateke honen frogatzat.

Mont-Saint-Michel dik hasi eta Grenoble-raino irudizko marra bat botatzen badugu, Frantzia bi zati ia berdinetan erdibiturik, alderdi batean eta bestean gertatzen dena zeharo diferentea dela ikusiko dugu. Merezi du ariketa hau egitea irudizko marra honek bi lurralde arras diferente banatzen baititu, nahiz eta benetako muga geografikorik egon ez. Hemendik aurrera Ifarrik edo Hegoarik aipa dezagun guztian, irudizko marra honixe gagozkioke.

Marraz Ifarrean 25 miloi biztanle ditugu, Hegoan berriz, lur hedadura antzekoz, 6 miloi (laurden bat) gutiago. Jakitekoago da oraindik gerra

aurretik gora farreko baztanleria ia % 10 gehitu dela, Hegoakoa berriz ia % 1-tik ere ez. Ifarrean, probintziarik gehienetan, haurren numeroa familiako, nazioko batazbestea baino gehiago da, Hegoan berriz oso probintzia gutitan (50-tik 14) gaintzen da beatazbeste hau. Baina beren jaiotze neurri haundiagatik ezagunak diren Bretagne eta Vendée kenduz gero, ia ez da marraz hegoan geratzen nazioko batazbesteaz gorako haur numero-rik familiako duen probintziarik.

Ifarreko eta hegoago Frantzia

Demografia mailan, ikus berri dugunez, alde ikaragarria dago Ifarretik Hegoara. Axola gaitzen orain ez ia gizonez, zer egiten duten baizik. Ifarrean, probintziarik gehienetan, industrian enplegaturiko lanesku portzentaia Frantziako batazbestez goitik dago (% 41 jende aktibo osotik), Hegoan ordea, probintziarik gehienetan nekazaritzan enplegaturiko lanesku portzentaia nazioko batazbestez goitik dago. Beste era batera esanik, Ifarreko jendea Frantziako konjunttoa baino gehiago ari da industrian, Hegoa ordea, nazioko batazbestea baino nekazariago delarik. Ohar gaitzen industria izatez, pertsonako nekazaritzak baino aberastasun gehiago dakarren aktibitatea ekonomikoa dela (zati bat emankortasun gehiago duelako erabiltzen den tresneria hobeari eskerrak: Renaulteko langile batek indar haundiko eta zehaztasun harrigarriko makinak darabiltza, erdiko nekazari batek bere traktorea erabiltzean indar mekaniko askoz tipia goz dihardukan bitartean).

Beste gertaera jakingarri bat: Ifarreko nekaritza askoz emankorrago da nazioko batzbestea baino, Hegoan ordea, guztiz besterik da: departamenturik gehienetako emankortasuna nazioko batzbestez behetik dago, nahiz eta bai egon lur-lantza arras aberatsik, hala esaterako Midi-ko ardoa edo Bretagne-ko edo Rhone-ko haraneko lehenkiak. Azkenez, ohar guztiok sintesitzerik nahi badugu, per capita errentako indizea (probintziako errenta hiritarren numeroz zatitua) kalkulaturik, Ifarreko probintzia mordo haundi batek (22-k) nazioko batzbestez goitiko per capita errenta dadukala ikusiko dugu, Hegoan ordea, hiru probintziak bakarrik gaintzen du batzbestea hau.

Bir-bil ditzagun konstatazio hauk: Mont-Saint-Michel-dik Grenoble-raino irudizko marraz Ifarrean Hegoan baino jende gehiago bizi da eta haur gehiago dadukate familiako; enplegatu gehiago dago industrian (aktibitate aberatsa); nekazaritzari ekitean Hegoan baino emankorrago gertatzen da. Lojiko denez, batz bestea, Ifarrean Hegoan baino aberatsago dira.

Frantziaren erdibitze xit arbitrario batek eman dauku erresultatu hau. Dudarik ere ez bi zatitarik edozeinen barrenean ere posible dela desberdintasun galanti agertuko leuegun beste anitz marra irudizko. Prozedimendu —geografiaz zentzugabe— honen interesa zer honetan datza, bistan uzten duela nola Ifarreko Frantzia eta Hegoako Frantzia argiro oposa daitezkeen, hala industria mailan nola nekazarizkoan nahiz demografikoan. Ondoriotzat konklusio honetara heltzen

gara, Frantziako berdintsutasuna —geografia ekonomikoaren mailan— gezurra dela. Zenbat lurralde hainbat Frantzia tipi dago.

Zergatik diferentziok?

Lurraldezko diferentzia hauen arrazoiak askotarikoak dira. Mendiak gehienez Hegoan daude eta fabrikak mendietan baino lautadetan errazago egiten dira. Ifarreko klima bigunagoa ere kultibo klase batzutarako egokiago da Hegoakoa baino, sarritan hau beroegia. Erraz ulertzeko moduko arrazoi historikoengatik, kualitate teknikoak ere, hala nekazaritzan nola industrian, zabalduago dirudite Hegoago jende artean baino. Frantziako historiak ibai bideen eta trenbide eta karretera sarearen funtzioan moldatu du bere tankera industrialak, amaraun antza harturik erdirantzko marra konberjentez. Gainera meatzak, XIXgarren eta baita XXgarren mendeko bizkunde industrialean ere behar beharrezkoak, desberdinki banaturik daude eta ugariago dira Ifarrean (Pas-de-Calais, Lorraine, Alsaziako potasa) Hegoan baino (Erdiko eta Probentzako minak). Banaketa desberdin honek ere esplikatzen du zergatik aurrerapen teknikoak bizitasun desberdinez moldatu dituen lurraldeak.

Europako Merkatu Batuak diferentzia hauk leundu beharrean, zorroztu egingen ditu, muga inguruetakoa lurraldeak (nazio arteko komertzioaren zabalkunderako egokiagoak) desarroila araziko baititu gehiago, gastu gutiagoko komununikabideak edukitzeagatik (industriazko haranak, Sena-

koa esaterako). Ohar gaitezen ia urte askotatik honantz nabari dela fenomeno honen desarroiloa: aberastasun ekonomikoak lurralde aberatsetarantz jotzen du, lurralde pobreak ezerezean utzirik. Mapa ofizialik (2) argitaratu izan da alde batetik Frantzian hamar urteotan fabrika berriak non imintzen diren agertzen duena, eta bestetik urren-go hamar urteetan zehar jende aktiboa non ariko den len bila (biztanleria gehitzearen, baserriak hustutzearen eta industria zaharretako —oihalgintza, ikatz etab.— anemiaren ondorio bezala). Mapa hauk zeharo disimetrikoak dira: sortu beharreko enplegurik gehienak Hegoan egon beharrean, fabrika berrien sortzea eta daudenen zabalkundea Ifarrean egiten ari da. Nekez asma daiteke desgokitasun haundiagorik komeni litzatekeenaren eta orain gertatzen denaren artean. Gauzen joera honi jeurt eragiteko Gobernuaren interbentzio kementsurik ez bada —Vgarren Errepublikan nekez gertatuko dena—, datozen urteetan gero eta urrutitze haundiagorik ikusiko dugu industria-kuntza haundiko eta subenplegu haundiko probintzien artean.

Dezentralizazioaren balantze urria

Gobernuaren ekintzako balantzea arlo honetan, gerratik gora, ez da hutsa izan baina bai arras urria. Dezentralizazioaren agergarritzako fabrika berrien instalazioko mapak erakusten dute 10 urteotarik honantz sorturiko edo haunditariko firmarik gehienak ez direla depresio ekonomikuko

lurraldeetan jarriak izan, aitzutik ordea, Ifarrean. Penagarri baina honelaxe da.

Mapa hauekin batera datozen zifrek (3), Aménagement du Territoire-ko zerbitzu ofizialek argitaratuek, berretu besterik ez dute egiten pesimismo hau. 7 urtetan 600 enpresa bakarrik dezentraldu dira, Parisaldi izugarritik (Frantziako jendetik bostgarren zatia eta nazioko errentaren laurdenetik gora banatzen den tokia) probintzietarantz alde eginik. Baina enpresa Parisaldetik doan fabrika bakoitzak bataz beste 25 edo 30 pertsona daramatza, sei alokatu eta beren familiak. Zergatik? Langile guti dagoelako hiritik eta hiri inguruetatik alde egiteko prest, hemengo alokairuak probintzietakoak baino askoz haundiagoak direlako eta lagunak eta sarritan etxeakoak ere bertan bizi direlako. Gainera enpresak ez du nahi langile gehiegi probintzietara eramaterik, orduan bizitzetxeak egin beharko bailitikee, horrela aldatze gustuak asko gehiturik. Nahiago du laneskua erabilgarri dagoen lekuan jarri eta honela bizitzetxerik egin beharrik ez, lekuko langileak ba dadukatelako non bizi. Beraz ez du larbiztanduriko lurraldetik beharreko kodrorik gutien bai zi keraman nahi, bost edo sei pertsona fabrikagintza azkar zuzenduko, lekuko laneskua eratuko eta fabrika martxan jarriko dutenak.

Ba liteke zuek uste izatea 7 urtetan Parisaldetik 4.000 alokatuk, edo berdin dena, 15.000 edo 20.000 pertsona inguruk alde egitea ez dela askotzarik (% 2-tik 0,3-ra lurralde honetako biztanleriatik), baina ba dela zerbait. Hala noski, baina jakin beharra dago Parisaldea aldi berean asko

jendeztatu dela, zeren azken estadistika ofizialen arauera, alde honetan fabrika berrien instalazioz (berez debekatua) edo lehengo tailerren haunditzez sorturiko enplegu numeroa gutienez 60.000 izan baita, eta gainera instalazio hauek dakartzaten administrazio, komertzio eta "zerbitzu" enpleguak. Aldi berean bada, lurraldean sorturiko enplegu saila ehun batzu milataraino doa. Oso zaila da zifrarik aipatzea INSEE ez baita hauzi honi buruz eginiko estudioa argitaratzera ausartu, bere zerikusi politikoengatik. Hala ere argitaratu gabeko estudio honetako zifra batzuz baliaturik (ia 50.000 enplegu berri urtero Parisaldean) eta enplegu berriokin doazen pertsona ez aktiboak erantsirik (emakumeak eta haurrak), konklusio hauxe ateratzen da: lehengo biztanleriari 100.000 edo 150.000 pertsonatik gorako gehigarri bat gaineratzen zaiola urtero. Bestalde Bizitzetxe Ministerioaren ustez, 1958-n zehar Parisaldea 213.000 pertsonatan gehitu da, hauetarik 100.000 probintziatik etorriak direlarik. Zifra hauk nahikoa koherenteak dira eta ba damaikute dato fidagarriarik Paris inguruetakoa benetako hazte ritmoari buruz (hiria bera apenas aldatzen da).

Parisaldetik joanak: 15.000-tik 20.000 pertsonatara
Parisaldetik joanaks ET.000-tik 20.000 pertsonatara
Etorriak: miloitik gora

Hazte ritmo hau zazpi urtetan miloi bat biztanletatik gorako gehitzeari dagokiona da. Zifra hau dezentralmendu politikak lortutakoarekin konparatu behar: 15.000-tik 20.000-ra pertsonak

alde egin du Parisaldetik. Balantzea argi dago: Parisaldea dezentraltzeko ahalegin benetako baina ez nahikoa eta guzti ere, hura hazten eta hazten ari da eta azkena dena, itxuraz lehen baino azkarrago.

Haugatik lehetxoago nioen Frantziako lurraldeen arteko diferentziak leundu beharrean, egunetik egunera haundituz doazela. Zeren Parisaldeko kasu patolojikoan argi egia dena beste lurralde batzutarako ere hala baita: pilaketa urbanoak gehituz doaz kanpoaren kalterako, eta urrengo mailan, pilaketa urbanorik haundien onerako beti. Ifarrean Lyon, Marseille, Lorraine, Rouen, Nantes, Saint-Nazaire, etab., beren urrutiko periferiaren kalterako desarroilatzen ari dira, desarroilo ekonomikuko polorantz erakarriz lurrak eta lekuko tailer tipiek elika ez dezaketen biztanleria.

Honetaz, Parisaldeari buruzko arauketak ondo-rio bitxi bat ekarri du. Enpresek ez dute hiritik 100 kilometro baino gutiagora instalatzerik. Ondorio bezala, enpresa berrietatik erditsuak Paris 100-dik 200 kilometrotara inguratzen duen koroan jarri dira. Honela dezentralmendua dela-eta urtean 4.000 pertsona inguru (1.000 enpleguri eta 180 fabrikari dagozkionak) instalatzen direla lurraldetik kanpora diogunean, gaineratu beharra dago erdiak ehun kilometro bakarrik aldentzen direla Paristik. Honela bada, oso guti dira probintzietara heltzen diren “dezentralduak” eta askoz gutiago lurralde subdesarroilatuetara doazenak: Erdialde, Hegoa-Mendebal, Bretainia, etab.

Irakurleak segur asko galdatuko duena da ea dezentralmenduko politika frakaso biribiltzat jo

behar den. Ezezekoan nago. Dezentralmendu politikak bere izenez adierazi gabeko eta naturala de-
nez zuzenki bilatu gabeko erresultatu bat lortu
du. Egitez dezentralmendu politikak bere lekuan
gera araztea lortu bestela segur asko berak ere
Paris, Lyon, Bourdees edo Marselle-rantz joko
zuen probintzietako jende zati bat.

Migrazio nekazarien gutitzea

Dezentralizazio politikak, lurralde anemikoak
zuzper araztera zuzenduriko beste neurri batzuekin
batera —lurraldezko desarroilo elkarleen sorrera,
ekipo gaiak fabrikatzeko ekonomia mistoko elkar-
leen sorrera, “alde kritikoei” eta “eraberritze al-
deei” subentzioak emen, lurraldezko desarroilo
deei” subentzioak eman, lurraldezko desarroilo
plan adierazleak argitaratu— ez du Parisaldea es-
tabletzerik lortu —are gutiago tipitzerik—, baina
bai pizkanaka hiltzera zirudien probintzietako hiri
mordo bat berbiztu: Evreux, Chartres, Chalon-sur-
Marne, Chalon-sur-Saone, Reims, Louviers, etab.
Hiri guztietan imini dute industria berririk. A for-
tiori da hau egia Grenoble bezalako hiri haundi
batzutarako, honen hazkuntza izugarriro bizkortu
delarik instalazio berrien imintzez, edo Rennes
bezala, non laster imintzeko den Citroenek egun-
doko bizitasun lokala sor arazi baitu. Laburpenez,
bada, dezentralmendu politika honek kanpo ingu-
ruan edo bertan beheratasun osoan zeuden erdi
inportantziako hirietara eragin dio jendeari lan
bila. Politika honegatik izan ez balitz, jendeak ia
larbiztanduriko hiri nagusietarantz joko zuen, kon-

diziorik okerrenetan (bizitzetxe krisisa, paroa). Politika honek ez du konzentrazio prozesorik azpikoz goratu, abio arras hondagarririk hartzea bakarrik ebitatu du.

Merkatu Batuak, bera gabe ere bai, baina astiroago desarroilatuko liratekeen eboluzioak azeleratzea dakarrenez gero funtsean, biztu eginen du hirien konzentrazio eta lurraldean desekilibriorantzeko mugimendua. Bistan dago desekilibrio honek atzerriko konpetentziari aurre emateko ekonomiazki ondoen lekaturik dauden lurraldeak faboratuko dituela: Lorena, Parisalde, Senako Haran, Grenoble, Marselle. Dudarik ere ez datozen urteetan lurraldeen hazkuntza desarroilo polo izugarri hauen inguruan ibiliko dela. Ondorioz lurralde arteko desberdintasuna gehitu eginen da: ez da beraz, gehiegi esatea Gobernuak bi politika elkarren kontrako darabiltzala Merkatu Batua martxan imini nahiz eta lurralden bizkundera bulztatuz.

1959-n uste izan zen lurraldeko desekilibrioak oker samarrez ikusten zirela. Orduan argitalduri-ko estadistika batek eduki zuen errua, probintzia bakoitzeko per capita errentak (errenta osoa biztanle numeroz zatitua) antzekotzera jotzen zuela agertzen zuelako. Komentarista ofizial batzuk berehalaxe atera zuten urte batzu lehengo hasitako lurraldeen armonimuntza politikaren ondorioak zirela. Egitez estadistika honek erakusten du lurralde arteko diferentziak ez direla noski bost edo sei urte aurrerago bezain haundiak. Arrazoia da aldi honetan zehar lurralde eskasetako jende zati handi batek alde egin zuela eta beraz —telefonoak,

kotxeak, konsumituriko gasolina tonaladak..., ia beidrnak izanik— per capita konsumoak gorantz eOgiten duela.

Ez dago dokumentu kontzientik probintzia arteko desberdintasun gehikorra gaur gutitzen ari dela frogatzekorik. Ba da, bai, probintzia pobrerik aktibitate berriez probetxatzen denik —fabrika berrigintza, turismoa—: Kosta Urdina esaterako, urtean ia bost edo sei hiletan turismotik bizi da. Ba liteke egunen batez Borgoina edo Erdiko Mendialdea ere turismoko aberastasun iturri berdinez balitatzea. Oraingoz zihur dakigun bakarra desberdintasuna gorantz doala eta Vendee-tarra edo Cotes-du-Nord-tarra (probintzia oso bateko ordezkari bezala) frantses pobrea dela, Senatarrak baino hiru bider errenta tipiagoz.

Une honetan hala ere, hiritarren errenten desberdintasunaz hasieran esana gogorazi beharra dago: erdiko senatarra esateak oker haundietara darama, zeren hori ganbara batean hilean 6.000 frankoz bizi den atso koitaduaren eta hilean miloi batzutako errentaduen elkarte haundi bateko buruzagi-zuzendari jeneralaren arteko batazbestea baita. Errealitatean desberdintasunak pilatu egiten dira. Aldebatetik Senako probintziako per capita errenta Vendee-koa edo Cotes-du-Nord-koa baino iru bider haundiago da eta bestetik probintzia hauetariko bakoitzaren barrenean ere errenta desberdintasun izugarriak daude, lehenago esan bezala. Beraz Vendeetar pobrearen eta errenta gizeneko hiritar baten arteko distantzia hainbat haundiago da.

III. ENPRESEN TAMAINIARI BURUZKO DIFERENTZIAK

Frantziako estrukturazko desberdintasunak ez dira errentazkoak edo lur-aldeetako aberastasun ekonomikuzkoak bakarrik. Enpresen tamainiari buruz ere ba da beste arloetan bezain diferentzia haundirik eta behar bada zorrotzagorik. Hala nekazaritzan nola industrian nahiz komertzioan “haundi-tipien” arteko desproporzioa agiria da. Egoera hau, jakina, bapo probetxatzen dute “haundiek”, xit trebeak “tipiak” beren onerako marniatzen.

Azter dezagun lehenengo nekazaritzako panorama. Tradizio da Frantzia lurrun tipien nazio bat dela esatea. Izan ere, % 80 nekazarik lur osotik heren bat bakarrik lantzen du. Hau da 10 nekazari frantesetatik 8-k lur-azal globaletik heren bat lantzen du. Bigarren sailean % 16 nekazari sar ditzakegu erdizko etxaldeak lantzen dituztenak: 20-tik 50 hektareatako etxaldeak (50 hektarea lur osotik beste heren bat lantzen du. Gainetiko % 4 nekazarik lur osotik beste herena lantzen du eta bakoitzak 50 hektareatatik gorako etxaldeak darabiltza.

Etxalde arteko desberdintasuna: 1-tik 200-ra

Dagigun konparazio bat: azkenengo sailak (4 %) lehenengoak (% 8) bezalako lur zatia lantzen du, beraz haietariko bakoitzak batzuek beste 20 bider lur gehiago darabil. Baina hauk batzuek

besteak dira, “tipien” batazbesteak eta “haundien” batazbesteak eta beraz ez hain adierazkorrar. Ego-
tez Vexin-en, Beauce-n eta., ba dago esplotaziorik
50 hektarea baino gehitxoago ez ezik 500, 800 eta
1.000-raino ere heltzen denik. Era berean Pirinioe-
tan, Britainian edo Erdiko Mendialdean ba da es-
plotaziorik 20 hektareataraz ez ezik 6,5 edo gutia-
gora ere heltzen ez denik. Izatez bada, desberdin-
tasuna ez da 1-tik 150 edo 200-raino baizik lur
landuari buruz. Gainera kontuan edukirik lur hauk
tresna mekaniko diferentziaz lantzen direla, kali-
tate oso desberdineko haziak ereiten direla eta
emankortasun oso desberdinak lortzen direla, gar-
bi ateratzen da ez dagoela Frantziako nekazaritza
errotasun berdintsutzat hartzerik.

Gertaera honetatik sor daitezkeen errenten di-
ferentziak ikaragarriak dira. Frantziako nekazari-
tza berdina osatzen du hala lurrun tipiak zeinen-
tzat zaldi bat galtzea tresna gabe geratzea bezala
baita, nola —eta gero eta gehiago— lurrun nagu-
siak (ez beti jabe), zeinek burjes eder baten an-
tzeko bizitrena baitarama eta Dinamarkako rekor-
den moduko emankortasunak ateratzen baitizkio
bere etxaldeari. Hauen seme-alabak kolejiara doaz.
Seme nagusia karreran ari zaio eta sarri nekaza-
ritzari dagokian karreran, honek bere egunean
lurrak zuzentzeko eta familiak nekazari tipiar
lehendik kentzen dion distantzia gehitzeko modua
emanen diolarik. Nekazari tipiak, eskalako beste,
ertzean, ez dezake haurrik eskolara bidal eta bere
famieliarekin batera bere lurkondoan bejetatzera
kondenaturik dago seme-alabek hirira alde egin
arte (formazio profesionalik gabeko proletariak)

gurasoak jaiotzatik harako miserian hiltzen utzirik.

Beste zifra batzuk ere baitesten dute nekazaritzako desberdintasunaren azterketa hau. % 96 lurdunek edo ez du ezein alokatu enplegatzen edo bat edo bi gehienez. Beste % 4-ak bi alokatutatik gora daduka. Oraingo zifra hau (% 4) lehenago ere aurkitu izan dugu lur landuaren hedadurari buruzko diferentziak azaltzean.

Dagigun beste zatiketa bat enplegu estadistiketan gabe produkziokoetan oinarriturik. Lehenengo ikusten duguna da Frantziako garirik erdi—eta garia delakoan gaude baserri tipietako produktiorik bereziena— % 2 laborarik bakarrik produzitzen duela, halaber Frantziako ardorik erdi % 2 mahastunek produzitzen duela, erremolatxarik erdi % 4 produktorek produzitzen duela etab. Begien bistakoa da beraz oraingo konzentrazio egoeran, Frantziako nekazaritza batetik milaka baserritar tipi oso pobrez osaturik dagoela eta bes-tetik lur zati haundiz, haur direlarik nazioko lur aberastasunik gehienaren emale, baita irabazien harrapatzaile ere, jakina.

Lur konzentrazioaren prozesoa

Konzentrazio prozesoa hau ez dago bukaturik. Frantziako Plan-Batzordearen ustez urtean guti gora behera 50.000 pertsona aktibok alde egiten du baserritik, beste hainbestetsu ez-aktibo eramanik berekin (emakumeak, haurrak gurasoak), guztira bada, 100.000 pertsona inguru. Zifra arras garrantzitsua da hau 1961-ko udako baserri gorabeheren astuntasuna hobeto ulertzeko, bueltarik ga-

beko eboluzio honek gehien jotako lurraldeetan hain zuzen (Bretainia, Erdiko Mendialde, Ekialdeko Pirinioak, Hegoa-Mendebaleko baserri tipiak).

Teknokratarentzat, ikusmira tekniko hutsez, edozein esplotazioaren, baserriko nahiz ez, destino normala konzentrazioa da. Baina belaunez belaun beren habia eta bizipide izana uztera eta non aterbetu ez non lanik bilatu ez dakiten hirietara emigratzera beharturik aurkitzen diren familiak pertsonalki ezagutzen dituenarentzat baserriko esodo honek ba du gure aldion inola ere onartu ezineko alderdi negargarririk. Baina gainera konzentrazio prozesoa ez dago bukaturik. Baserriko prezioen (establetzera edo oso motelki igotera jotzen dutenak) eta azkar —nahiz eta desberdinki— igoten ari diren industria edo zerbitzu prezioen arteko alde gero eta haundiagoak gaurko nekazariei beren gurasoak baino gehiago produzi arazten die bizi ahal izateko, eta a fortiori egokiago bizitzeko. Baina gehiago produzitzeko ez da nahikoa ale gehiago ereitea ez hobeto lantzea, lantzeko lurra gehitzea baino. Horra konzentrazio gehikorraren bueltarik gabeko prozesoreen sustraia.

Lur gehiago edukitzeko bapo datorke hauzoak, miseriak jota, kalera alde egin beharra edo alboko lurren jabea zaharregia dela lan egiteko eta utzi egiten duela etab. Laburpenez, pilaketa demografikozko prozesoa bat ikusten dugu hirietan eta beste bat bataz besteko lan lurraren hedadurazkoa etxaldeko. Era baterako mekanizazio prozesuak bakarrik egin dezake prozesoa biok egoki abiatzea. Lur zati haundiagorik lantzeko laneskurik gehitu ezin bada, tresna efikazagoak erabili behar: trak-

tore azkarragoak edo indartsuagoak behar, goldatze, ereite, abonatzeko eta biltzeko tresna haundia-
gorik arrasta ahal dezaten. Baina alde batetik me-
kanizazio honek nekazariari mementuz lur zati
haundiagoak lantzeko modua ematen badio, beste-
tik huraxe da bere geroko emigrazioaren arrazoi.
Prozesoa gorantzkoa denez gero, erabiltzen diren
tresnak etengabe eguneratu behar egunean baino
egunean zerbait gehitxoago produzitzekotan. Bai-
na berritze hau ezinezko zaionez gero, emigratu
egin behar, baserrian segiturik ezinen bailuke ka-
lean edukiko lukeen bizimailarik lortu: emazteak
eta seme-alabek, bidezko denez, diferentzia hone-
taz pentsa araziko diote. Gainera behar bezala
mekanizaturik ez dagoen mementutik gora, ez du
ekipoa ordaintzeko eginiko zorrei erantzuteko hai-
na aterako. Nekazari askok zorgintzako ziklo ho-
netantxe pot egiten du, dela bere erantzupiderako
gehiegi zorpetu zelako, dela ez zuelako behar hai-
na zor egin eta honela bere esplotazioaren derri-
gorreko aurrerapena lorrindu zuelako.

Diferentzia izugarriak industrian eta komertzioan

Utz dezagun nekazaritza eta goazen industria-
ra. Hemen diferentzia askoz nabarbenagorik dago
oraindik. Hala ere arinkiago pasatuko gara gai
honi aurreko kapituluan ekin baitiogu.

Gingembre jauna etengabe eska ari zaiku
“Frantzia E.T.E.-ko nazio bat dela” enpresa tipiak
eta erdizkoak). Begiratu batez pertsonaia maite
honek arrazoa dadukala dirudi, zeren industriako
eta komertzioa alokatuen numeroa enpresen nu-

meroz zatitzen bada, 4 edo 5 alokatu ateratzen baitira enpresako. Modu honetara industria baka-
rrik aztertzekotan, 9 alokatu ateratzen zaizkigu enpresako.

Ba dakigu batazbesteez ez dutela zentzu haun-
dirik edukitzen. Lehenengo, komertzioan batez ere,
enpresarik gehienek alokaturik bat ere ez dadu-
katelako. Bigarren, mundu guztiak dakienez, alo-
katu sail galantezko firma haundiak daudelako au-
tomobilgintzan, kimikan, siderurjian, metalurjian,
oihalgintzan, edo aeronautikan, obra publikoetan,
etab. Esaterako Renaultek 65.000 alokatu daduzka;
S.N.C.F.-k 300.000-tik gora; Charbonnages de Fran-
ce-k 230.000. Baldin alokatuen orotasunetik na-
zioarteko entzutedun hiru firma nagusiotakoak
kentzeko esperimenturik egiten badugu, alokatuen
batazbestea enpresako 5-tik behera jausten da.
Hau bai ba dela Frantziako industriaren benetako
argazkia: izugarritzko firmak, bakoitzak milaka
eta milaka alokatu enplegatuz, eta alboan enpresa
tipi pilo haundi bat haundien inguruan, bakoitzak
2, 3, 4, 5, edo 10 alokatutatik gora enplegatzen ez
duela, eta erdian, bien arteko sektorea, 50, 100,
edo 200 enplegatzen dituzten erdi neurriko firmak.
Frantziako estruktura industrialen ikuskera hau-
xe da errealtateari dagokion bakarra: Gingembre
jaunaren agerpenak gezurrezko bezain fantasiaz-
ko ditugu.

I zaio 399-ri

Bi estadistika sail ofizialek argitzen du buel-
tarik gabe gagozkion gaiaren egia. Lehenengo, ne-

gozio zifren estadistikak (4). Hazienda Ministerioko estadistika honek agertzen dauku oinarri zerga bakarrik (beren inportantzia urriagatik) ordaintzen duten enpresek, nahiz eta xit ugariak izan (% 76 totaletik), industriako eta komertzioko negozio zifra osotik huskeria bat bakarrik egiten dutela (% 9). Beraz nazioko negozio zifratik bederatzi hamarren enpresarik laurdenek bakarrik seguratzten dituzte. Ba dugu ia xantzetako ez den konzentrazio indize bat. Baina honez gainera 9/10 hauetatik firma nagusiei, hau da, urtean mila miloitatik gorako negozio zifradunei, dagokien zatia bilatzen badugu, konzentrazio izugarria aurkituko dugu: 4.300 enpresak (% 0,24 totaletik) negozio zifra osotik % 45,8 egiten du.

Beste modu batera esanda 400-dik enpresa batek berak bakarrik egiten du ia gainteko 399-k batera hainako negozio zifra. Azterketa honi segiturik zehatz genezake 280 enpresak (% 0,16 totaletik) ia nazioko negozio zifrarik laurden egiten duela (% 12,16) egiten duela, etab.

Konzentrazio izugarri hau baitetsirik uzten du alokairuei buruzko bigarren estadistika sail ofizialak (5). Frantziako alokaturik gehienek (% 55) % 0,7 enpresatan bakarrik lan egiten dutela erakusten du. Beraz 150 enpresatatik batek bakarrik gainteko 149-k batera haina alokatu enplegatzen du. Ondorengo zifra honek aurrekoek baino zehazkiago ematen du benetako egoeraren berri: % 0,1 firmak alokatuen hirugarren partea (% 32) enplegatzen du: 1.800 firma, bakoitzak 500 alokatutik gora enplegatzen dutenak.

Frantziako industria eta komertzioko konzen-

trazio zorrotz hau ezin, jakina, adar batzutako kontuak bakarrik izan. Esaterako siderurjian 4 taldek produzitzen du % 80 altzeiru frantses; 5 elkartek irabazten du % 90 petrolio; konstrukzio elektrikoan % 4 firmak egiten ditu industria honetako negozio zifra osotik hiru laurden (% 72); beiragintzan % 3 enpresak produkzio erditik % 61; konstrukzio gaietan % 2 enpresak baino guttiagok (% 1,8) kontrolatzen ditu aktibitate honetako bi heren; kimikan ere ia beste hainbeste gertatzen da: % 6 firmak kontrolatzen du negozio zifrako 2/3-tik gora (% 69); optikan are okerrago oraindik: % 1,2 enpresak egiten du negozio zifrarik erdi, etab. Adibideak eman eta eman segi genezake.

Konzentrazio hau industriako kontua bakarrik dela pentsa ez dezazuen, ikus ditzagun orain komertzio jeneralari eta jatekoari dagozkien adibide batzu. Frantziako komertzioa dendari tipizko sare haundi bat delakoan daudenek hausnar zifra hau: almazen ez espezializatuei buruz (hau da, edozein gai eta gauza saltzen dutenei buruz), benetako irabaziaren gaineko zerga ordaintzen duten komertzioek eginiko negozio zifratik 2/3 parteak % 6 enpresari dagozkio. Jan komertzioan benetako irabazidun komertzioek eginiko negozio zifratik % 30, % 6 komertzioek eginiko da; jaki dendei buruz negozio zifrarik erdi % 8 enpresak egiten du. Jantzi sektorean % 1 firmak kontrolatzen du negozio zifratik % 21. Esne industrian % 5 enpresak baino guttiagok seguratzten ditu sektore honetan nazioko aktibitateko 2/3 parteak (% 67), etab., etab.

Konzentrazio prozesoa ez da geratzen

Proportzio hauek ez dute komentariorik behar. Konzentraziorantzko prozesoreen haundiaz esan duguna sendotu besterik ez dute egiten. Konzentrazio hau berriz sektore batzutan —jan komertzio, konstrukzio, mobiliarioak— garrantzia gutikoa bada, hala ere hasi zaie ia eragiten. Izan ere mugimendu hau jeneraltzen ari da. Esaterako komertzioan hilero 500 edo 700 gutikarik (gutika saltzailek) bere dendak zerratzen ditu, elkarte haundietako 200 sukursal berri sortzen diren bitartean. Industrian ere berbera gertatzen da: urtero konzentrazioa gehituz doa eta mugimendu hau beheraldi ekonomikoetan baino goraldietan azkarrago zabaltzen da (6). Dena dela, bueltarik gabeko prozesorean aurkitzen gara. 1954-58 aldian argitalduriko zifrek agertzen dute:

— % 5 enpresa tipi (bost alokatutaik beherakoak) desgertu direla.

— gainetiko industria etxeen numeroa gehitu egin dela alokatu enplegatuen numeroaren erlazio zuzenek (% 2,2, 6-tik 500-ra alokatudunak; % 9,1 50-tik 500-ra alokatudunak; % 12 2.000-tik 5.000-ra alokatudunak; azkenek % 25, 5.000 alokatutik gorakoak).

Uste dut ez dagoela metodo hoberik konzentraziorantzko prozesore argi ikusteko. Komertzioan ere berdin: pertsonal enplegatu gutiko edo batezko almazenak % 2 gutitu dira, 6 alokatutik gorakoak % 7 gehiturik.

Orain arte —konturatuko zinetelakoan nago— enpresen estrukturazko konzentrazio teknikoaz

bakarrik mintzatu gara. Izatez botere ekonomikoa-
ren konzentrazioa askoz haundiago da, zeren gai-
nera enpresako autonomia juridikorik itxuraz al-
datzen ez duten bi prozedimendu baitaude eraba-
kiak zentraldu ahal izateko.

Finantzazko partizipazioak, administrari berdinak

1. Bi metodoetarik lehenengoa finantzazko partizipazioak hartzea da. Enpresa batek —berdin da merkatari nahiz finantzari izan— fabrika nahiz komertzio apartekoetako, edo fabrika nahiz alman batzu dituen enpresa haundi bateko kapital zati bat erosten du (hasieran nahiz bere funtzio-
namenduko une eman batean). Bere kapital zati honi eskerrak, lehenengo enpresak bere abotsa entzun arazi ahal izanen du bigarren enpresako akzionista batzarretan eta, behar izanez gero, erabakiak alda arazi ere bai. Jacques Houssiaux-en liburu gaur ia klasikoak, “Monopolio indarra Frantzia” (7) adierazten du nola esaterako, Frantziako 100 enpresa haundienak 900 partizipazio finantzazko daduzkaten beste firma batzutan, hau da, bakoitzak 9. Partizipazio hauetariko zazpigarren parte (130) 100 firma hauexetakoa da: hau da, 100 “nagusietarik” bakoitzean. Banku haundi batzuk dozenaka partizipazio finantzazko dadukate beste firma batzutan (banku bakoitzeko 60, 12 haundienetan).

2. Konzentraziorako bigarren modua administrari berdinenak da. Sarritan lehenengoarekin loturik dago hau. Bere interesak jagoteko, firma batek

(batzutan finantzazko partizipazio bat beste batean dadukala) bere administrari bat edo batzu beste firma bateko administrazio kontseiluan jessartzea lortzen du. Askotan orde aulki hau kompetentziazko edo harreman onezko arrazoiengatik ematen dira, aurretiko partizipaziorik gabe. Housiaux-ek dioenez, 100 firmarik haundienetako 975 administrariak 3.120 aulki daduzkate administrazio kontseiluetan, hau da, bakoitzak hirutik gora batz beste. Aulkiotarik ia 480, 100 firmarik haundienetakoak dira, beraz bakoitzak 5 bat administrari daduzka beste 99-ren berdinak.

Harreman finantzazko edo pertsonazko hauek —biek sarritan— firmen arteko harreman bakesuak seguratzten dituzte, egitez indar ekonomiko pribatuaren konzentrazio askoz haundiagora jorik negozio zifrei edo alokatuei buruzko estadistika ofizialetan —berez ere sobera argiak— agertzen dena baino.

*Haundien indar ekonomikoa:
inbersioak, alokairuak, prezioak*

Baina gertaeren deskripzio hau ez da nahikoa. Galde beharra dago zer ondorio dakarren enpresen tamainiako desberdintasuna. Ekonomia mailan, ikus berri dugun konzentrazio neurri honek mila batzu firmari uzten die nazioko produkzioa bere orotasunean seguratzeko eta gidatzeko ardurara, esportazioak egiteko —edo ahazteko— (esportazioa benetako inperatibo da produzitzen duenetik hamarren bat normalki esportatzen duen naziorako). Renaultek automatizatzerik erabaki

ez balu, Citroenek Rennesen fabrika berri ultra-moderno bat egiteko buruerarik eduki ez balu, Sedelorek Dunkerquen bilduma siderurjiko record bat imintzerik nahi izan ez balu, etab., Frantziako produkzioaren geroa asko okertuko zen. Oraingo produkzioaz harago, firma hauek era ebazkorrez taxutzen dute biharko Frantzia: beren inbersioek, gutiegiek nahiz gehiegiek, egokiek nahiz desegokiek, moldatzen dute nazioko geroko ekonomia. Gainera inbersio hauk egiteko enpresiek, autofinantzazioari esker, jokatzeko askatasun osoa dadukte, eta hona nondik geroko egoera enpresarien (guti batzuren) oraingo gogoaren pentzudan dagoen zeharo.

Enpresen inperioa ez da puntu honetan bakarrik geratzen. Alokairu kontuan ere berek ezartzen dute legea. Beretariko guti batzuk "alokairu onen politika" delako kontraseinu neokapitalista jaurtiki zuten eta aurrelari izan nahiko gero eta firma gehiago saiatzen da hura praktikatzan... Berek dira baita alokairu erdigarantituzko (indemnitzazioz, ordurik gutitzekotan) kontratuen formula jaurtiki zutenak, baita akzio banaketa ere (sinbolikoa) pertsonal artean. Formula honetaz hau nahiz ori uste izan, onartu beharra dago firma nagusiei dagokiela beren aitatasuna. Formazio profesionalaz ere enpresa nagusiak arduratzen dira inor baino gehiago eta berak dira produktibitatearen alde ahaleginik haundienak egiten dituztenak (automatizazioa batez ere petroliogintzan, konstrukzio mekanikoan, oihalgintzan..., desarroilatu izan da). Prezioak ere enpresa nagusiek ezartzen dituzte (sarritan elkarren arteko sokaz),

berek hautaturik nola izendatu, merkatuko burruka zorrotzez ala aurretiko akorduz. Baina haundien jokoak maila guztiak harrapatzen baditu, zer arraio egiten dute orduan “tipitek”?

“Tipiak” hornitzaile eginkizunera baztertuak

Gaurko ekonomietan apurka apurka enpresa tipiak firma haundien horniketara bazterturik aurkitzen dira. Enpresa tipiak ez dezakeenez gai konplikatu egirik egin (kotxerik, obra publikoetarako makineriarik, etab.), firma nagusiak egokituko duen pieza baten edo batzuren produkzioan espezializatzen da. Gainera enpresa tipiak ez darduka klienteak bilatzeko komertzio sarerik, hain firmak egiten dizkion eskabideak hartzeaz konformatu baizik. Baina nola enpresa tipiak ez dadukan firma haundiekin eztabaidatzeko modurik —haiexen mende baitago bere bizirik irautea—, derrigorturik aurkitzen da enpresa nagusiak —edo nagusiek— jartzen dizkion prezioak onartzera. Berdin gertatzen da ordainketako atzerapenekin: enpresari tipiak onartu egin behar atzerapena, dozenako edo ehundaka enpresari tipikin konpetentzian ari baita eta haik prest egon firma nagusiko eskabideak edonoiz harrapatzeko. Laburpenez, bada, lanik egin ahal izateko hornitzaileak derrigor onartu behar firma nagusiaren kondizioak.

Enpresa tipia edonola maneiatzeko moduko firma da. Firma nagusien eskabideei erantzuteko hain harotan 80 ordu lan astero eta gero bi hiletan bere ahalaren % 50-ra jautsi. Enpresa tipio-

tako pertsonala da garai berriotako proletargoa. Lege babesik gabeko proletargoa (zeren industriadun tipiak —inoiz artisano soila— eten gabe hausten baititu lege sozialak), alokairu minimo garantiturik gabe (eskerik dagoenean bakarrik dago alokairurik), etorkizun xit urriz (enpresa hornitzaileok inbersio guti egiten dute, firma nagusiek ordainduriko prezioekin ez baitadukate beren tresneria berritzerik eta modernotzerik). Enpresa hauetako gaurko egoerak biharko kapitalismoaren ikuspegia damaiku: alokatu-jaunen ondoan (enpresa haundietakoak) gero eta alokatu-esklabo gehiago agertuko da (enpresa tipietakoak). Probintziako tailer tipietan enplegu segururik eza, alokairu minimo garantituaren pareko edo azpiko alokairuak —lege guztiak eta guzti ere— ordaintzeko ohitura, lurralde hauetako langile familietako seme-alabentzat ia kultura biderik bat ere eza, horra garai modernoetako behe-proletargoa zer izanen den zori-xarrez iragartzen duena.

Enpresa nagusien interbentzio politikoa

Enpresa nagusien ikuskera hau ezosoa litzateke beren garrantzia ekonomikoaz batera politikan duten pisuaz mintzatu ezik. Zati bat arlo honetako indarra beren indar ekonomikotik datorkie. Firma batek hango bizitza ekonomiko guztia oinarritzen duen lurraldeetan (esaterako Michelin-ek Clermont-Ferrand aldean), asma litezkeen presio bide guztiak daduzka lekuko agintariak eta jeneralki biztanleria osoa enpresak nahi duen zuzenbidetik joka arazteko. Zerratzeko edo orduak gutitzeko

mehatxuen aurrez —inguru guztiko beherakada automatikoa dakarkeena—, lekuko agintariak beharturik aurkitzen dira firmaren esijentziei amore ematera (esaterako zerga edo mobiliario kontuan) enpresak ez dezan aktibitaterik labur, nahiz eta esijentziok ez izan ez arrazoizkoak ez zuzenak.

Agintari-firma arteko soka hau hainbat ugariego ianen da zenbat eta firmak agintarion hautaeran gehiago lagundu. Tradizio da ia hauteskunde kanpaina bakoitzean Frantziako ugazabek beren lagunen artean dirua batzea “kandidato dezenteen” gastuei erantzuteko. Kandidato dezenteok ez dira industriako eta lurreko jabego pribatuaren on jeneralak eta lokalak zaintzera konprometatzen direnak besterik. Esaterako, Boutemy jauna urteetan arduratu zen C.N.P.E.-tiko diruen banaketaz eta Isorni jaunak (Petain-en abokatu antzina eta deputatu gero) bere “Ainsi passent les Républiques” liburuan kontatzen du nola egiten zen miloi hauen banaketa, propaganda liburuxka “onak” eta gainetiko hauteskunde gastuak ordaintzeko erabiltzen zirenak.

Firma nagusien politikan sartzeari oso modu ez-kutuz inguraturik dago, herritarren susmo gaitzak eskatu bezala. Enpresa nagusi pribatuek guztira lobby bat egiten dute, beren egite eta asmoez gainera lan, ohar, estudio, eta komentario mordo haundi bat argitaltzen duena, izparringiak, parlamentariak, ministro gabinetek, administrazio publikoak... elikatzeko, eta firma hoietako erreibindikazioak direla nazioko onari komeni zaizkion bakarrak frogatzera destinatuak. Lobby-a parlamentarien interbentzioak, hauzi idatziak eta hi-

tzaldiak oso osoan preperatzeraino heltzen da, haiek firmatzea edo esatea besterik ez dutela. Debre jaunak ba daki zerbait honetaz, senatore baino ez zenekotik. Gehienez zalapartarik gehien ateratzen duten lobbyak ez dira efikazenak. Lobbyen helburua botere publikoengandik aldeko neurriak lortzea da: bitartean batzuk hizpide asko ematea nahi, bestetzuk ezkutuan pasatzea. Gainera esan beharra dago gizon publikoei bidalitako paperketa sarritan abantaila promesaz lagundurik doala eta hau edonori zaio tentagarri. Askotan “sobreak” edo zuzenki xekeak dira, baina gaur egun xit bakana da lobbyak hain prozedimendu zikinik erabiltzea. Compagnie du Canal de Suez-ek, Nasser koronelarekin gaizki zebilela, “aldeko” hizparringi guztiei xekeak bidali zizkien hauzian hartzen zuten ardura eskertzeko. Kasu hau denak harriturik uzteko bezain erraroa izan zen.

Lobbyak edo “presio taldeak”

Gehienez lobby batek edo enpresa haundi batek bizitza publikoan sartzeko erabiltzen dituen medioak leunagoak izan ohi dira. Daitekeena da —modurik edukiz gero eta enpresa haundiek bakarrik permiti dezakete horrelako luxorik— iritzia sobornatzea (publizitate masiboaren bidez) edo hizparringi bat erostea botere publikoari eta nazioko sentimenari eragiteko bide emanen diona: Boussac-k L'Aurore; Provost-ek Paris-Match; Del Duca-k Paris-Jour; Hachette posse-k France-Soir eta Paris-Presse; Pouillon-ek (C.N.L.-koak) U.N.R.

Le Tac bitartekoaren bidez, Parisko astekari bat (Paris 18) eduki nahi izan du, etab.

Lobbyek eta firma nagusiek gero eta axola gehiago dadukate goiko administratiboez eta ministro gabineteez. V Errepublikako parlamentarien gainbeheratzearen ondorio da hau. Esaterako, zuek industriako ministroaren edo Haziendako ministroaren gelaurrean egun bat eman ahal bazenue eta ate-mutilei galdatu zer jende modu dabilen handik, ehuneko honenbesteko haundi bat profesio adar nagusietako edo firma nagusietako buroak direla jakinen zenukeite, subentzio bat edo esonerazio fiskal bat, prestamu bat, hobari bat, edo eskari gehigarriren bat eramatera datozenak. Baina guzti hau ez firmaren beraren (diote), nazio osoaren onerako baizik. Izan ere ez dago ezer jakinagorik profesio erakunde haundien argudioetan aurretik denen ona jartzea jartzea baino, interes pribatuen alde pribilejio gehigarriak harra-patzeko. Ia mende erditik honantz egia bilakatu da Estatu Batuetan dabilen formula hau: "General Motors-i on zaiona, Estati Batuei ere on zaie".

Publizitatearen oraingo bizkondeak era ederrik eman die firma nagusiei beren ardura denen ona bilatzea dela sinets arazteko jendeari... Eta arrazoi bakarra hartarako finantza bideak dituztela: hizparringietan publizitatezko orrialde osoak eta telebisioko programak (sarritan artezkoak) erosi, begi propaganda izugarria pankarten bidez. Kanpaina izugarriro gostutsu hauek ezerezean uzten dituzte kapitalismoaren kontrako talde politikoek egin nahiko kanpainak. Ez dago dudarik nazioko politikan sartze hau hamar bidertu egin dela fir-

ma nagusiek (nork jakin zer aberastasunekoek) sozialismoari gerra egitea erabaki dutenetik gora. Behinolako enpresek motelago zeramaten burruka hau modu gutiago zedukatelako. Ikusmira hone-tatik, industrian nahiz komertzioan hain argi iku-si dugun konzentrazio gehikorrak asko zailtzen du sozialisten burruka gaurko kapitalismoaren kontra, honek, aberatsago eta konzentratuago ego-nik, medio gehiago baitaduka burruka bebe go-gara eramateko.

IV. KAPITALISTEN SOLUZIOAK DESBERDINTASUN HAUEI

Heldu da ordua ikus berri ditugun diferentzia mota guzti hauen aurrez —errentazko, lurraldez-ko eta enpresen tamainiazko diferentziak— joka-bideak hartzeko. Zentzuzko eta desiragarri iritzi behar al diogu lur enpresak azkar konzentratzea-ri, urtean 100.000 pertsonak inguru behar haina bizitzetxe gabeko hirietara alde egin behar iza-nik? Ontzat jo behar al da firma industrialek, gero eta haundiagoek, esklabo bihurtzea enpresa tipiak eta elkar harturik beren artean banatzea merkatuak eta klienteak? Egokitizat eman behar al da Frantziako errentetan 1-tik 2.000 edo 3.000-rainoko aldea egotea?

Frantzia osoan pertsona guti dago hiru galdera hauei baietz erantzutekorik. Denoi min ematen daukute —kontzientziaz ez bada hitzez behintzat—

on jeneralaren hain kontrako diferentzia estruktural hauek. Baita mingarri zaiku firma pribatu haundiek gero eta garrantzia gehiago edukitzea nazioko etorkizun ekonomikoan eta garrantzia honek hain sarbide haundia ematea politikan. Hargatik mundu guztia ahalegintzen da —gehiago edo gutiago, jakina— diferentzia hauei erremedioak imintzen. Baina erremedio hauk zer eratara pentsatzen diren, desberdintasun hauei buruz bi soluzio eredu haundi agiri dira: eredu bata ekonomiaz kapitalista (politikaz kontserbadore) eta beste eredua ekonomiaz dirijistago eta sozialistago (politikaz berdinkorrago). Zeintzu dira Frantziako ekonomikako desberdintasun estrukturaleri kapitalismoak damaizkion soluzioak?

XIX garren mendean hasierako kapitalismoak problema guti zerabilen honetaz. Bere ustez, konpetentzia hutsak eta hotzak konpondu behar zituen ahalik ondoen eragozpenak. Bizirik irauteko modurik ez zedukaten enpresak lurraldeek, hiritarrek desagertu edo morroi mailara makurtu behar. Hau gainera ederto zegoen zeren azken batez mundu guztia probetxatzen baitzen errejimen berri honetaz: langileek pozik ikusten zuten firma haundien zabalkundea alokairu hobeak ordaintzen zituztelako; klienteak prezio ohbeetan hornitzen ziren, produktibitate haundieneko enpresek bakarrik irauten baitzuten biizirik; jendeak harantz jotzen zuen lurradeak aberatsagoak ziren eta jende hau lurralderik pobreenetatik zetorren, etab.

Arrazoiketa hau aspaldi utzi dute kapitalistek ergelegia zelako: ez zituen kontuan hartzen mi-

serian bizi ziren familiak, enpresa tipien zerrazteak lan gabe utzitako langileak, baserriko esodoa eta pilaketa urbanoaren drama sozialak (bizitzetxe krisisa, enplegu bilaketa, etab.). Oraingo kapitalistek zazpi neurri sail proposatzen dituzte estrukturazko desberdintasunak leuntzeko (edo beren okerrak zuzentzeko): konzentrazio "bigunagoa" eta cartel-a, enpresen tamainiari buruz; joan-etortze demografikoak eta lurraldeen desarroiari bultzadak, lurralde arteko desberdintasunei buruz; azkenez alokairuen eta zergen armonikuntza, salmentetako desberdintasunei buruz. Guzti hauetaz gainera, zazpigarren bide bezala, sektore publikoa zuhurki erabiltea.

Konzentrazio "bigunagoa" eta cartela

Enpresen tamainiako desberdintasunak dakartzten okerrak konpontzeko erarik onena industria-ko eta nekazaritzako konzentrazioa burutsuki eramatea da. Integrazio bidean urrutiago jotzeko premiarik ez den bitartean, oraingoxe egoerari eutsiko zaio. Esaterako, konzentrazioak gizarte, teknika edo zerga arrazoiengatik onena harrapatu duela uste den bakoitzean, aurrerantzko mugimendua geratu egingen da. Kapitalismoak beraz onartzen du konzentrazioa mugatzea (hortik datorren enpresa tipien ugaltzeaz), baina bakarrik konzentrazio gehikorraren ritmo jeneraleko une izendatu batzutan. Aurretik konzentratu egoniko enpresa bat askotan zatitzerik ere gertatuko da sarritan. Erabaki hau sarritan enpresako zuzendaritza-tik dator, administrazio gastuei gehiegi baiteritza

enpresa ia haundegia delako eta beraz neurriz gorako burokrazia behar, indar ekonomikoa eta emankortasuna guti araziz. Sarritan konzentrazioa (desiragarri izan arren) frenatu ere egiten da, aitoren- enpresen batzu (tipiak edo erdizkoak) gorde- ri kagintariak bihozbera arazteko edozein profesio- ren zorteari buruz: honela abantaila gehigarri batzu lor daitezke (prezio garantituak, prestamuak gustu onean, laguntzak, probilejio fiskalak, etab.) edozein profesiotara zabalduko direnak (konpetentziaren izenez —esaten dute orduan—, enpresa bati —tipi nahiz erdizkobesteei baino gehiago lagun- tzerik agintariei debekatzen dien konpetentziaren izenez).

Konzentrazioa “biguntzeko” modu hau oso hur- bil dago cartelen jokotik, firma nagusien arteko soka bat baita (tazitoa bederen) enpresa tipi ba- tzuri bizitzen uzteko. Aurreko kapituluan nahikoa hitz egin dugu cartelen jokoaz. Orain gogoratu besterik ez dugu eginen: prezio, produkzio, pu- blizitate gastu, esportazio eta abarri buruzko so- kak. Baita sarritan —eta konpetentzia biguntze- kotan— enpresa nagusiek finantza partizipazioak hartuko dizkiote elkarri (A-k B-ko kapital zati bat daduka eta honek halaber A-ko kapital zati bat daduka eta honek halaber A-ko kapital zati bat daduka); edo administrari berdinak (X eta Z era batera A, B eta D firmetako administrari di- ra). Finantzazko eta pertsonazko harreman hauek ebitatuko dute burruka zorrotzegia izatea eta fir- men tamainiako oraingo desberdintasuna astundu gabe manten araziko da eta okerrak firma batzu- rentzat bigunduko.



Espiritu berberak eragiten dio neokapitalismoari lurraldezko diferentziei buruz ere. Berez “dabilela merkatua bere gisa” uzten du, hau da, enpresek lekutzeko ondoen deritzaten lurraldeetan desarroila daitezela. Era batera aktibitate ekonomikorik lekutuenak desagertzeko libre daudenez gero, prozesoreen buruan lurralde bakoitzak zertarako gehien balio huraxe produzituko du.

Baina honek —zeroiek ere ia pentsatzen zaudetenez— lurraldezko diferentziak leundu beharrean gehitu egiten ditu alde batzu bereziki horniturik baitaude aurrerapen teknikuko hain unetan desarroilatzeke. Guztiz egia. Horregatik mugimendu honek izugarrizko esodo demografikoak sor eta mantentzen ditu. Baina orduantxe sartzen dira Estatuak lurraldeen zuzperkuntza lortzeko (itxura politikoz) imintzen dituen mekanismo leuntzaileak. Bertan behara uzteko dagoen holako edo halako aktibitate zirika dezala eskatzen zaio. Holako edo halako azpi-estruktura gastuak ere bere kontu hartzeko eskatuko zaio (kanale bat, karretera bat, trenbide bat, bortu bat, aireportu bat, zentral elektriko bat, etab.) lurraldeari, desarroilo ekonomikoa bukatzean, bizitza berririk emanen diola uste dena. Laburki, bada, carteletan egin ohi den antzera, ahalak eginen dira merkaturako eta Estatuko jokoa konbinatzen.

Baina, jakina, beti jokatzen da norbaiten kalterako: dela beste lurralde baten kaltez —besteari izendaturiko eta akaso berak mereziago zituen subentzioak probetxatu ahal izanen zitukee-

lako—, dela zergapekoen kaltez, berek ordaindu behar baitituzte Gobernuak erabakitako subentzio edo prestamoak, sarritan berriz onura ekonomiko haundirik gabekoak. Orduan, konkomitante guttiok kontuan edukirik, aitor dezakegu erresultatua ez dela ederregia, ez baitago diferentzien leuntzerik, bestela gertatuko zatekeen baino okertze gutitxoago bakarrik baino. Konklusio honek ez nau askorik harritzen: lurralde arloan da hain zuzen kapitalisten soluzioak gaurko problemei gutien egokitzen zaizkiena.

Alokairuen eta zergen armonikuntza

Errenten desberdintasunari buruz teknika neokapitalistak are okerrago dira oraindik. Kapitalistak prest daude —alokatuen burruka zorrotzagatik, jakina— premiazkoen zaizkien langileak (pertsonal xit kualifikatua, injineruak) ondo ordaintzera, edo beren kide egin nahi duten pertsonala koadroak, zuzendaritzako pertsonala). Baina ia bost axola zaio beste mailatako errentarik, apropos utzirik geldi edo gutitzen (prezioen gora al-dian).

Diferentzia funtsezko hau beti gogotan eduki behar dugu kapitalista mordotxo batek errenten diferentziak leuntzeko proposatzen dituen metodoez hitz egiten dugunean, nola baitira: alokairu garantituak (lanorduen aldatzeetatik datozen alokairu diferentziak leuntzeko), ordu-alokairuak hileko bihurtu (hile-alokairua arautzeko), jubilazio gehigarriak (koadroenak esaterako), paroaren kontrako seguroa, etab. Guzti hau —ezerez baino ge-

hiago izanik— gehiago doa alokatu maila jakin batzu (guti) faboratzera errenten piramidea haustera baino. Estadistika ofizialek erakusten dute kapital mobiliarioen errentak (elkarteetako akzioak) eta kapitalak berak ere lanaren errentak baino azkarrago gehitzen direla eta hauk jubilatutako zaharren eta ekonomiaz makalen errentak baino azkarrago gehitzen direla. Laburpenez, bada fenomenoari buelta emateko ahalegin motel batzu eta guzti ere, errenten desberdintasunak —1-tik 1.000-raino baino gehiago— haunditzen segitzen du.

Estatuari, jakina, honetan ere eskua sartzeko eskatzen zaio. Esaterako, elkartasun-hondoen sortzen zaharren egoera nazioko talde aktiboetako buruzare okerragotzea eragotzi nahi du. Halaber, Estatuak lur langileen seguru sozial eta familiarretako gastuak bere gain hartzeari esker, gutitu egin da nekazarietako irabazten zutenaren eta komertzioetako eta industriako langileetako kobratzen zutenaren arteko diferentzia. Era berean lanik gabeko langileei eta gaitz fisikodunei banaturiko subentzioetako esker, gutitu egin da hauen eta gaitetako hiritarren errenten arteko diferentzia. Azkenez errenta zerga progresiboetako esker —zerga tasak % 0-tik, urtean 220.000 franko zaharretik beherako errentarako ezkongabeentzat (660.000 bi haurretako sukaldeentzat), % 66-raino doaz, errenta haundia goetarako— Estatuak gutitu egiten du errentetako desberdintasuna. Baina iruzur fiskalaren gaurko haundierak eta legeak errenta efektiboko zati eder bat ezkutatzen uzteak (Estatuko tituluoen errentak, enpresek ordainduriko gastu jeneralak, halako profesioetako aparteko errebatuak) izugarritzko mozten

dute bide honen efikazia, nazioko errentaren bir-banaketarako harma bikaina izan litekeen bidea noski —eta izan ere izan zena Attlee-ren Inglaterra laboristan—.

Laburpenez, errejimen kapitalistek errenta diferentzien kontrako burrukan darabilten hainbat prozedimendu —pribatu nahiz publiko—, arrazoi askogatik oso efikazia urriko da. Neokapitalismoaren aldekoek ondo dakite hau. Beraz, diferentziak berak baino diferentzia hauek sor arazten duten haserrea leuntzen gehiago arduratzen dira. Hone-tarako “giza harremanezko” hainbat teknika era-biltzen dute. Helburua da edo langileari ordan sikologjiko bat tante bat dela sinets araziz) edo bere isiltasuna edo errespetoa erostea (hobari par-tikular batzuren eta enpresako izparringien bidez). Metodo hauek ez dute alokairuen desberdintasu-nik leuntzen, baina bai ahazt arazten saiatu, me-todoon biktima direnei hain zuzenberen sortzeaz konforma arazi. Bide berdinetik Gobernuaren deiek eta deiek ere “alokatuen zentzu onari” eta sindikatoen “erantzukizun profesionalari” ez da-dukate beste helbururik.

Sektore publikoa interes pribatua onerako erabili

Ez dugu oraintxe arte —behar bada behin-edo, baina bide batez— sistema kapitalistak estruktu-razko desberdintasunak edo behintzat hauen on-dorioak leuntzeko darabilen zazpigarren eta azken prozedimendu honen berririk eman. Hala ere, sa-rri erabiltzen dena da eta anitz eta anitz inziden-

tzia garrantzitsu daduka: sektore publikoa interes pribatuen onerako erabiltzeaz ari naiz.

Ez dakien batek uste du sektore publikorik (sektore pribatutik aparte) egotekotan, jokabide ekonomikuko erregela berezi batzurengatik dela eta erregela hauexek justifikatzen dutela haren esistentzia eta erregela hauk botere publikoak ematen dituela, sektore publikoaren jabe eta buru delako era batera. Egitez, legez, sektore publikoaren zuzenbidea botere publikoak erabakitzen du. Baina indar pribatuek botere publikoen gain zer garrantzia duten kontuan edukiz gero, zuzenbide hau gehienez botere publikoak eta interes pribatuak elkarrekin erabakitzen dute. Hona adibide batzu:

S.N.F.C.F.-k —enpresa publikoa— tarifa berririk jartzea erabakitzen duenean, trena sarri erabili beharreko industria pribatuek (kimika, siderurgia, konstrukzio gaiak) botere publiko erantzulearengana jotzen dute (Lan Publikoetako eta transportetako Ministeriora) tarifa berriok ez dezaten beren salmenta preziorik kehiagi graba. Behar bada, berriz, S.N.C.F.-k dadukan trenbideen esplotazio gastua bera baino tarifa tipiagorik lortzeraino ere helduko da. Kasu honetan zerbitzu publiko honek industria pribatuari subentzio bat emateko zeregina balu bezala jokatzeko du, zerbitzuen benetako salmenta prezioetik beherako prezioan fakturaturik haren merkantziak. Prozedimendu honekin anitz tren tarifa merkeegi jarri izan da (esaterako siderurjiarako). Tren tarifetan ere, industriako konsumitzaile nagusiak (kimika, metalurgia) izanik tarifok ordaintzen eta elabora-

tzen dituztenak. Bide berean sarri gertatzen Estatuak finantzatzea gero enpresa pribatuek, esplotatzaile gisa, automatikoki probetxatuko dituzten petrolio bilaketak (esaterako, Saharan eginiko bilaketak).

Laburpenez, kapitalismoak lan guti emankor-
rrak egiteko erabiltzen du sektore publikoa (bai-
na diferentzia batzu leuntzeko moduko lanak no-
lanahi: esaterako, lurraldezko espansioan edo era-
berritze arloan, Erdiko Mendidiko harriatz mi-
nekin gertatu bezala). Lan guti emankorrok or-
dea, industria pribatuetako emankortasuna bapo
gehitzen dute. Botere publikoak —enpresa pribatuen
eskariz edo akorduz— izugarrizko ahaleginak
eskatuko dizkie enpresa publikoei: Renaultek es-
portatu egin behar (dolarrak irabazteko), ez Ci-
troenek, ez Simcak, ez Peugeotek leporatu nahi
izan ez dituen arriskueta sarturik. Societe Na-
tionale Repal-ek eta C.R.E.P.S.-k ekin behar Sa-
haran enpresa pribatuek nahi izan ez duten pe-
trolioaren bila. Lan desatseginok sektore publi-
koari ezartzean, sektore pribatuak berak egin be-
harrik ez, eta bere aldetik inolako ahaleginik gabe
horra egina naziorako funtsezko diren lan ekono-
mikoak. Esaterako, langileentzako bizitzetxegintza
Estatuko organismoen esku utziko da, ez baitu
nahikoa irabazirik ematen. Ikatzgintza (gaur balio
guti ematen zaion energia) enpresa publikoek egi-
nen dute, petroliogintza ordea (espansio osoan)
sektore pribatuak beretzat gordeko du, etab.

Orain uler dezakezue zergatik ez duten gaur
kapitalistek enpresa publikoen “desnazionalitze-

rik” nahi, nahiz eta enpresok apenas beren pre-suposturik ere ekilibratu, agirian zor egile ez direnean (sektore pribatuaren onerako). Egia da nazionalitze bakoitza —S.N.C.F. izan ezik— ugazabekin burruka gogorrean egin behar izan dela. Baina behin lortuz gero, beren onerako bihurtzea bilatu dute eta gehienean lortu ere bai. Ez dadukate bada, gertatuaz damutzeko arrazoirik. Kapitalismoarentzat irtenbiderik onena da ahalegin guztiak egitea botere publikoa are mesedegarriago dakion bidetik eramaten.

Sektore publikoaren zabalera

Zer garrantzia da gaur sektore publikoak Frantzia? Haundia noski, industriako zazpitik alokatu batek sektore publikoan lan egiten baitu, eta Frantziako ekonomia osoan inbersio laurdenetik gora (% 28) enpresa publikoek egiten baitute (8).

Enpresa hauetako izendegi ofizialak 360 inguru (hauei 300 filial erantsi behar) kontatzen ditu Estatuan kapitalaren % 30 gutienez dadukana (enpresako zuzenbidea kontrolatzeko nahikoa portzentaia). Kontu honetan ez da sartzen P. et T.-rik (ministerioak eta ez enpresak baitira), ez Irrati-Telebisorik, ez zerbitzu publikorik, ez Estatuak kapitalaren % 30 gutienez dadukan ehundaka enpresarik.

Zeintzu dira enpresa hauak? Enerjia adarrean sektore publikukoak dira harrikatz minak, Electricite et Gaz de France, Regie Autonome de Petroles, Bureau de Recherches des Petroles, Com-

pagnie Francaise des Petroles, S.N. Repal, C.R.E. P.S. (azken enpresa biok Saharako petrolioatopatu zutenen artean datoz), Compagnie Rhone (ibai honetako kanale lan haundiak egin dituen Donzere - Mondragon-en, Montelimar-en), baita 1960-n sarturiko elkarte berria petrolio banaketarako eta Caltex-ko sarea hartu duena. Transporte adarrean sektore publikuko enpresak dira: S.N.C. F.-ko trenbideak, R.A.T.P., Air France, Messageries Maritimes, Compagnie Transatlantique, Trappil elkarteak, Le Havre-Parisko pipe-line-a iminiduenak), Mont-Blanc azpiko tunelaren elkarteak, aeronautika, SNECMA, Sud-Aviation (Caravelle egiten ari dena), Société de Construction Aéronautique du Centre. Guzti hauei beste hainbeste industria eta enpresa erantsi behar: Alsaziako potasa industria, nitrogeno industria (O.N.I.A.), tabakoak, Renault, etab. Gainera informazioko adar berezian Havas Agentzia (publizitatekoa), Sofirad elkarteak, beronenak izanik Montekarloko Irratia, Andorrako Irratia eta orain Europa 1, Actualités Françaises, eta oraintsu arte S.N.E.P., gerratik gora nazien okupazioan kolaboraturiko egunkariei kendutako inprentak zuzentzen zituena.

Kredito adarrean 36-raino seguro-enpresa publiko daude, 16 banku edo kredito-etxe publiko (beren artean 4 bankurik inportanteenak: B.N.C.I., Comptoir d'Escompte, Credit Lyonnais, Société Générale). Azkenez 23 bat etxe publiko eta ekonomia mistoko 40 elkarte ia.

Ikus dezakezuenek, Sektore Publikoa hala industrian nola komertzioan oso zabala da. Frantziak europar nazio guztietatik sektore publikorik

haundiena daduka, Ingalaterra sozialistak berak baino ere bai, laborismoak onenean ere ez baitzuen ezagutu Frantziako gaurkoa bezain sektore publiko zabalik (bere ekonomiaren erlazioan).

Industria eta komertzioa aparatua hain izugarria helburu pribatuetarako batez ere erabiltzeak sektore hau hain haundia ez balitz edukiko ez lukeiten efikazia damaie soluzio kapitalistei estrukturazko diferentzien arloan. Hala ere, esanik dugun bezala, efikazia hau guztia beharrekoa da. Dударik ere ez soluzio sozialistak efikazago direla.

V. SOZIALISTEN SOLUZIOAK ESTRUKTURAZKO DESBERDINTASUNEI

Sozialistak ez dira sekula errentetako, enpresen tamainiako eta lurraldeen desarroiloko desberdintasunen aldeko izan. Jokabide honek batzu gehiegikeriara eramanez ditu, "tipien" defenditzaile itsu bihurturik, direnak direlakoak izan: merkatu tipiak, erremolatxa produktore tipiak, nekazari tipiak, etab., beren tipitasunaz beste irizpiderik gabe. Esaterako, Poujade jaunaren hauteskude kanpainaren hasieran komunisten partidua ez baitan egon zuen merkataria "tipien" klienteriari eusteko. Esan dezagun bide batez ez dela partidu honen historian behingoa bakarrik anakronikotzat eta malthustartzat garbi salatuz dauden estruktura ekonomikoei eutsi nahi izatea.

Benetan sozialista izateko jokabide konserbatzaileegi hau alde batera utzirik, nola berezi soluzio sozialistak gora aipaturiko desberdintasunetarako? Gaiari osoan oratzerik ez dugunez gero, funtsari lotu beharko.

Lehenengo nazioko desarroilo plana zehaztu

Lehenengo puntua —behar beharrezkoa— desberdintasunak zer apartekotzat ez hartzea da, ekonomiako desarroilo eta zuzenbidearen barrutian arazo bat gehiagotzat sartzea baizik eta hau plan urtetsu, arrazoizko eta progresibo bateko kontua da. Behar dena desarroiloko plan jenerala zehaztea, talde finantzarien interes pribatuak albora utzirik.

Plan hau demokraziaz landu behar da, Estatuko ordezkariak parte harturik, konsumitzaileekin eta produktore alokatu eta nekazariekin batera. Plana da nazioko desarroilo premia desberdinak bateratzen saiatu behar duena, hiritarrik gehienen premia biziak aurrenen asetzea bilatuz. Irizpide honexen arauera izendatuko ditu naziorako produkziozko desiragarrienak, zeintzu premia komeni den aurrenen asetzea, nola ondoen banatu laneskua (industriak eta lurraldeka) helburu hauk lortzeko, nola banatu nazioko errenta (haundi haundika behintzat), zer eraberritze (industriazko nahiz profesiozko) egin, zer finantza bide lortu plana burutzeko, etab.

Planaren hari jeneralak asmatutakoan bakarrik pentsatu ahal izanen da aparteko neurririk sar-

7
tzea alde batetik klase sozialen arteko errenta diferentziak gutitzeko (eta alokatu talde bakoitzaren barrenean gehiegitzat dauden alokairu diferentziak) eta bestetik lurraldeen arteko desberdintasunak laburtzeko (nazioko aberastasunak hobeto esplotatzeko eta nazioko bizkundera lurralde batzutako jendeak bakarrik probetxa dezan ebizatzeke). Ikuskera hau zeharo diferentea da kapitalisten munduan dabilenetik, non enpresa eta inizatiba askatasuna delakoa atxakia bat —eta bide bat— besterik ez baita errenta arteko eta lurralde arteko desberdintasun izugarrirei eusteko (okerragotzeko ez denean) (9).

Sozializazioa eta neurri bereziak

Bego argi interes pribatuak desarroilo plan honen betetzeari kontra egin ez diezoten —planak demokrazia prestatua izan behar du, Estatua, konsumitzaileak eta langileak batuz eta Parlamentuak herri konsulta baten ondoren botatua; esaterako, hauteskunde jeneralak direla-eta oso garrantzizko dela:

— ekonomiako oinarri sektoreak, zeinen mende baitago nazioko desarroiloa (kreditua, siderurgia, bilduma kimikoak edo petrolioekoak, transporte bideak, itxas edo aire konpainiak, karrete-rako transporteak, etab.) sozialduak izatea.

— nazioko ekonomiko beste “hazte polo” nagusiak ere (enpresa pilotoak, bizkunderako lurraldetan, banaketa zirkuito-ereduak) berdin sozialduak izatea.

— azkenez planaren betetzearen kontra (egitez edo paso emanez) dauden interes pribatuak integratzea (sozializazio bidez batez ere). Esaterako, sozializazio-zigorraren aldeko gara (Renault gerra ostean ezarritako antzekoak).

Baina bego argi sozializazio hauek ez dadukatela langileentzat bat ere interesik —gerra osteko esperientziak ondo erakutsi du— enpresen zuzenbidea —planaren norabideen arloan— lanaren ordezkariak eman ezik eta ez botere publikoak izendaturiko teknodelegatuei, “oinarriaren” kontsultarik ez parte hartzerik gabe.

Eskema jeneral honetan —plan eta sozializazio— hiru neurri sail berezi sartuko dira, gorago aipaturiko estruktura desberdintasunek sorturiko problemak konpontzera destinatuak:

1. Errenten desberdintasunei buruz, berdintze progresiboko ikusmira sozialistak eskatzen du beste betean erabiltzeko:

— errenten dirijismoa (alokairuak, marjenak, prestamen sozialak eta familiarak, jubilazioak, ikasketak, etab.) berdinkortasunez, ez berdinkeriaz (berdintasunik ez da sekula ahal izan; hala ere bertarantz jo beharra dago).

— errenta zerga progresiboak eta errentaren beste bir-banakera batzu, hasierako banaketak tente utzitako diferentziak gutitzen saiatuz.

— errenta haundirik (a fortiori kapital pilaturik) belaunetik belaunera pasatzea debekatu.

Hiru neurri sail bereziok errenten piramidea laburtu egingen dute segur asko.

2. Lurraldeen desberdintasunei buruz, aparte-ko ahaleginak egin beharra dago lurralde behe-
tuen alde. Enpresak —holako edo halako zirika-
daz— alde hauetan jartzera gonbidatu beharrean,
botere politikoek, planaren norabideen arauera,
lurralde hauetara azpi-estruturako inbersio ma-
siboak destinatu behar dituzte (karreterak, kana-
leak, trenbideak, preferentziazko tarifak, etab.)
eta hau nahikoa izan ezik, enpresa publiko be-
rriak imini, hauetarako lanesku espezializatua ga-
raiz trebatuta edukirik lekuko lanesku erabilga-
rritik hasita. Lanesku honentzat bizitzetxe pre-
miarik sol baledi, atxegintzako programa bereziak
antolatu behar.

3. Enpresen tamainiari buruz, derrigorra da
aurrerapenera egokitzeko aparteko ahaleginak egi-
tea. Behar dena ez da enpresa publiko berriak
sozialdu aurretik zedukaten tamainia berean segi
araztea, ez eta pribatuak izaten dirauten enpre-
sak ere tamainia berean segi araztea.

Ahalegin bikoitza egin beharra dago —bilake-
tazkoa lehenengo eta integraziozkoa gero— enpre-
sak tamainiarik onenera hurbiltzeko, enpresari
produktibitate haundiena damaion tamainiara
noski. Behar bada on izanen da enpresa zabale-
giak eta guti emankorrak (burokraziaren tamai-
niagatik) zatitzea. Baina sarritan beharrezko iza-
nen da tamainia tipiegiko enpresak batzea asko
emankortuko badira. Hau harriatz minetan edo
Electricite de France-n eginik dago ia gerra ostean.

Onen teknikoari buruzko bir-antoleketa hau
erraz egitekoa izanen da, enpresei dagozkien dato

guztiak jakin ahal izanen baitira eta beraz botere publikoen erabakia onenari atxikiko baitzaio.

Pribatuak izaten jarraikiko diren enpresei bu-
ruz (industrian, nekazaritzan nahiz komertzioan)
Estatuak produktoreei elkartzen lagundu beharko
die, onen tekniko honetara hurbiltzekotan. Aben-
tura gogoz edo bakarkeria gehiegiz, produktore
tipiek elkartzeari muzin balegiote, Estatuak kasu
honetan laguntza moztu egin behar likee, nazioko
ona haien on partikularraren eta haien pribile-
jioen euspenaren mende jarri gabe.

Onenera jo, ez statu quo-ra

Zuek ikus dezakezue ez dadukadala inolako “a
priori”rik “tipien” alde “tipi” bezala. Benetako
demokrazian-eta sozialismoa da bere erarik biri-
bilena-gehienena ona da nagusi eta ez pribilejiatu
batzurena.

Errenta kontuan eta lurraldeen espansioan, ja-
kina, denen ona nazioko errenta hobeto banatzea
da hiritarren eta hauk bizi diren lurraldeen ar-
tean. Hortik bereziki arduratzea zoriak, egoerak,
konforta... berdintzen, dena dela jendea bizi den
lekua, leku honek nazioko bizkunde ekonomikoaz
ondo bat egiten badu. Ez dago ordea inolako arra-
zoirik mendez mendetako klase burrukak eta ja-
bego pribatuak eraikitako industria, nekazaritza
edo omertzio estrukturei eusteko.

Sozialistontzat kontradikzio gorria litzateke al-
de batetik geroko mundu anaikorrago eta efika-
zagoaren egiletzat eduki geure buruak eta beste-

7
tik oraingo honetan egoera historikoaren aldeko izan, ekonomia eta giza eboluzio luze baten frutu huts besterik ez den egoera, iraganiko belaunaldien gainean eduki dituen garaitiak eta guzti ere, hiltzea zor duena.

Hautaera onurakor bakarra honetantxe datza, eboluzio hau bultzatu ala onartu soilki. Barkamenik ez duena eboluzio honen aurrean ez-jakin egitea edo atzeraturik geratzea.

BOSTGARREN KAPITULUA

NAZIOA ERABAKI EKONOMIKOEN AURREAN

Kapitutu honetan, zerrendako bostgarrenean, hauzi nahasiago samarrei ekinen diegu. Aparteko arreta behar dute beraz. Izatez orain arte esaniko guztia begien bistakoa zen, zentzu hutsetik harakoa. Orain arlo konzeptualagoan sartzen gara: ekonomia nazionalaren funtzionamendua. Esanen dugunak edozein herri aurreratutako ekonomia nazionalerako balio du. Frantziako kasuari bereziki bagagozkio, adibide bereziki arretagarria delakoan gaudelako da. Gai zabalagoak argitzeko nazio honi dagozkion zifrak konparatuko ditugu eta Frantziako arazo ekonomikorik haundienak gogoraziko. Hala ere azalpen hau —oso aldakuntza gutiz— erraz aplikatzekoa da edozein nazio desarroilatutara.

Zein toki dagokio gai honi Ekonomiako lehen pausoetako sailean? Gauza argi dago: mekanismo

ekonomikoak ez direla batzuk uste bezain konplikatuak eta beraz arreta apur batez edonork ulertzeko modukoak zirela jarritakoan, jokoko piezatariko batzu aztertu ditugu. Lehenengo, familiako presupostuak zirela-eta, konsumitzaileen kasua ikusi dugu, batetik sarrera zuzenak eta ez-zuzenak hartzen dituztela (produktore eta hiritar alderdi bikoitzez) eta bestetik konsumoan, zergetan eta aurreztean gastatzen dituztela sarrerok. Gero enpresek, ekonomiako oinarri zelulek, nola funtzionatzen duten ikusi dugu eta zelula hoi funtzionamendua zela-eta, gure nazioko estruktura hain nabarbenki desberdinak aztertu ditugu. Honek garbi ikus arazi dauku Frantziako berdintzasunik eza ekonomia kontuan; Frantzia nekazari asko dago, Frantzia industrial asko dago, frantziar produktore mota asko.

Frantzia honela “atomizatu” ondoren, orain —alderantzizko bidetik— entitate bezala hartzen dugu. Modu honetara eta ez alderantziz jokatu badugu, “nazio” entitateari buruz inolako oker-aditurik ez sortzearrean izan da. Zergatik hartu nazioak entitatetzat, hain berdintasun gutikoak direla jakinik?

Nazioa entitate bezala

Konzeptu hau oso praktikoa delako hartzen dugu. Gainera produkzio, konsumo eta errentetako problema batzu —edo konkretikiago, konsumoaren eta errenten banaketako problema batzu— familietako eta enpresetako presupostuak zirela-eta aipatu ditugunak, berriro agertuko zaizkigu nazio

mailan. Eta problema hauk aztertzeko xit eroso da esan ahal izatea: errenta frantsesa (errenta berdintsua balitz bezala), konsumo frantsesa, produkzio frantsesa, biztanleria frantsesa, etab., ba-koitzean hasieratik esanda dadukaguna bir-esaten ekin gabe, hau da, nazioko batzbestek desberdintasun galantik ezkutatzen dutela.

Ikasaldi honetan beraz, galdatzen duguna da nola portatzen den kolektiboki nazioko entitatea, Frantzia: Zer produzitzen du, zer konsumitzen, zer konsumoaz beste destino damaio bere produkzioari? Zer eboluzio egin du bere produkzioak eta bere konsumoak? Eta azkenez noiz eta nola frantziar kolektibitateak, entitate bezala, erabaki du hau edo hori produzitzea, hau edo hori konsumitzea, honen edo horren modutan banatzea bere produkzioa konsumo-inbersioen artean? Ikusten denez, nazioko erabaki ekonomikoen —nola, zergatik— hauzia da lan hau argitaltzera garamatzana. Ekonomiako hatsapenetako zerrenda honetako azken koadernoan ebatziko dugu sakonkiago hauzi hau.

Ikasaldi hau lau zatitan banatuko dugu: zer da produkzio nazionala; zertan erabiltzen da; nola eboluzionatu da nazioko produktoaren banaketa gizarte-taldeen artean; eta azkenez, ikasaldiaren izenburua: nola agiri dira nazioko erabaki ekonomikoak.

I. ZER DA PRODUKZIO NAZIONALA?

Ez dago hemen Frantziako hainbat produkzio-ren dekripzio zehatzik egiterik. Liburu batzu ere guti lirateke. Produkzio honen kopuru eta eboluzioaz nozio funtsezko batzu errazki emateaz konformatu beharko. Hauziari hainbat alderditatik hel dakikeo. Guk denetatik helduko diogu, produkzio honen jatorria ezagutzen ahaleginduz batez ere.

A. *Frantziako produkzio nazionalaren jatorri eta kopurua*

Frantziako biztanleria aktiboa

Has gaitezen izaki biziei dagokiena aztertzen, biztanleria aktiboa estudiantuz, Frantzia produktore gisa zer den antz bat hartzeko.

Frantziako biztanleria aktiboa, 1962-ko zentsoak agertzen daukunez, 19 miloi pertsona baino gutitxoagoz osaturik dago, hau da biztanleria osotik % 40 inguru, Frantziak, zentso honen garaian 46,5 miloi biztanle baitzuen (10).

19 miloi pertsona aktibo hauetatik % 35 inguru emakumeak ziren (6,5 miloi); hiru pertsona aktibotatik beraz guti gora behera bi gizon eta emakume bat dago. Ez ahaztu ordea proportzio honen alderdi enganakorrik, bai baitago adar ekonomikorik emakumeak inportantzia erlatibo askoz haundiagorik duenik. Oihalgintzan eta josketan % 65 emakume dago eta % 4 baino ez konstrukzioan.

Estadistikek “zerbitzuak” deitzen duten multzo hedatsuegian, Bankuak, Seguroak, ikuskizunak, hospitaleak, etxe-zerbitzua, profesio liberalak eta edonolako administrazio zerbitzuak (harmada izan ezik), publikoak nahiz pribatuak hartzen dituen multzoan, emakumeen proportzioa xit ugaria da: % 64. Beraz, % 35 dioen nazioko batzbestea estadistikazko batzbeste bat besterik ez da, egitez oso proportzio aldakorrik ezkutatzen duena.

Frantziako lauetatik hiru aktibo alokatuak dira

Zer egiten zuten 1962-n gure 19 miloi frantses aktibo hauek? Ia hiru laurden (%71,7) alokatuak ziren (% 71,1 gure kalkulutatik militarrek kentzekotan). Gertaera honek ba du inportantziarik Frantziako biztanleria aktiboaren “alokatutasuna” asko gehitu baita azken urteotan. Bi zentsoen artean (1954-koa eta 1962-koa) Frantziako alokatuen numeroa 1.360.000-tan gehitu da (% 11,2), biztanleria aktiboaren osoak berdin zirauela. Ugazaba tipien edo langile independenteen gisako enpleguak (nekazariak, merkatariak, artisanoak) galduz etorri dira (428.000 zortzi urtetan, hau da, % 10). Halaber “etxe-enplegutuan” lan egiten zutenen numeroa ere (merkatarien, nekazarien, artisanoen emazte nahiz hain zuzen (alokatuen gehitzea eta ez-alokatuen gutitzea), Frantziako biztanleria aktiboa gelditi egon da azken zortzi urteotan zehar. Zortzi urtetan ordea alokatuen proportzioa, osoari buruz, % 64,9-tik % 71,7-ra pasa da. (% 67,9-tik % 73,3-ra gizonetan eta % 59,3-tik % 68,5-ra emakumetan).

Nekazaritzan —sektore honetan egundoko efektibo beherakada gertatu da: lau langiletatik bat gutiago zortzi urtetan— alokatuak, lehen ere guti izanik, gero eta mehatzago dira, emakumeetan batez ere (— % 28,2 gizon; osoari buruz eta — % 41,5 emakume). Hala eta guzti ere, 1962-n 3.850.000 pertsonak lan egiten du lurrean (bostetik batek), hauetatik 842.000 bakarrik zirela alokatuak (hamabostetik bat).

Erregaien adarrean (ikatz, petrolio, garburante) kasik langile guztiak dabilta alokairuz: ia 250.000 pertsona dira. Konstrukzioak eta lan publikoek 1.657.000 dadukate, hauetatik ia 1.400.000 alokatuak direla. Agiri denez, adarrik inportanteena transformazio-industrietakoa da, 5,4 miloi pertsona aktibo baititu; hau da, industria ateratzaile eta konstrukzioko guztiak jorik, industrian 7,3 miloi pertsona baino gehitxoago dago (19-tik) 3,7 miloiotatik 6,5 baino gehiago alkoatuak dira: 9-tik 8. Nekazaritzako proportzioa 9-tik baino ez da.

2,3 miloi metalgin

Hona zifra batzu sektore haundi honen inportantzia erlatiboaz hobeto jabetzeko. Metalurjiak eta indar elektrikuko industriek 2,3 miloi pertsonatik gora enplegatzen dute (hauetatik 2,2 miloi alokatuak direla); kimikak eta konstrukzio-gaiek 560.000; oihalgintzak 900.000-tik gora eta zur eta paper sektoreak 360.000 pertsona.

Transporteek ia 800.000 pertsona enplegatzen dute, kasik den denak alokatuak. Karreterazko transporteek bakarrik daduate gero eta pertsonal

aloatu gehiago; era batera konzentrazio fenomenoak eta automobilezko komunikabideen gorakada haundiak eraginiko sektorea da hau.

Komertzioak bere aldetik —gorakada izugarria ikusi duen beste sektore bat— 2,6 miloi pertsona enplegatzen du, hau da, 1954-n baino % 8,5 gehiago. Arrazoia Frantzia garai honetan komertzio-gaiek 1/3-ko gehipena eduki dutela; era batera beraz, komertzio sektorearen ugaltzea eta nazionaltzea egon da. 100.000 bakar merkatari (emazteak ere sarturik) galtzeak eta era batera komertzio sektorea 320.000 alokatutan gehitzeak ere gauza bera nabari arazten du. 1962-n komertzio sektoreak 1.5200.000 alokatu eta 1.066.000 ez-alokatu zituen, zortzi urte lehenago berriz 1.203.000 eta 2.389.000.

Azkenez “zerbitzuak” berariaz deritzaten sektorerara heltzen gara (banka, seguroak, ikuskizunak, administrazio, hospitaleetako pertsonal, profesio liberalak...), 3.950.000 pertsona aktibo hartzen dituen, hauetarik 3.500.000 alokatuak direla eta 450.000 ez-alokatuak.

Laburpenez: Frantziako biztanleria aktiboa zer den idea garbirik edukitzeko, bostgarren partea nekazari dela esan dezakegu, % 40 baino zertxobait gehiagok industrian lan egiten duela (energiako sektorea barru), % 16 frantses komertzioan eta transportean ari dela, eta azkenez bostgarren partea baino gehixago (% 21) zerbitzuetan enplegaturik dagoela: Bankuak eta administrazioa, hauei % 2 militar erantsi behar zaielarik.

Portzentaia global hauek Frantzia nazio industrial aurreratu bat dela erakusten dute, industrian

eta “hirugarren” aktibitateetan enplegaturik duen biztanleria zatiak % 80 harrapatzen baitu.

Frantziako produkzio batzuri munduko produkzioan zer parte dagokien ikusteak diagnostikoa agudo baitets araziko dauku, aurreko zifrak konbentzitzekoak izan ez balira.

Frantzia: % 5-tik % 7-ra munduko produkziotik

Frantziako biztanleria munduko osoaren % 1,5 baino ez izanik —zeinek ia lerdokeriatzat uzten baitu “Frantzia Haundia”, “Frantzia Betikoa” eta antzekoei buruzko diskurso aberkoiak—, Frantziako produkzio zatia mundukoari buruz —nekazaritza barru— argiro haundiago da portzentaia hau baino. Frantziak urteen gorabeheran, % 4-tik 5-ra produzitzen du munduko gari garagar eta olio produkziotik; % 6 patata eta % 9 erremolatxa azukre. Portzentaia honek ordea ez du segur asko iraunen, Frantzian erreforma bat ari baita lur produkzio osotik erremolatxari dagokiona guttitzeko. Aipa dezagun gainera nekazari kontuan gure ekipoaren garrantzia erlatiboa: Frantziak mundu guztian lanean ari diren traktoreetatik % 5 daduka.

Dato hauk, jakina, globalak eta oso guti gora beherakoak dira; baina baiets dezakegu gure nekazaritzak munduko lur produkzioko % 4-tik 5-rako batazbestea produzitzen duela. Ezepzio bakarra dago, xit ezaguna, gure pisu erlatiboa gehitzen duena: mahatsa eta ardoa. Izan ere munduko ardo laurden produzitzen dugu. Ez gure lurrak be-

reziki direlako ardo lurrak; aspaldi eginiko esperimentzia mordo batek agertu zuen munduan anitz eta anitz nazio dagoela kalitate bikaineko ardoa, gurearen parekoa, produzitzekorik. Ohitura historiko bat dugu hau: konsumo haundiak produkzio haundia ekarri du. Garagardo gehiago produzitzera, munduko lupulo produkzioaren indize haundia-gorik genuke —Alemaniak nahiz Beljikak bezala—.

Pasa gaitezen industriara: munduko % 3 ikatz eta elektrika produzitzen dugu, % 5 altzeiru, zementu eta aluminio, nazio modernoek hazkuntzarako hiru gai oinarritzko; % 8 automobil eta % 5-tik 10-ra munduko oihalgintza guztitik (% 5 alkotoi eta % 10 artile). Sail honetan ezepezio bat jo behar: Frantziako petroliorik ez ia osoa; munduko produkzioetik % 1 baino gutiago. Hau ere tradizio historiko bat dugu, zeren oraintsuko mina ikerkuntzek (Lacq, Saint-Marcet, Parisalde) erakutsi baitute gerra ostean ba zela Frantzian petrolio konpainiek esplotatu gabeko hidrogarburo erreserbarik, baina erosoago zitzaien Venezuelar, Iraktar edo, orain, Saharar petrolioa sartzea Frantzian.

Azken test-sektorea: komertzioa. Frantziak munduko komertzioetik % 6 baino gehitxoago egin du (portzentaia hau gainera gehitu egin da nazio arteko trukaketa bultzatu duen Merkatu Batua sartuz geroztik).

Oro har, zifra guztiok uste baino askoz gutiago saihekor dira: munduko lur produkzioetik % 4-tik 7-ra gabilitza, industrian % 5-tik 8-ra eta komertzioan % 6 kontrolatzen dugu.

Ikus dezakezuenez, guti gora beheratasun oso global honek biztanleria aktiboaren banaketatik ateratako lehenengo konklusioa baitetsi egiten du: Frantziak, nazio desarroilatuak, munduan hiru edo lau bider pisu ekonomiko gehiago daduke bere biztanleria munduko biztanleriari buruz dena baino.

P.N.B.-k toneladak, metroak eta kilowatioak batzen ditu

Frantziako produkzioaren kalkulua —frankotan oraingoan— hirugarren hurbiltze berdin arretagarri bat da gure gaira. Nola frankotan kalkulatu Frantziako produkzioa? Gure nazioan urtean egiten edo prestatzen diren gai eta zerbitzu guztiak baturik.

Hauxe da kontaduria nazionalaren helbururik aurrena. Arlo honetan, jakina, kontaduria bakoitzak ebitatzen dago gakoa. Demagun, esaterako, pneumatikogintzarako, garburadore eta motorgintzarako, automobil fabrikentzat lan egiten duten ehun artifizial enpresetako salmenta-prezioak eta azkenez automobilen salmenta-prezioak batzen ditugula. Azken partida honetan pneumatiko fabriketako salmenta mordo haundi bat sarturik genuke; baita kotxearen tapizaduran erabilitako ehun artifizialak ere; azkenez, garburadoreak eta motorrak ere kotxearen prezio osoan sarturik daude. Kontu bikoitz hauk ebitatzeko, industria bakoitzak produkzio prozesuan erantsitako balioa bakarrik sumatu behar da (hau da, hitz batez, salmenta-prezio osoaren eta bere zatietariko ba-

koitzaren gostuen arteko diferentzia). Honela adar ekonomiko bakoitzean erantsitako balioak sumaturik, Frantziako produkzioaren (ondasun-zerbitzuen) balio osoa ateratzen dugu.

Honela jokatzuz, kontari nazionalek (Finantza Ministerioko zerbitzu berezia) kalkulatu dute produkto nazional brutoak, 1962-n, 353.600 miloi franko berritako zifra harrapatu zuela. Kopuru hau honela banatzen da: 318.000 miloi industrien eta zerbitzuen konjuntoko barne-produkzioari dagokiona eta 29.300 miloi etxe-zerbitzuak era jeneralez deritzatenei dagokiena. Aurreko urteetako produkto nazional brutoa (P.N.B. ikasientzat) 267.400 miloi izan zen 1959-n, 296.300 urrengo urtean eta 319.700 miloi 1965-n (kontuan eduki franko "korrienteak" direla, hau da, urte bakoitzean balio intrinseko gutiago dadukatela prezioen igoeragatik).

Batzutan —nahiz eta gutiagotan— beste nozio bat erabiltzen da produkzio nazionala neurtzeko: produkto nazional netoa (P.N.N.). Oso erraz ateratzen da kontari nazionalek nazioko ekipo ondasunen amortizazioari urtean dagokiola jotzen duten kopurua kendurik P.N.B.-ri: P.N.B.-ren hamarrena baino gutitxoago. Amortizazio gisa kontariek 23.000 miloi kendu zuten 1959-n, 25.800 urrengo urtean, 28.100 1961-n eta 31.000 1962-n. P.N.N. beraz honela geratu zen (franko "korrientetan" beti): 243.600 miloi 1959-n, 270.700 urrengo urtean, 291.600 1961-n eta 322.600 1962-n.

B. *Produktzio nazionalaren eboluzioa*

Lehen baino gehiago, baina nola?

Aurrekoa bezain arretagarri da —gehiago ez bada— produktzio nazionalaren eboluzioa ere eza-gutzea. Zeren erdiko gizona, milaka miloikaren artean hain erraz galtzen dena, —nola ez haren berri ulertu!— konparazioekin hobeto gidatzen baita, espirituari hurbilago zaion bat edo bi be-laun-aldiren eskalan. Egin ditzagun konparazio hauk, bestalde historilariari gehiago dagozkionak ekonomistari baino.

Industriako produktzioa

Frantziako industria produktzioa mendearen ha-sieratik hiru bidertu baino gehiago egin da. Orain-go maila 1929-koaz, gerra bien arteko urterik one-naz, konparatuz gero —okerbide Litzateke 1938-koaz konparatzea, zeren urte hau Frantziako eko-nomiarako oso gaiztoa izanik, Alemaniarako or-dea, bir-harmatuz geroko gerrak atontzenari ze-larik, oso urte ona izan baitzen—, Frantziako pro-duktzio nazionala % 80 baino gehiago gehitu dela ikusten da. 1952-koaz, gerrako kalteen konponaldi luzearen azkena markatu zuenaz konparatuz gero, produktzio industrialaren gorakada % 80 baino ge-hitxoago da.

Ez gaitezke ordea gehiegi fida hain aldi luze-rako portzentaia hauetaz. Epe laburrera ere lanak daude industriako eboluzioa segitzen. Lehenengo eta behin negozioen ezkutuagatik: industriek ez

dute ia noiz ere produzitzen duten guztirik agertzen; baina batez ere arras zaila delako kilowatioak toneladekin edo metro kubikoekin batzea. Hona ordea nazio eta lurralde bateko produkzio industrialaren indize osokoirik edukitzekotan, metro kubiko gazak, tonelada gai fabrikatuak, kilowatioak... batu beharra dagoela. Hirugarren eragozpena: portzentaiak oinarri-dato bati erreferentziazko ere deritzanari; buruz egiten dira, baina egestura ekonomikoak belaunaldi batean zehar asko aldatzen direnez gero, hogeitaz urte lehenagoko erreferentzia datoan oinarrituriko kalkulak gaur apenas daduka esanahirik. Dakusagun hau Frantziako produkzio industrial handietako adibide berezi batzu emanez.

Mendearen lehenengotara joetz gero, ikatzgintza guti guti gehitu dela nabari da: % 70 baka-
rrik. Urte batzu geroago indize hau are tipiago izanen da Gobernuak ikatz produkzioan gutitze plan progresibo bat daramalako. Enerjia adarrari gagozkiola, petroliogintza, 1900-n hutsa, gaur neurri astronomikoetaraino heltzen ari da, nahiz eta izatez oraindik tipia izan. Automobilgintza, 1900-n ez abia bai abia zebilena, gaur mendearen lehenengotan baino 800 bider haundiago da. Hona beste gai batzuren koefizienteak: altzeirua, 1900-n baino 10 bider gehiago, elektrika, 200 bider gehiago. Hainbeste gorabehera estaltzen duen produkzio frantseseko eboluzioaren batz besteko indizerik emateak ez du ia ezer argitzen. 1929-ri, gerra aurreko urterik onenari berari buruz ere, ba dago desberdintasun haundirik: ikatzgintza ez dela gehitu esan daiteke; automobilgintza bost bidertu

egin dela; elektrikako indizea haunditxoago dela; altzeirugintzak % 75-ko gorakada egin duela. Hemen ere, 35 urtetako eperako, ez daduka sentidurik bataz besteko indizerik emateak.

Lur produkzioa

Nekazaritzan konparazioak errazago dira hazte-indizeak ahulago direla hain zuzen. Gari produkzioa 1900-koa baino apurren bat gehitxoago da. Gure aragi produkzioa erdi gehitu da 1929-ri buruz... Patatan 1900-n baino laurden bat gehiago produzitzen dugu, baina 1929-n haina bakarrik. Ardoarekin ere berbera gertatzen da. Esne produkzioa da nabarbenki gehitu den bakarra: 1929-ko dobletik gora.

Produkto nazional brutoaren eboluzioa: gerra aurrek dobletik gora

Produkto nazional brutoaren eboluzioa adierazkorragotzat har daiteke balio honek produktibitate nazionalaren orotasuna biltzen baitu. Kontaduria nazionala zori-xarrez zientzia erlatiboki berri samarra dugu eta dadukagun ebaluazio zehatzik zaharrena 1938-koa da (nahiz eta eztabaida askotarako bide eman). 1938-ko produkto nazional brutoa 400.000 miloi garaiko frankotan ebalua zitekeen. 1962-n P.N.B. 35.360.000 miloi franko zaharretaraino heldu da, hau da 88 bider gehiago. Gaien prezioak ordea 38-z bakarrik bidertu dira aldi honetan. P.N.B.-ren aurrerapenak lorturiko koefizientea (franko zaharretan) prezioen alda-

kuntza koefizienteaz zatituz gero, produkto nazionalaren tamainiako aurrerapena ateratzen da (hau da, prezioek beti konstante iraun dutela emanik). Aurrerapen hau % 132 da 1938-tik 1962-ra (gogora berriro 1938 urte xarra izan zela). Kontuan eduki behar dugu aurrerapen hau ez dela konstantea izan. Ez bakarrik gerrak Frantziako ekonomia 15 urtetan atzeratu duelako, baizik eta ekonomia kapitalistek —eta ez berek bakarrik— ez dutelako oraindik hazkuntza erregularraren gakorik aurkitu. Oraintsurengo aldiari begirada bat botatzea besterik ez dago horretaz konbentzitzeko.

1950-tik 1963-ra Frantziako P.N.B. % 87 gehitu da (tamainiaz). Hau da, urtean % 4,6 bataz beste. Baina batazbeste hau batzutan gaindua izan da eta beste batzutan harrapatu ez. Aipa ditzagun urte onak: 1950 (% 7,6-tik gora), 1951 (% 6-tik gora), 1957 (% 5,9-tik gora), 1960 (% 6,4-tik gora) eta 1962 (% 5,8-tik gora). Urte gaiztoek ere beren izena dadukate: Pinay-ren Gobernua 1952-n; % 2,6-tik gora baino ez; 1953 (Laniel): % 2,6; 1958 (De Gaullek hartzen du boterea, Pinay Finantza-ministro dela): % 8-tik gora; 1959 (lehen-goak berak): % 2,4. Laugarren planerako (1962-65) urtean % 5,5-ko hazkuntza preikusirik zegoen, baina 1964-n, “estabilizazio-Plana” zela-eta jakin zen Pompidou-ren Gobernuak ez betetzea erabaki zuela inflazioa sor arazteko bidurrez; azken bi urteok ere ez dira onegiak izan: % 4,4 1963-n eta % 4,8 inguru 1964-n.

Diogun batez azken hamabi urteotako hazte ritmoa bezalakorik (urtean % 4-tik 5-ra) ez zuela Frantziako ekonomiak gerra bien artean inoiz

ikusi eta ez dagoela ezer lehenengo munduko gerra aurretik ikusi zuela frogatzekorik. Ohar honek galdera arretagarriarik ba dakar nola Mendebaleko ekonomia modernoek konpontzen dituzten hazte arazoak. Ez da hau kontu hoik argitzeko tokia. Kontura gaitezen ordea "guztizko xirokuntza" delako teoria komunista gertaerek hankaz gora bota dutela eta ekonomia kapitalistetan gero eta krisis astunagoen alabeharra delako beste teoria famatua ere kili-kolo jartzen duela gaurko errealitateak. Dударik ere ez honetan teoria desfasaturik dagoela praktikari buruz: kapitalismoak bere gaztetxozaroko problemarik zorotzenak zehartzeko moduko teknikak erabiltzen ikasi du bere ekonomiaren zuzenbide eta norabidean; gaur, geroago ikusiko dugunez, ez dakideo alderdi horretatik ataka.

D. Nola esplikatzen da eboluzio hau?

Hazkuntzako faktoreak

Produkzio nazionala utzi aurretik, bila dezagun hirugarren puntuan zer faktorek eragin dion eboluzio honi eta segi arazi guk aztertuturiko bidetik.

Nazio bateko produkzioko eboluzio faktoreak esaten, nekazaritza dator berehalaxe burura: busti-lehorrek batzutan alderantzizko ondorioak eta bestetzutan berdinak dituzte (bata edo bestea normalak ala gehiegizkoak izan); izozteak eta eguraldi onak alderantzizko ondorioak dituzte ia guztietarako; harrite-uholdeen pentzudan dago uzta bat... ez dago gehiago ekin beharrik lur pro-

dukzioa batez ere klimazko kondizioen mende da-goela ulertzeko. Baina lurrekoak ez diren produkzioak? Zer aldarazten ditu? Eskema gisa hiru faktore nagusi eman ditzakegu.

— *Biztanleria aktiboaren aldakuntza*

Biztanleria aktiboaren eboluzioa Frantzian ezer guti izan da azken berrogei eta hamar urteotan. Frantziar herriko malthuskeria hau —Malthusen izenetik, autore ospetsua biztanleriari buruzko teorien historian— gure aurretiko belaun-aldien joerarik tamalgarrienetarikoa izan da. Jaiotze urritasunak, mendearen lehenengotatik bigarren munduko gerrarte, apenas dio biztanleria frantsesari konstante irauten utzi (11) bitartean gero eta emakume mordo haundiagoak enplegu bat hartzen zuela, bizi-luzetasuna gehitzean batez ere. Midikuntzan aurrerakuntza haundirik ez egitera, probable da Frantziako biztanleria aktiboa netoki gutituko zatekeela.

Mendearen hasieran, 1900-n, 20 miloi pertsona baino gehitxoagoz osaturik zegoen. Ihazko zentsoan ez zen 19 miloi biztanletatik gora. 1913-n harrapatu zuen goia, 21,4 miloi pertsonaz, eta behera 1938-n, gerra bien artean, 20,2 miloiz (haue-tarik 900.000 gainera huelgan zeudela). Efektiboki enplegaturik biztanleria aktiboa —hitzaren esanahi hertsian produzitu egiten duen bakarra— mende erdian 20-tik 18,9 miloitara jautsi da. Biztanleria honen enpleguak bere numeroak haina kontatzen du, herri bateko produkzio nazionala ez baitatza pertsona aktibozko efektiboen tamai-

nian bakarrik, baizik eta pertsona hauen enplegakeran ere. Mundu guztiak daki industrian enplegaturiko pertsonen gehienez nekazaritzan enplegatuek baino produktibitate gehiago dadukate. Era berean oso inportanteak dira nekazaritzako, industriako nahiz komertzio-zerbitzueta taldeen artean egiten ari diren aldakuntzak.

Mendearen lehenengotatik azken zentsorarte (1962) biztanleria aktibo nekazaria erditik gora gutitu da (% 56), 8,8 miloitatik 3,4 miloitaraino jautsirik. Era batera industriako biztanleria hazi egin da, normalean uste baino gutiago bada ere (laurden bakarrik); ez nekazariak —mekanizazioak eta miseriak beren lurretatik egotziak— ez direlako industriadako enpresetara lanean joan, baizik industriako biztanleria aktiboa lanesku jarriak jo duela “hirugarren” sektorearen onez: komertzio, transporte eta zerbitzu. Honela “hirugarren” sektorea da aldakuntza demografikuekin gehien irabazi duena. Mende erdian bere efektiboak 5,3-tik 7,7 miloi pertsonatara pasa dira, % 45 hazirik; gaur industria osoaren ere goitik dago (7,4 miloi industrian).

Frantziako adibideak beraz Collin Clark autore anglosajoiaren teoria baitesten du, zeinen arauera munduko laterri guztietan lerraera haundia omen baitago “lehenengotik” (nekazaritza eta minak) “bigarrenentzat” (transformazio industriak) eta “bigarrenetik” “hirugarrenentzat”.

Eboluzio industrial hau Frantzia argi dago bi portzentaia ikusirik. Nekazari taldea duela kasik mende bat Frantziako biztanleria aktiboko majoria osoa zen: % 53. Gaur bostgarren partea ba-

karrik. Alderantziz hirugarren sektoreak (komertzio, transporte, administrazio, zerbitzu), bostetik frantses aktibo bat bakarrik (% 22) enplegatzen zuenak, gaur ia doble enplegatzen du (% 40).

Mende askotan gertatu baino fenomeno aldakuntza inportanteago hauk belaunaldi bat baka-rean zehar ikusi dira. Behar bada ez gara beren inportantziaz ohartzen ez eta gaurko munduari planteatzen dion anitz problemaz ere (bizimaila, pentsakera, bizitzetxe...).

Gehiago produzitu, lan gutiago eginez

Nazio bateko bigarren eboluzio faktorea lanaren luzera da. Pertsona aktiboek astean hirurogei edo hirurogei eta hamar ordu lan egiten badute, agirian dago berrogei ordu lan eginez baino asko gehiago produzitzen dutela, medio tekniko berekin, jakina. Hona, bada, lanaren luzera asko laburtu dela Frantzian mendearen hasieratik, oraindik gerra aurrekoa baino haundiago bada ere. 1900-n lanaren batz besteko luzera astean 62 ordu zen industrian; batzbestekoa, hau da, industria batzutan astean 75 ordutaraino ere lan egiten zela... 1938-n —urte okerra ekonomiarako— lanaren batz besteko luzera 39 ordutara jausten da. Batz besteko zifra honek esan nahi du orduan hain industriak (metalurjian batez ere) 45 ordutatik gora lan egiten zuela, beste batzuk ordea, erdizko edo osoko krisisean, 36 ordu baino askoz lan gutiago egiten zutela.

Gaur batz besteko luzera 46 orduren inguruan dabil industrian. Dagigun kalulutxo bat: duela

mementu bat esan dugu industrian 5.900.000 langile dagoela asteen 72 ordu lan eginez bataz beste; honek (bi kantitateak biderturik) asteen 367 miloi lanordu ematen du. 1962-n 7.400.000 langile genedukan, asteen 46 ordutako batazbestekoaz; honek asteen 340 miloi lanordu inguru ematen du (guti gora behera bakarrik zeren "hilekari" askok orduka ordaintzen zaizkien langileen asteko ordu-go hau baino lan gutiago egiten baitu).

Gaur industriako langileen osoak, ugariago izanik ere, mendearen lehenengotan baino % 8 ordu inguru gutiago lan egiten du, hau da, urteroko oporrak (1900-n ez zeudenak) sartuz gero, urtean % 15 inguru gutiago 1900-n baino. Egiten duten produkzio industrialak ordea, hiru bidertu egin da mendearen hasierari buruz. Hemendik argi ateratzen da orainarte aipaturiko bi faktoreak (pertsona aktiboen numero eta lanaren luzera) ez direla nahikoa produkzio nazionalaren eboluzioa esplikatzeko. Zein da bada lanordu gutiagok gehiago produzi arazten duen hirugarren faktorea?

Produktibitatea

Produktibitatea da hirugarren faktore hau. Frantziako produkzio osoari (nekazaritza, industria, komertzio eta zerbitzu), artean % 4-tik 5-rako produktibitatea kalkulatzeko daio. Industriak % 6-tik gorako tasa daduka, honela hamabi urteko produkzioa dobetuko litzatekeelarik. Haugatik gerra denbora eta berrikuntza aldia (galdutako ahalmen ekonomikoa berritzera destinatua) kon-tuan edukirik ulertzen da nola indize honek men-

de erdian, lehen baino hiru bider gehiago baka-
rrik produzi arazi duen: 50 urtetan lau hamabi
urteko baitaude. Kalulua, jakina, guti gora behe-
rakoa da, zaila baita produktibitatearen neurri
zehatzik ematea. Baina guti gora beherako honek
orain arte aipaturiko zifren egigarritasun haundia
agertzen du.

Eta produktibitatea zertan datza? Lehenengo,
produktoreen trebetasun teknikoan; hemendik for-
mazio profesionalaren garrantzia haundia nazio
aurreratueta. Denok konprenitzen dugu motor
aberiatsu bat berebilaren markan espezializaturik
dagoen —eta beharreko lanabesak eskuan daduz-
kan— langile batek lehengo konpontzen duela
halako motor klaseetan espezializatu gabeko edo-
zein herri mekanikok —eta a fortiori, langile guti
kualifikatuk baino. Formazio profesionalera kre-
ditoak destinatzea etorkizunerako produktibitate
ahalmen haundi bat pilatzea da, lan orduen efi-
kazia hamar bidertu egingen duena.

Inbertitzen dutenen etorkizuna

Produktibitatearen beste elementu inportante
bat, behar bada inportanteena: langileen eskuan
jarritako lanabeseria. Makinismoko eta inbersioko
problema osoa dabil hemen. Langile batek, denik
trbeenean ere, ezin gauza haundirik egin lanabes
geokirik gabe. Katean lan egiten duen langile guti
espezializatuak Renaulten nahiz Simcan askoz az-
karrago egingen du motor bat tailer mekaniko tipi
batean, lehenengo berebilak egin zituztenen an-
tzera, bere medio hutsez motor bat egiten duen

langile askoz kualifikatuagoak baino. Espezializazio gutiagoz eta baita mila bider proportzio tipiagoz, katean lan egiten duen langileak mila bider produkzio oso gehiago duke behinolako tailerretan baino. Honexek esplikatzen du zer inportantzia izugarria dadukaten inbersioek nazio baten etorkizunerako. Nazio bateko hazte tasa biztanleriaren zifrari edo lanaren luzerari baino produktibitateari lotuago dagoenez gero, asko inbertitzen duten nazioak dira etorkizunerako toki apartik prestatzen ari direnak.

Esan izan da —eta egia da— etorkizuna inbertitzen dutenena dela. Hau gaurko historian agiri da bereziki: guti edo deusik inbertitzen ez duten nazio subdesarroilatuak —beren sarrera urrietatik ezin dutelako inbersiorako ezer kendu— geratu eta atzeratu egiten dira, biztanleria produkzioa baino abiadura askoz haundiagoan hazten delarik. Alderantziz asko inbertitzen duten nazioak gora eta gora doaz, era batera gainera lanaren luzera ere gutituz: Estatu Batuak, Rusia, Mendebal Europako nazioak. Etorkizunean munduko lidergoa daramaketen nazioen antz bat edukitzeko, beren inbertsio indizea aztertu beharko: Rusiak gaur, urte onetan nahiz xarretan, bere produkto nazionalaren % 25 inbertitzen du. Estatu Bauek % 21. Frantziak produkto nazionalaren % 19 edo 20 bakarrik inbertitzen du.

Diogun bestalde, ikusmira honetatik balio duena inbersio^o produzikorra dela eta ez inbersio osoa. Sputnik bat ba liteke militarki onuratsu izatea etsaiari errespetoa sartzeko; baina hartarako mai-

la teknikorik goren beharrik ere, Sputnikak ez du ezer produzitzen, eta ekonomiaz antzinako guda-haizkora, ezpata, tanke nahiz metrailadore-balak bezain alferreko da.

Garitza bat metrailatzeak apenas desegiten du ezer, baina abonu on baten efektorik egiten ez duela ere bai.

*Noiz lortuko dute rusoei amerikarrei
aurrea hartzerik?*

Azken ohar bat: inbersiora emaniko produkto nazionalaren portzentaiaz mintzatu gara. Baina produkzio nazionala hain diferentea denean (Estatu Batuetakoa Rusiako doble da) portzentaia berak Rusiako inbersio tamainia doblea darama Estatu Batuetan. Hazteko ahalmenak beraz ia bi bidertu egiten dira balio absolutotan. Sobietarrek epe luzera bakarrik itxadon dezakete amerikarrak harrapatzerik urtean azken urteotan bezalako produkto nazional zatia destinatzen badute inbersiora. Ez dute nolonahi ere Krushev-ek partidu komunista sobietarrari jarritako epean lortuko.

Sobietar eta mendebaldar adituek eztabaida haunditan dabilta zer epetan rusoei lortuko duten amerikarrak harrapatzea, hau produkzio osoz nola per capita-ko produkzioz. Neure aldetik eta alderdi bietatik lorturiko dokumentuak kontuan edukirik, ezinezkotzat dadukat rusoei, produkzio osoz, amerikarrak 1975 aurretik harrapatzea, edo

aaso aurrenen dela, 1972 aurretik, rusoeek jarritako fetxa baino askoz beranduago nolanahi. A fornola sobietarrek amerikarrek baino P.N.B. zati haundiago damaioten inbertsioari, errenta erabilgarri gutiago geratzen zaie. Eta per capita errenta aipatzekotan —liteken hirugarren konparazioa— epea are luzeago doa oraindik, sobietar biztanleria, oraintxe ere amerikarraren goitik egonik, gehituz baitoa.

Bukatzeko produktibitatearen hirugarren faktore bat gogoraziko dugu, literatura ekonomikuko garai zati batean sona haundirik eduki zuena: lanerako gogoak. Gogorazteko bakarrik aipatzen dut zeren egitez, gaurko produkzio prozesoa lanerako gogoak ezer guti kontatzen baitu. Derrigorrezko zen produzio bideak guti desarroilaturik edo lanabeseria kazkarra zegoen garaian. Orduan artisañoen trebetasuna edo agudo lan egiteko gogoak zen nagusi.

Irratiz zuzenduriko edo servo-motorrez hornituriko makinak zaintzea besterik ez dagoenez geroztik, bost axola du gogo gaiztoz nahiz pozez xistuka egin: hala nahiz hola servo-motorrak hartutako aginduen arauera funtzionatzen du. Lanerako gogoak hala ere, ba du oraindik zereginik eskulaneko edo buru-profesioetako aktibitateetan. A fortiori, kontu kontuan edukitzekoa da komertzio arloan; nahiz eta hemen balio duena ez izan hainbeste lanerako gogoak nola konsumitzailea zurruptatzeko zuhurtasuna.

II. PRODUKTO NAZIONALAREN ERABILERA

Zer egingen du bere jatorria eta eboluzioa azter berri ditugun produkzio nazionalarekin hura produzitu duen nazioak?

Zati bat erabili ez, atzerrirako gorde baizik: esportazio deritzana.

A. *Esportazioek inportazioak ordaintzen dituzte*

Zergatik esportatzen da? Inportatzen dena ordaintzeko. Segur asko ezein naziok ez du aurreneko afantzat eduki hauzoei ematearren bera zerbaitez pribatzea. Herrien historiak alderantzizkoa du erakustenago: beste nazioak produzitzen duen zati bat bilatu —inoiz manu militari— etxean lan bat aurreztearren. Azken aldion sobera dakusagutzenbat gostatzen zaien nazioei beren produkzioetik % 1 (inoiz gutiago) uztea herri atzeratuei laguntzeko. Aspaldidanik hala ere, nazio zibilizatuek berek produzitzen eta esportatzen duten zerbaitez ordaindu ohi dute hauzoei erosia. Lehenengotan merkantziaz egiten zituzten kanbioak (trukean) eta gero xanponez (nazio erosleak nazio saltzailari azken honen xanponez, “dibisak” deritzate-nez, ordaintzen dio).

Frantziak esaterako, bere produkzioetik % 13-tik 15-ra, urteen gorabeheran, destinatzen du gaur esportaziora. Beste hitz batzuk esanik, “Frantziako etxean” 100 produzitzean 13-tik 15-ra atzerrira bidaltzen du bere mugaz handik erosi duena ordaintzeko. Frantziako kanpoko komertzioa, urteetan defizitun izana, gaur gainezko da (hau da,

erosi baino saldu gehiago egiten dugu) 1958-ko debaluaziotik gora. Baina 1962-tik aurrera komertziozko galkia desagertu egin da eta salketek erosketen balioa kitatzen dute doi-doi; areago 1963-n berriro agertuko da defizita, 1964-n astunduz doala.

Dirudienaz bestera, komertzio-galkia erreserba galtze bat zaio dadukan nazioari, hartzen duen baino merkantzia gehiago atzerriratzen baitu. Egia erreserba galtzen hau urrengo urteetan kita daitekeela eta honela urte bateko galkiak urrengo urteko defizita berdintzeko balio du. Alderantziz defizit komertzialik agertzeak (atzerriari saldu zaion baino gai gehiago erosi) egitez atzerriaren bizkarretik bizitzea dakar, atzerriko produkzio zati bat irenstea. Berrogei urtetan zehar haxe izan da Frantziako kasua eta 1956 eta 1957-ko urteetan gure sal-erosien kito-indizea % 70 bakarrik zela. Egoera hau, jakina, eskasa da, mementua heltzen baita atzerria bere bizkar gainean pilaturiko komertzio difizitaz aspertu egiten dena eta errenbultatzeko eskatzen duena. Zer egin orduan?

Ordaintzalea agintzaile

Nazio batek, edozein pertsonak bezala, ez duka inola ere bere medioen gaintetik luzaro bizi ahal izaterik. Baumgartner-ek, Frantziako Bankuko Gobernadore zela, hala gomutarazi zion sarri Parlamentuari bere kartetan, behin behintzat Gobernuaren erorrera probokaturik.

“Frantsesak (uler “Frantzia” entitatea) beren medioen gaintetik bizi dira” zioen orduan Baum-

gartner jaunak, hainbeste erosten eta hain guti saltzen segitzerik ez genedukala subraiatuz.

Zergatik egiten zituen ohar hauk? Bada, Frantziako Bankuko Gobernadore gisa, amerikar adituak edo politikoak maiz ikusten zituelako bere ontuetan eta Frantziako Estatuko Presupostu kontuetan usmaka, gaineratzen zutela: "Saltzen duzuen baina gehiago erosi hori edo bestea egin behar duzue..." Honegatik 1957-n "Monnet arazoa" zeritzana zela-eta (Gaillard kontseilu buruak Jean Monnet bidali zuen Estatu Batuetara diru apur baten eske), konstrukzioa (amerikarrek inflazionistatzat zedukatena) gutitzekotan bakarrik hartu genituen "Osaba Samen" dolarrak eta frantsesen barren konsumoa mugatzekotan (garai hartan zerga gehigarri mordo bat sartu zuten herri konsumoa gutitzeko). Prezio hauxe ordaindu behar izan genuen derrigorreko dolar haik lortzeko.

Atzerriko dirua: dolarrak, markoak, lirak nahiz liberak eskatu beharrean jartzeak atzerriari bide damaio ez bakarrik finantza moraleko edo jestio ekonomikuko irakatsiak guri emateko, baizik eta gure negozioen "bir-antolamendua" eskatzeko ere honako argudio sinple batez: "zuen orde z paga dezadan nahi duzuen z gero, utz zuen kontuak pizka bat usma ditzadan".

Ezkituen balantza

Orain arte gaien komertzioaz bakarrik mintzatu gara, merkantziak bakarrik sal erosiko balira bezala atzerrira. Arrazonamendu berdina eta ondorio berdina daude ordain balantzako "partida

ezkutuak” deritzatenetan ere, gauza agiriak diren gaien zerrendarekin batera agiri direnak. Turistena esateko komertzio “ezkutua” da: ez dugu noski atzerria bisitatzera doan frantsesik saltzen ez eta Frantzia mirestera datorren amerikarrik erosten ere, baina bai saltzen dugu frankorik Italiara, frantsesek nazio hartan gastatzen dutenean, eta bir-geuretzen dolarrik Frantziara oporretan datozen amerikarrei esker. Ba dago beraz “turismoko balantza” bat, Frantzian, frantsesik atzerri-
ra gastatzera joateko joera duena urtean baino urtean frantses gehiago irtetzen baita kanpoak ikustera.

“Flete balantza” bat ere ba dago, ez baitago naziorik —komertziora bereziki emaniko nazio batzu izan ezik— bere komertzioa berak bakarrik egiteko haina barku duenik. Nazio bakoitzak beraz, bere ekar-eramanak seguratzeko, beste bati alkilatzen dizkio barkuak, berak ere era batere bere batzu alkilatzen dizkiolarik atzerriari. Ingalaterrak, Greziak eta afrikar nazio guti batzuk —“laket paeiloia” deritzana praktikatzen dutenak, beren banderakin nabegatzeko baimena damaielako europar harmadore batzuri, Narkos edo Onassis famatuak belazalakoei— dibisa mordo galanta irabazten dute beren barkuak atzerrira alkilatuz. Frantziak ordea “flete balantza” defizituna darduka, bere transporteetarako kanpoko barku gehiago darabilelako berak atzerriari alkilatzen diona baino. Baina Frantziako flete difizita pizkanaka gutitzen ari da alde batetik barku alkilerraren prezioa (“flete tasa” deritzana) gutituz doalakó itxas komertziorako barku gehiegi baitago, eta

bestetik Frantziarantzko petrolio garraioak atzerriko barkuz bidaldia laburtu duelako: Bougie- (Saharako petrolio irtetzen den bortua) Marseille-ko bidea behinolako Arabia-Marseille-koa baino laburrago da.

Ordain balantzako partida “ezkutuen” artean “asma patenteen balantza” ere aipatzen da. Izan ere frantsesen burua atzerritarrei alkilatzen zaie gure nazioan asmaturiko patenteak han erabiltzen utziz eta alderantziz. Lehenengo kasuan Frantziak dibisak hartzen ditu eta bigarrenean frankoak ordaintzen: den dena merkantzien komertzioa balitz bezalaxe.

Azkenez “kapitalen balantza” ere esaten da, atzerritarrak daudelako, amerikarrak eta alemanak batez ere, elkarte frantsesetako akzioak edo obligazioak erosten dituztenak —edo kapitalak Frantzian inbertitzera datozenak fabrikak edo al-mazenak egiteko— eta alderantziz kapital frantsesak daudelako atzerrian inbertitzera doazenak edo berekin atzerriko balioak erosten direnak.

Balantza hauen multzoa (partida agiriak: komertzioa, eta partida ezkutuak) da orain balantza deritzana. Ez dugu honetaz besterik ezer esanen. Nahikoa da komertzioa elkar-trukeei buruz lehen eginiko gogoetak gogoan edukitzea.

B. *Barren usorako gerartzen dena*

Produkzioetik esportaziorakoa kendutakoan, nazioak bere barren usorako erabiliko duena geratzen da. Gerakin hau gainera gehitu egin da nazioak kanpoko salmentei esker irabazitako dibi-

sazordaindu ahal izan dituen inportazioekin. Esaterako, Frantziako kasua zifratzeko esan daiteke “Frantziako Etxeak” 100 produzitzen duenean barren usorako geratzen zaiola: $100 - 13\text{-tik } 15\text{-ra} = 85\text{-tik } 87\text{-ra} + \text{inportazioak: } 12\text{-tik } 14\text{-ra (balantza gainezkoa denean); edo } 14\text{-tik } 16\text{-ra (balantza defizitun denean).}$

Hau da, guztira: 99-tik 101-ra, urteen gorabeheran. Zer eginen du guzti honekin? Gehiena konsumotan urtuko du (% 76 1963-n) eta zati tipiago bat inbersiotan (% 23), ondorengoek probetxatuko dutena.

Baita ba dagoke —laburki aipatzen dut— zaitxo bat (% 1-tik 2-ra) nazioko stockak gehitzeko ere, zeren produkzioa hazi-ala “Frantziako Etxeak” stock haundiagoen beharra baituke.

Hamar urtetan sanitate gastuak bi bidertu egin dira eta janaritakoak bost bidertu

Konsumoa ia partikular hutsen kontua da. Izan ere oraintsu aipaturiko % 76-tik % 71 inguru partikularren konsumoari dagokio eta gainetiko % 5 administrazioari.

Administrazioak ere ba du, bai, konsumitzen: alkilerak ordaindu, lapitzak, gomak, papera eta baita kotxeak eta guztietariko administrazio gaiak erosi...

Partikularren konsumoa azkar eboluzionatzen da, pertsonen portaera, sarrerak gehitzean, aldatzen den neurrian. 1950-1960-ko tarteaz ez da hain haundia: hamar urte bakarrik. Hala ere aldakuntza haundia igartzen da. Tamainiaz (hau da, pre-

zioen igoera kendurik) frantses bakoitzaren batz besteko konsumoa % 44 gehitu da. Indize hau, jakina, altuegia da nazioko aberaspenaz gutiago probetxatzen diren familientzat (alokatu tipiak, nekazariak, zaharrak, familia ugariak etab.) eta apalegia onura gehiago ateratzen diotenentzat (profesio liberalak, koadro alokatuak, zelibreak). Baina batatzbestea altua da: besterik gabe da nahikoa "gutzizko xirokuntza" (langileen gero eta pobreagotzea) dela-eta komunisten diskursoak barrregarri uzteko.

Bestalde frantsesen konsumo gastuen banaketa arras besterik da orain hamar urte bakarrik zenaren aldean. 1950-n frantsesen konsumo erdia janaritarra (% 39,3) eta edaritarra (% 9,7) destinatzen zen. Hamar urte geroago % 41-ra jautsi zen (% 32,8 janaritan eta % 8,2 edaritan). Kontuz hemendik frantsesek lehen baino gutiago jan edaten dutela ateratzeaz, zeren 1960-ko % 41-a ez baita 100, 144 baizik. Egitez 1950-n jan edateko 49 gastatu zuten frantsesek hamar urte geroago 59 gastatzen dute: 12 franko inguru edaritan (lehenengo 10-en kontra) eta 47 janaritan (lehenengo 39-ren kontra). Frantsesen jantzitako gastuak ere beherratu egin dira 1950-i buruz: % 12,1 % 14,9-ren orde; baina hemen ere jantzi gastuetako gorakada korrelatiboa dago (% 17 inguru) eta 1960-ko portzentaia hau oso haundiagoari dagokio.

Frantzian gainera gastu sail guztiak ere gehitu egin dira hamar urteotan; ez bakarrik balio absolutoz, balio erlatiboz ere baino. Hona lau adibide. Lehenengo, bizitzetxea. Honen partea frantsesen konsumo gastu osoan % 13,3-tik % 16,4-ra

pasa da; honek, 1950-tik 1960-rako gastuen gehitze globala kontuan edukirik, % 77-ren aurrerapena ematen du. Hau da, 1950-n 1960-n gastatzen duten baino $\frac{3}{4}$ gutiago gastatzen zuten frantsesek aterbetzeko. Zergatik? Ez da beren kontua: sei-hile bakoitzean automatikoki gertatzen da gerra aurrean eginiko etxeen alkiler igotea. Gaizkien aterbeturiko frantsesei buruz, alkilerreko H.L.M. bat lortzera heltzen direnek —pribilejiatuak orduan— lehengo aterbean ordaintzen zuten bi, hiru edo bost bider gehiago ordaindu behar. Pisu baten jabe ekiteko modurik ez dadukatenek berriz karga izugarria bizkarreratu behar prestamoak errenboltsatzeko, konparaziorik ere gabeko kargak noski lehen, jendeztaturiko pisu batean edo inolao konfortik gabe, ordaintzen zuten alkilerraren aldean. Kondizio hauetan aisa ulertzen da frantsesek bizitzetxeari damaioten parte $\frac{3}{4}$ gehitzea.

Gorantz doan beste partida bat: sanitate gastuak, % 5,9-tik % 8,7-ra pasa direnak, hau da, balio absolutotan bi bidertu baino gehiago (+ % 112). Segurantzaz sozialari batez ere zor zaio hau: familiak gehiago zaintzen dira beren gastuetako parte bat errenboltsatzen zaielako. Baita egia da farmazia gaien garestitzeak (sendatzea beraz lehen baino garestiago) eta pentsioen eta erritiroen hobekuntzak (zaharrak beraz gutiago gaizki zaindurik) sanitate gastuen gehitze honi bultzada haundia eman diotela.

Gorantz doan azken partida: kultura eta jolas gastuak, % 6,5-tik % 8,1-ra pasa direnak (hau da % 80-ko gehitzea balio absolutotan): erdiko eta

goiko gizarte mailen opor-aldi gero eta garestiagoak, herritar klaseen opor-aldi luzeagoak, telebisio, zine —telebisioa dela-eta lehen baino gutiago joaten dena, baina baita lehen baino garestiago dagoena ere—, hizparringiak, aldizkariak, asteburuko irteerak...

Enpresek seguratzten dute Frantziako 2/3 inbersio

Zer egiten da konsumitzen ez esportatzen ez denaz, konsumorako libre geratzen denaz? Inbertitu egiten da. Inbersioa —hitz itsusi samarra— nazioko hornitura gastuen multzoa da, geroago zerbait, osasun nahiz merkantzia, produzitzeko balioko duten gastuak. Enpresei inbertitzea hiltzikoa zaie. Berak dira, direla industrial, nekazari nahiz merkataria, direla publiko nahiz pribatu, nazioko hornitura gastuetako zatirik haundiena seguratzten dutenak. Frantzian 1963-n inbertsioetan gastaturiko 77.300 miloi franko berrietatik 54.000 miloi, 2/3-tik gora, enpresek eginiko inbersioei zegokien. Hauei partikularrek eginiko inbersioak gaineratu behar zaizkie: lur eroste, pisu eroste, elkarreterako akzio eroste (honela elkarre hauei makineria erosteko eta beren aktibitateak zabaltzeko bide emanez)... Halaber administrazio-ko inbersioak (makinaria, sarritan elektronikoak gaur, etxe, eskola, hospitale, karretera, zubi...

Inbersioei buruz zehaztasun bat erantsi nahi nuke. Inbersio-tasak esatean (Frantzian produkzio nazionaletik % 23 1963-n), inbersio brutoez ari gara, ez inbersio netoez. Zer alde dadukaten?

Hona adibide bat: nazioak karretera bat egin

du; berebilak karreteran zehar dabiltza, gastatu egiten duten eta hainbat urteren edo hileren buruan karretera konpondu egin beharko erabiltzen segitzekotan. Hau da hasierako inbersioaren balioa konserbatzeko bakarrik ere (ez gehitzeko) konserbazio eta berrikuntza gastu batzu egin beharra dago: hauxe da amortizazioa, enpresan nahiz nazioan behar beharrezkoa. Berak nazioak urtero egiten duen inbersio gehigarria, edo beste era batera esanda, nazioa aberasten duen ekipoa-ren balioa jakiteko, inbersio brutotik (orain arte esaten ibili garenetik) aurreko inbersioaren amortizazioari dagokion kopurua kendu beharra dago (12).

Eragozpena zori-xarrez zerean datza, ia ezineko dela nazioko amortizaziorik zehazki kalkulatzea. Gutxi gora behara urteroko inbersio brutoaren $\frac{2}{5}$ -tan baloratzen da. Oinarri honekin 31.000 miloi franko berri jo diezakeogu "Frantziako Etxeko" ekipoa konserbatzeko eta urtero amortitzeko behar denari. Nazioko inbersio netoa beraz, 1963-n litzateke: 77.200 miloi (inbersio brutoa) — 31.000 miloi (amortizazioa) = 46.200 miloi. Hau da, gutxi gora behera, nazioko produkzioetik % 13-tik % 14-ra.

C. *Nola banatzen da produkzio nazionala?*

Produkzio nazionalaren erabilerari buruzko atal bukatzeko, dakusagun nola banatzen den; beste era batera esanik, zer errenta nazional zati tokatzen zaion gizarte talde bakoitzari.

Zori-xarrez ez dago hau zehazki kalkulatzetik, errenta estadistikek ez baitute gizarte talderik

garbiro berezten, errenta eredu en edo klase en ar-
teko diferentziak baizik. Esaterako: estadistika
ofizialek ez dute adierazten: alokatuak, honen bes-
te mila miloi. Norbaitek iharduki dezake alokai-
rua alokatutzat hartzen duela eta beraz apenas
dagoela diferentziarik. Egia al da hau? Elkarte
haundi bateko zuzendari jeneralak —estadistike-
tan— alokatu gradoa daduka; ez de hala ere —ez
genuke besterik behar— alokatu tipien taldekoa,
bere agindupean daduzkan eta bere enpresan ia
inolako erantzukizun inportanterik uzten ez dien
2.000, 5.000 edo 20.000 langileetarikoa... Beste adi-
bide bat: pentsa, esaterako —probintzietan sarri
gertatzen dena— enpresa bateko alokatu tipieta-
riko baten emazteak denda bat dadukala (etxeko
presupostua pizka bat biribiltzeko); senarraren
alokairua estadistikek toki batean dakarte eta
emaztearen errentatxoa beste batean, emaztea
merkataritzat jotzen baitute, eta hala ere, biak
dira gizarte talde berekoak... Hirugarren adibidea:
familia honetan haurrik badago, prestamen fami-
liarrak hartzen dituzte, baina hauk ez dira alokai-
ru zerrendan kontatzen ez eta komertzio-errente-
takoan ere. Klase bereko prestamen guztiekin
batera agiri dira (direnak direla hartzaileak) apar-
teko zerrenda batean. Honela lehen begiratuan ez
dago jakiterik prestamen familiarretako zer zati
joan den alokatuengana, zer merkatoriengana, etab.

Lehenengo eragozpen honen erruz ezin zehazki
esan errenta nazionaleko zer zati hartzen duten
alokatuek, zer ugazabek, zer merkatariek... Biga-
rren eragozpena da estadistiketan errenta brutoak
(zergak kendu aurrekoak) datozela eta ez errenta

netoak (zergak kendu eta gerokoak), eta denok dakigu batzutatik bestetzutara alde haundiak daudela, gizarte talde batzuk zerga mordoa ebita dezaketelako (iruzurrari edo legeak damaizkien mesedeei esker) eta beste batzuk ez. Bestalde errenta haundiek sarrerarik erdiraino motz dezaketen zerga progresiboa dadukate. Kotizazio sozialak —gizarte talde desberdinei dagozkienak— ez dira taldeka tasatzen ez errenta netoetatik kentzen.

Errenta-eredu desberdinei zer tokatzen zaien

Penagarri da beraz —1963-ko neguan ospaturiko errentei buruzko konferentzian hoska eta bozka esan eta berresan zenez— errenta brutoez bakarrik mintzatzea, estadistikak falta izatea eta gizarte talde desberdinetako sarrerak zehazkiago ezin jakitea. Segur asko arlo honetan mantentzen den argi-itzala bapo datorkie klase nagusiei, Frantziako desberdintasun sozial hobeto estaltzeko bide ematen duelako. Baina ba liteke honek honela askorik ez irautea, kontuan edukirik presio haundiak daudela, apur bat alde guztietatik —estadistikoak barru— arlo hau argitzea.

Nola banatzen da nazioko errenta brutoa (zerga aurretik), sarrera motaka klasifikatzen den bakarra? Hona nazioko kontuak 1961-n:

	%
Alokairuak: 105.200 miloi franko berri	43
“Enpresarien” errentak (industriadun, artisano, merkataria, nekazaria eta profesio liberala) 68.300 miloi	28

Akzio-obligazioen errentak (interesak eta dibidendoak) eta alkilerrak: 7.220 miloi	3
Horniturazko subentzioen eta gerrako kalteen laguntza hartzaileak: 1.440 miloi	0,6
Prestamen familiarrak eta sozialak (gizarte talde guztienak): 39.600 miloi	16,2
Asistituen sarrerak: 7.660 miloi	3,1
Beste iturri batzu: 15.000 miloi	6,1

Sukaldeen errenta brutoen osoa: % 100, hau da, 244.4000 miloi. Konseilu ekonomikoa ezaskitasun hauk leuntzen saiatu izan da, metodo nahi-siagoeekin —nik behintzat antzik ere ematen ez diedanekin— kalkulatz talderik inportanteenaren, alokatuen, sarrerak. Konklusiotzat atera du talde honek produkto nazionaletik % 50 inguru hartzen duela; hau da, nazioko errentatik % 60 (alokatuek harturiko prestamen familiarrak eta sozialak kontaturik, jakina).

Honelaxe dago nazioa, ahalik gutien gaizki aztertutik, kontaduria nazionaleko estadistikak dau den egoeran. Bego argi hau egoera pasakor bat besterik ez dela, errenta nazionalaren kontaketa inoiz ere ez dela geldi egon. Zer da puntu hone-taz dakiguna?

III. NOLA EBOLUZIONATU DA ERRENTA NAZIONALAREN BANAKETA?

Gai zaila da hau, konparazioak apur bat arris-kutsu baitira beti —estadistiken ezaskitasuna iku-sirik— eta atakagarri nahiz eta zifrak ez gehiegi

birrintzeko borondaterik onenez ibili. Hala ere garrantzia izugarriko gaia dugu, zeren sakonean nazioak norentzat lan egiten duen jakitea baita. Optika politikoz honelako gaiak funtsezkoak dira: zer erantzun ematen zaion, halakoxe iritzia aterako agintean dagoen errejimen ekonomikoaz, bere zuzentasunaz edo zuzengabeaz.

Zer gertatzen da Frantzian? Honela zifra ofizialen erantzuna:

ERRENTA-EREDU DESBERDINEN EBOLUZIOA

	%	%	%
Alokairuak eta sarrera zuzenak ...	42	43	+ 1
Enpresarien errentak (industriadun, merkatar, nekazari eta profesio liberalak)	35	28	— 7
Kapitalaren errentak (akzio-obligazioa eta alkillerrak)	13	3	—10
Errenta batzu	1	6	+ 5
Prestamen sozialak eta familiarak	5	16	11
Asistentzia	4	3	— 1
Ekipo subentzioak	—	1	+ 1
GUZTIRA	100	100	

Behar bada pentsatuko da: itzel!, alokatuek eta funtzionarioek nazioko errenta zatirik ederrena daramate eraman ere, zeren, errenta osoa asko haziz (gera aurreari buruz nazioko errenta ia erdi gehitu da), beren partea ere asko haunditzen baita. Argudio hauxe erabiltzen dute sarritan argitalben kontserbadoreek klase-burruka aspaldiko

ipuina dela frogatzeko, nazioaren espansioak gaur egun alokatu taldeari omen damaio onurarik gehien eta hau hain automatikoki egiten dela non penagarri baita alokatuek gehiago edukitzearren burrukan ekitea. Baita diote alokatuak direla prestamen sozialen eta familiarren hartzaile nagusiak, hauxe dela izugarrien gehitu den sarrera saila, laburpenez, guztira: alokairuak + prestamen sozialak eta familiarrak belaun-aldi batean % 47-tik % 59-ra pasa da. Zer besterik nahi duzue?

Alokatuak ez dira nazioko aberaspeneko irabaztun nagusiak

Pentsakera honek anitz solaspide ematen dauku gai hau argiago ikus arazteko.

1. Alokatuak eta funtzionarioen parte gehitze tipi hau errenta nazionalen ez zaie eskuzabalki emana, berek atzemana baizik. Azken hogeitortan gertaturiko huelga guztien ondorio da hau. Dударik ere ez dago ez zatekeela huelgarik eginen, gehipenak bestela lortu ahal izan balira; baita argi dago, huelga gutiago egotera, gehipen kazkarragorik egonen zatekeela. Zentzuzko konstatazio hauen arauera, berdin pentsa daiteke, huelga gehiago egotera, alokatuek dudarik gabe parte haundiago lukeitela errenta nazionalen.

Gogora Andre Tiano-ren liburua (13), aurre-ragoko lan batean aipatu neutzuen eta ikusmira honetatik oinarritzko dena: burruka sindikalaren eta langileei emaniko sarreraren inportantziaren artean erlazio zuzena dago. Gogotan dagoke gainera

enpresen funtzionamenduari buruzko estudioan ateratzen genuen konklusioetarik bat zera zela, enpresak zergak ordaindu, prestatu dizkieten kapitalen interesak bidali eta kapital honetako zati bat errenboltsatu ondoren, sarrera zati bat gertzen dela bi alderdi interesatuek tirabiratuko dutena: kapitalistek eta alokatuek. Eman berri ditugun zifrak kapitaldunen taldea eta alokatuena. kontra imini dituen tirabira honexen ondorio dira.

2. Bigarren oharra: alokatuen eta funtzionarioen numeroa asko gehitu da 1938-tik 1961-ra. Bestalde gaitz da zer neurritan esatea, harrigarri badirudi ere... Arriskutsu da gaurko zentsoak gerra aurrekoekin konparatzea, metodo oso desberdinik erabiltzen baitzuten orduan. Funtzionarioen gaurko numeroa (Estatukoak eta kolektibitate lokaletakoak) bi miloitan jo daitezke (hauetariko 300.000 militarrek) 1936-ko 1.168.000 miloien kontra (hauetarik 156.000 militarrek). Funtzionarioetan beraz, gerra aurrean baino % 70 gehiago dago.

Industria, komertzio eta nekazaritzako alokatuen numeroari buruz, 1962-n —azkenengo zenstoaren fetxa— 11,5 miloi zen (1.100.000 gehiago 1964-n baino). Zer gehitze egon da gerra aurreari buruz? Segur asko miloi eta ehun mila hau baino askoz haundiago, Frantzian alokakuntza gehikorren mugimendua etengabee izan baita. Hona ordea estadistikek 250.000-ko (% 2) gorakada bakarrik ematen dutela gerra aurreari buruz. Hau barregarria da lur-alokatuen gutitzea kontuan edukita ere. Honen errua, lehen esan dugunez, gerra aurreko eta osteko zentsoak hain guti konparagarri izateak daduka. Diogun beraz minimora

gorik, alokatuen numeroak (funtzionarioak kanpo) gutienez miloi bat (eta dudarik gabe gehiago) gehitu behar izan duela 1936-tik 1961-ra hau da, % 9 edo 10.

Guztira, alokatuen numeroaren gehitzea (funtzionarioak barru) gerra aurreari buruz gutienez 1,8 miloitan jo daiteke, hau da, % 15-tan (14). Gehitze hau askoz nabarbenago da era batera beste pertsona talde aktibo batzu gutitu baitira (batez ere lur-langileak eta merkatari tipiak); biztanleria aktibo enplegatutik apenas gehitu da (% 3-tik 4-ra). Errenta nazionalen beraz alokairuen parteak gorantz egin behar, batez ere alokatu gehigarri hauei ordaintzeko.

3. Gaineratu beharra dago oraindik alokatuen lanaren luzera asko gehitu dela gerra aurreari buruz: % 19 orduka ordaintzen zaion pertsonalarentzat transformazio industrietan. Ikusten denez, alokatuen eta funtzionarioen parte nazioko errentan gehitzeak ez du esan nahi huentzat hobekuntza haundirik egon denik nazioko beste gizarte maileri buruz, zeren aldi honetan 1,8 miloi alokatu funtzionario gehiago baitago parte hau banatzeko eta gainera parte hartarako eskubide edukitzeko denbora gehiago lan egin behar (nazioko beste maila aktiboek ordea ez dute lan ordurik luzatu beharrik eduki).

Azkenez argi dago, patroingoak zioenaz kontra, alokatuen parte errenta nazionalen askoz astiroago gehitu dela berek sarturiko lanorduen kopuru osoa baino. Dudarik gabe alokatuen atzerapen hau nazioko aberaspenean askoz haundiago

izanen zatekeen azken hogeï urteotako huelgen sakadarik gabe.

4. Hala ere, ihardukitzen du patroingoak, alokatuen errenta diferituko partea (prestamen sozialak eta familiarrak) hobetu egin da. Dударik ere ez, esanik dugun bezala, errenta hauk asko gehitzen direla segurantzа sozialaren hedadurari eskerrak asignazio familiarretan eta erretiroetan. Baina ez dira alokatuak prestamen sozialan gehitzearen irabaztun bakarrak, aurreko koadroan nabari denez (% 11). Bakar enpresariak ere onuratzten dira “kotizatzerа jartzen badira), eta gaur halako prestamenik hartzen duten nekazariak asko dira: hainbeste denboratan izentazio uts bat besterik ez zedukatela, orain behintzat komertzio-ko eta industriako alokatuek haina hartzen dute kasik. Laburki, gerra aurreaz konparaziorik egitekotan, pentsa beharra dago prestamen sozial eta familiar gehigarrien zati bat bakarrik doakiela alokatuei (behar bada % 6 edo 7, % 11-tik). Kontu guztiok jo eta gero, hona alokatuen parte osoaren (sarrera zuzenen eta diferituen) gehitzea errenta nazionalean % 7 edo 8 baino ez dela (% 47-tik % 54 edo 55-ra pasaturik guti gora behera). Gorakada hau askoz tipiago da alokatuek lan eginiko ordu kopuruarena baino (laurden edo bosten bat inguru).

Xiroluntza erlatiboa, baina ez xiroluntza guztizkoa

Gerra aurreaz konparaturik beraz, “xiroluntza zioko aberaspenean, ere lan gehigarria jorik, itxaerlatiboa” egon da, hau da, alokatu bakoitzak na-

don zezakeen partearen gutitzea. Honek bestalde berdin balio du alokatu tipientzat nahiz erdi-koentzat.

Baina ez da egon, komunista frantsesek —ez noski Rusiako Partidu komunistako teorikoek— uste zutenez kontra, “gutzizko xirokuntzarik”, hau da, alokatu multzoaren pobretze gero eta dramatikoagorik, eta ez da egon langileen burrukagatik batez ere. Aski zaikegu, honetaz konbentzitzeko, nola gehituz doazen ikustea —herri hauzoetan ere— berebilak, scooterrak, garbigailuak, izozgailu elektrikoak, oporretara doazen erdiko alokatuak... Gaur ez dago esaterik gizarte klase pribilegiatuak bakarrik onuratu direla nazioko aberaspenaz. Baina bai ondo esanik dago berak direla onuradun nagusiak, eta gainera lehen errenta nazionalen zedukaten partea gaindurik.

Hala eta guztiz ere, har gogotan ez dudala esan aberastasun gehikorra dela-eta, ia bizitzetxe krisisik ez dagoela edo bizitzetxe krisisa 1938-n baino gutiago gogorra dela; ez eta ez dut esan alokatuen egoera asko hobetu denik ere... Egia da, ordea, guztira alokatuen egoera hobetu egin dela 1938-ri buruz eta batez ere alokatu altuena.

“Enpresarien” errentak: hondorik gabeko osin

Eta Frantziako beste gizarte taldeak? Nekazariei buruz, ez dadukagu estadistika ofizialak besterik; dokumentu ofizialetan hauen errentak beste “enpresarienekin” batera kontatzen dira: industrial, merkatarik eta profesio liberalak. Multzo honetako zatia gutitu egin da gerra aurreari buruz:

% 28, % 35-en ordeztu. Hau nekazarien gutitzaak esplikatzeko du batez ere: 3.011.000 1962-n eta 5.260.000 1938-n, hau da, % 40 gutiago. Nekazarien sarrerak apartatzea lortuz gero, beste "enpresarien" parte errenta nazionalean gehitu egin dela ikusiko genuke.

Esan al dezakegu, hau esplikatzeko, enpresari ez-nekazarien lan-luzera gehitu egin dela? Honek azterketa zehatzagorik beharko luke, baina gaurko egoeran arrikuzko litzateke baiestea: enpresariak lehen haina lan egiten dute, lehengo asteburu luze eta guzti. Ez dut uste merkatariek gerra aurrean baino ordu gehiago lan egiten dutenik; aitzitik ordea gerra aurrean baino astean egun bat gutiago irekitzen dute denda, bitartean denda astean egun batez derrigor hersteke agindua etorri baitzen.

Errenta zuzenetako hirugarren saila: estadistikek diotena: "kapitalaren errentak". Kapital gisa jarritako dirutik datozen sarrerak dira hauk, dela elkarrekin prestatuz (obligazioak) dela elkarrekin parte hartuz (akzioak), edo baita inbentario gisa ere (sarrerak orduan inbentarioetako maizterrak ordainduriko errentak dira). Sarrera mota honetako portzentaia asko gutitzen ari da errenta nazionalean: % 3, % 13-ren ordeztu. Gutitze hau kaltegarri zaie beren dirua gerra aurrean inbertitu zutenei. Gainera orain gerra aurrean baino 30 bider gutiago benetan balio duen frankotan ordaintzen zaie.

Debaluazioak munduko nazio guztietan, zorren balioak gutitzeko oso modu efikazak dira, zordunak kapital prestatuaren izenezko balioa (franko-

tan) ordaintzen baitu eta ez kapital haren benetako balioa (erosteko ahalmena). Frantziako Estatuak garaitiaz erabili du gerra aurrean eta ostean urrengoz urrengoko debaluazioen politika hau; honela huskeriazko zorrarekin (benetako baliotan) bukatu zuen gerra, hasi berriz zor izugarritz hasi zuela. Dirua prestatu ziotenak galtzaile...

Alokairuen parte gehitua joanen da

Ikusi dugunez, belaun-aldi bakar batean aldakuntza haundiak egon dira errentaren banaketan. Eta hala ere, belaun-aldi bat ez da noski hain denboraldi luzea... Konsumoan ere, gorago esan bezala, zer aldakuntza azkarrak egon diren kontuan edukiz gero, Ekonomia agudo transformatzen ari zaikula inguruan ikusiko dugu. Gure mendekide-rik gehienek honen kontzientziarik eduki ez arren, eboluzioak bere bidea darama aurrera.

Errenta nazionalaren banaketako eboluzioari buruz egin berri ditugun oharrok —zifra ofizialetatik atereak— baitetsirik geratu dira gorago aipatu dudan Kontseilu Ekonomikoaren azterketa berezi batean. Azterketa honetan Kontseilu Ekonomikoa errenta nazionaletatik alokatuei zer parte (% 60 bere ustez) zegokien ez ezik, gerra aurretik honantz zer eboluzio ekarri duen jakiten ere saiatu da. Haren eta gure konklusioak baterakoak dira: haren ustez alokatuen proportzioa errenta nazionalean % 51-tik % 60-ra (+ % 9) pasa da; gure kontuetan % 47-tik %-ra (— %): alde tipia benetan.

Bestalde eboluzio hau ez da Frantziakoa ba-

karrik, nazio industriatu guztietan nabari dena baizik. Estatu Batuetan esaterako, alokatuei destinatoriko errenta nazional zatia 60 urtetan (1875-1935) % 54-tik % 60-ra pasa da .Gerra azkenean % 60-tik gora dago kasik. Eboluzio jeneral hau gorago nioen klase aktiboen mugimenduari dago-kio: alokatuak gehituz doaz beti, batzutan lan ere ordu gehiago egiten dutela (15).

Ekonomia hazietako alokakuntza gehikorrak errenta nazionaletik alokatuei dagokien partearen gehitzea dakarke.

Gai hau bukatzeko ohar arazi nahi zaituet ez dela arreta guztia jarri behar errenta nazionaletik zer zati dagokion honen edo horren talderi, errentaren beraren haundi-tipiaz ahazturik. Ahuntz gaztaetxo baten laurdena edukitzea ezer guti da, besterik ordea, Gruyere izugarri baten laurdena. Hau da, zatien problemak ez gaitzala osoaz ahatz araz: era batera bi problemei begiratu behar diegu eta ez bati bakarrik.

Errenta nazionalaren banaketa gizarte burrukaren ondorio da beti

Errenta nazionalari buruzko oharrok bukatzeko, banaketa hau zeren pentzudan dagoen gogorazi nahi nuke. Gainera honela aurreko ikasaldietan bide batez sakabanaturiko anitz elementu bilduko dugu.

Errentaren banaketa indarren erlazioaren, gizarte-klaseen arteko burrukaren pentzudan dago beti. Baina gizarte burrukaren era desberdinak diren beste bide batzutatik ere eraman daiteke.

Lehenengo kasu sailean, banaketa botere publikoen pentzudan dago

Esaterako, fiskoari esker, Estatuak gaur Frantzia 8.000 miloi franko berri bereganatzen du (80.000 miloi franko zahar), ia 3/4 konsumitzaileen errentetatik kenduak. Estatuak dirutza izugarri hau bere gisa banatzen du, halako taldeei edo halako aktibitateei eta ez bestelakoei lagunduz; errenta batzu (funtzionarioen soldatak, jubilatuen pentsioak...) gehituz ala ez gehituz (edo guti gehituz), eta ez beste batzu... Bonba erakarle-botatzailezko mekanismo honi esker, —dagoenik inportanteena noski— Estatuak errenta nazionalaren bir-banaketa haundia egiten du.

Inflazioa da Estatuak nazioko errenta bere nahikara bir-banatzeko dadukan bigarren bide praktikoa —zergak baino ezariagoa—. Gerratean eta gerra ostean asko erabili izan du. Gaur ere ez darduka ahazturik. Prezioak sistimazki gorantz egiten utziz, sarrera erlatiboki finkoak daduzkaten frantsesen lortzeko ahalmena, eta beraz konsumoa, mozte egiten du: jubilatutak, pentsiodunak, errentadunak. Baita beste frantsesen, batez ere alokatuen, erosteko ahalmena ere laburtzen du, neurri tipiagoz bada ere. Konsumo gastuak gutitzean, Estatuak errenta nazionalaren enplegua zuzentzeko era ezari hau batzuri onuragarri izan zaie (horrela lagundu haien fabrika jabeak, zerga esentzioen edo subentzioen bidez) eta beste batzuri kaltegarri (beren lortzeko ahalmena gutitzea). Ertzen Estatuak ekipo-industrietako (desarrolloan daudenak) langileei laguntzen zien bide batez, konsumo industrietan enplegatutako frantsesen kaltez.

Estatuaren hirugarren esku sarkera errenta nazionalaren banaketan: legegintza soziala eta familiarra, berak bultza eta gida dezakeena. Gerra aurrean alokatu maila batzurentzat bakarrik zegoen prestamen familiarrik eta segurantza soziala ez zen jenerala. Gerra osteko legeek segurantza soziala jeneraldu egin dute eta prestamen familiarrak zabaldu eta gehitu. Lege aldatzeok familien, gaixoen, inbalidoen eta zaharren alde bana arazi dute nazioko errenta zati haundi bat (16), segurantza sozialerako eta prestamen familiarretarako kotizatzen dutenei kendurik, nahiz eta gai-zorik ez egon, ez seme-alabarik eduki eta baita gazteak badira ere. Legeak honela nazioko elkar-tasuna bultzatzen du.

Hauxek dira, bada, Estatuak errenta nazionala bir-banatzeko eerrabiltzen dituen bideak. Bistakoa da Estatua gidatzen duen maioria politikoak zer zuzenbide eman, halako edo bestelako bidea, halako eta bestelako helburuak erabiliko dituela. Norgehiagoka politikuko gerabeheretik beraz, anitz ondorio dakarkete Estatuak errenta nazionala bantzeko eta bir-banatzeko eran.

Estatuaren esku sartzeaz gainera, hiritarrek elkarren artean daduzkaten harreman kontratuzkoak ere izan daitezke errenta nazionalaren banapide.

Enpresa barrenan, alokatuen eta kapitaldunen (irabazi hartzaileen) arteko burrukak akzionistek ordaintzeko dibidendoen beherakada dakar, ala, bestela, alokairuen gorakada. Alokatu taldeen artean ere ba da burrukarik: alokairuen jerarkia-

gatik (haundiagoak ala tipiagoak izan), industria adar bakoitzak hartzen duen nazioko errenta zatigatik; baita fabrikante tipien eta hauek hornitzen dituzten firmen arteko kontrastei buruz ere: esaterako, firma menderatzaileak (haundiak) firma menderatuari (tipiari) prezio eskas bat ezartzen dionean firma haundiko alokatuek eta kapitalistek beren onerako eragiten dute errenta nazionalaren bir-banaketa; firma tipiko alokatuak esplotatu egiten dituzte. Klase burrukaren arazoko alderdi berri samarra baina oso inportantea da hau: kontratu bidez, indartsuek —kapitalistek, alokatu nagusiek eta firma menderatzaileko langileek— beren onerako antolatzen dute errenta nazionalaren bir-banaketa.

Baina edozein kasutan, lehenengo sailekoan nahiz bigarrenekoan, klase sozialen arteko errenta nazionalaren banaketa burrukan dago beti gakoa. Lehenengo kasuan burruka hau politikoa da batez ere, Estatuaz baliatu nahi delako honen edo horren banaketa lortzeko; honetarako boterea harrapatu behar edo Estatuan influentzia eduki. Bigarren kasu sailean burruka sindakala da batez ere, enpresako bertako burruka baita alokatuen eta irabazi eramaleen artean edo alokatuen maila desberdinen artean.

Azkenez gauza bat dago garbi: ez dago ez dagoenik banatzerik. Ez da nahikoa esatea: “nazioko opileko neure partea gehitu nahi dut”; opil honen tamainia ere gehitu beharko, eta honek nazioko hazte-indizearen problema nagusia dakar. Nor da nazioan nazioko desarroiloa erabakitzen duena? Noren izenean erabakitzen du?

IV. NORK ERABAKITZEN DU NAZIOAN ETA ZERGATIK ERABAKITZEN DU HONEN EDO HORREN BIDETIK?

Produkzioaren gehitzea, dakigun bezala, produktibitatearen, lanaren luzeraren eta biztanleria aktiboaren pentzudan dago; produkzioaren bana-keta, hau ere ba dakigun bezala, nazioan ari diren burruka politiko eta sindikalen pentzudan dago. Baina burrukak zein mailatan eragin zezakeen ikusirik ere, oraindik apenas aztertu dugu noren pentzudan dagoen gaurko ekonomian produkzioaren zuzenbide nagusia.

Esaterako: nork erabakitzen du etxe gehiago ala gutiago egitea Frantzian? Edo bizitzetxe baino kotxe gehiago produzitzea ala alderantziz? Nork erabakitzen du laborearen ordeztasun lantzea? Nork erabakitzen du karreterak, eskolak edo ospitaleak ala "force de frappe"-rako edo Harmada klasikorako gai militarrek egitea? Hauxe da esateko dadukaguna.

Oraingo errejimenean erabaki funtsezkoak, aukera nagusiak hiru pertsona saili dagozkio:

Estatuak: (eta bere ordezkariak: Gobernuak eta administrazioek) presupostuaren (produkto nazionaleko % 26), inbentario publikoen, zergen, inflazioaren, legegintza sozial eta familiarraren, kanpoko komertzioaren prezioen, enpresa publikoen zuzenbidearen... bidez gidatzen du Ekonomia. Puntu hauk bata besteari atzean, ikasaldi honetan edo aurrekoetan azalduz ditugunez gero, ez dago gehiago ekin beharrik.

Enpresako Zuzendariek: Estatuak damaien askatasuna (errejimen kapitalistan “enpresa askatasuna”) beren negozioak (hau da, produkzioa) eramateko eta ahalik dirurik gehien irabazteko darabiltenak, konsumitzaileen premiak asetuz. Egia da Estatuak, esan berri dugunez, era askotara influitzen duela enpresarien erabakietan (gauza batzu debekatuz eta beste batzu zigorpetuz, ala, bestela, laguntza edo abantaila fiskalak emanez beste gauza batzutarako); baina gaurko egoeran enpresako zuzendariek inizatiba eta ekintza askatasuna ia osoa dadukate. Klase pribilejiatuak kontrolaturiko Estatuaren eginkizuna gaur izatez gehiago da sistema kapitalistaren funtzionamendua indartzea, aldatzea baino.

Konsumitzaileak: beren erosketekin produkzioa zuzentzen dutenak. Erosketak gehitzean, erosten diren gaiak gehiago produzitzera bultzatzen dituzte fabrikanteak; beren merkantziarik erosi ezik berriz, fabrikanteek ez produzitzera jotzen dute.

Sistema honetako arriskuak

Izatez, bizi garen munduan gogoeta apur bat aski da irabazi nahia nagusi den sistema honetako arrisku eta ondorio negargarriak ikusteko.

1. *Sistimak premia emankorrek bakarrik haintzat hartzen ditu*

Enpresako buruari bost axola zaizkio premia ez-emankorrek, ez baitakarkioten inolako onurarik. Premia ez emankorrok Estatuak beregaintzen ba-

ditu, hainbat hobeto; baina hau leungarri tipia izan, medio urriak baitaduzka. Beregaintzen ez asetzeko mediorik: irabazi gutidun gaizki aterbetuak, aterbetzeko pisu baten jabe egiteko modurik ez dadukatenak; behar haina berotzeko edo elikatzeko modurik ez dadukaten zaharrak; goi-ikasketen preziorik —oso altua zori-xarrez— ordaintzeko moduko gurasorik ez dadukaten gazteak; makalduz doazen lurraldeko berezko aberastasun guti dadukatelako eta laguntza politiko guti Estatuko subentzioez onuratzeko; nazio pobreak, bizitzeko eta beren biztanleen aurrerapen kulturalerako behar dutenez hornitzeko haina lortzeko ahalmen ez dadukatenak.

Ordaintzen ez duenak ez du ezer hartzen, enpresariak premia emankorrek bakarrik asetzeko produzitzen duten sistema gogor honetan.

2. *Premiarik aurrenak moden mende*

Kapritxoek —bakarrekoek edo kolektiboek— bultzatzen dute hau edo hori konsumitzera eta beraz hau edo hori produzitzera, aurreragoko premiei erantzunen likeeten beste konsumo batzuren kaltez.

Esaterako: hamar urteotan Frantziako automobilteria hiru bidertu egin da, bizitzetxe krisisa ez delarik konpondu ez eta gutiagorik ere. Nazio bati dudarik gabe on zaio automobilak edukitzea, baina segur asko urjenteago behar haina bizitzetxe edukitzea. Esperientziak erakusten du konsumitzaileak, bere gisa utziz gero, gaur automobilera

gehiago joko duela bizitzetxera baino, hau hari sakrifikatzeko arriskuz.

Beste adibide bat: Parisaldea, politika zuzen egokirik gabe —seitatik frantses bat bertan bizi da— zortzi urtetan ia miloi bat gehitu da, gehiegi noski. Bitartean agudo desbiztantzen ari dira bizitzetxe hobe eta beste zirkunstantzia batzuz bizitzeko moduan zeudekeen lurraldeak. Konsumitzaileei eta enpresako zuzendariei bakarrak uzten badiogu ardura hau, fabrika berriak batez ere Paris aldean imintzen segituko da, eta hau faktore ekonomiko batzurengatik justifikaturik dago noski, baina baita nazio osoko on goragokoaren kontra ere dudarik gabe.

Azkenez, hirugarren adibidea, oraingoan mundukoa: herri atzeratuak, gauzak dauden bezala uztekotan, gero eta pobreago izatera beharturik daude, zeren beren errenta, lehendik ere eskasa, beren biztanleria baino nekezago gehitzen baita. Herri subdesarrolatuei laguntzea, herri aberatsetako presupostu nazionalaren % 1-ra ere heltzen ez dena, ez dago batere modan, gastu militarrek ordea, mundu guztian lehenago direlarik...

3. *Inbersiorik aurrenei ez zaie jaramonik egiten*

Hala ere, gure seme-alabek —eta gerauk, zahar gaitezenean— nazio aberatsik eta ondo horniturik eduki dezaten nahi badugu, lehentasun haundia eman behar inbertsioei. Gaur ez da honela gertatzen. Frantzia inbersioetan oso urruti

dabil Alemaniatik eta Rusiatik, nekazaritza, inbestigazio zientifikoa eta kultura ematea bertan behera daudelarik...

4. Errenta nazionalaren banaketa bidegabea astunduz doa

Oraintxe ere banaketa hau 1-tik 1.500-ra doa (zerga aurretik) eta 1-tik 1.800-ra zerga ostean. Hona bada, gaurko eboluzioak problema astundu egiten duela: alokatuen eta irabazi jabeen, alokatu tipien eta koadro teknikoen, familien eta ezkongabeen arteko berezketa. Aberatsenen sarrerak gero eta agudoago gehitzen ari dira modurik gutiendunen aldean: gai honi buruz ba dago esplikazio ugariarik eta Ikasketa Sozialisten Etxeko aurreko libiruxka batean (27-tik 29-rako aleak: Possible eta desiragarri al da errente politika bat?) kasu dramatiko mordo bat aipatu izan da. Ez diogu gehiago ekinen.

Eboluzio hau, nolanahi, erabaki librezko sistema honen ondorio lojikoa da, indartsuei makalak gero eta menderagotzeko bide damaiena, honela haien abantaila eten gabe haundituz.

Frantziako planak: konponketa kazkar bat

Nolanahi ere, ez da inondik agiri nazioko bitziza ekonomikoan frantsesen maioriaren gogoa adieraziko lukeen pentsamendu koherenterik. Ez zuei ez niri galdatu zaiku sekula zer nahi dugun Frantziak produzi edo konsumi dezan, ez eta zeintzu lehentasun jagon behar diren ere... eta hala

ere, gerau gara —produktore eta konsumitzeile gisa— nazioko joko ekonomikuko aktoreak; Frantziako nazioko autodeterminazio ekonomikoan eragiteko geure hiritar-eskubideak erabiltzeko modua eduki behar genukeen aktoreak noski. Izatez eta zori-xarrez, jokoko ikusle besterik ez gara, joko legeak urruti geratzen zaizkigularik: Bankaren, enpresa haundien, goiko funtzionarioen eta gizon politiko batzuren eskuetan.

Puntu honetan planen sistema aipatu behar. Dakigunez, Frantziar plan batzu eduki ditugu: laugarrena martxan dago eta bostgarrena prestatzen ari dira. Baina gure agintariok harro dauden plangintza honek ez du kontuan hartzen nazioak erabaki behar duela nazioko zuzenbide ekonomiko nagusia. Egitez —datorrena datorrela esatera nindoan— ekonomiako balantza maneiatazaileen edo boterean presio egin dezaktenen eskuetan uzten du zuzenbide jenerala erabakitzeko ardura eta huskeriazko parte batean gutariko bakoitzaren eskuetan geure irabazien erabilkera zuzentzeko ardura.

Planak guti batzuren eta ez demokraziaez kontsultaturiko nazioaren eskuetan uzten ditu nazioko etorkizun ekonomikoari buruzko aukera nagusiak, konsumoaren tamainia jeneralaren eta beriziki konsumo bakoitzaren artean zer lehentasun jarri erabakitzea, errenta jerarkiaren eboluzioa... laburki, beharrezkoen guztia. Ez al da hauxe, kritika tekniko zehatzak alde batera utzirik, Frantziako Planifikazio sistimaren akats nagusia? Hemen ez dadukagu Frantziako planen azterketa kritikorik

egiteko tokirik. Gai honi buruz C.E.S.-ko beste liburuxka bat argitara liteke (17).

Bedi aski lehenengo hondo-kritika hauxe: inork ez du permititu —5garren Planera arte, zeinek izendatu baitu joera nagusiak Parlamentuari konsultatzeanazioak bere destino ekonomikoa hautatzerik. Frantziar hautatzaileak sekulorun sekulotan ari daitezke eztabaidaka ea zeintzu hautaskunde diren hobeak, ordezkartasun proportzionalenak a la maioriazkoak, buelta batekoak, listazkoak ala izen bakarrezkoak; baita eztabaida daitezke lekuko hauteskundeak direla-eta herriko problema tipi guztiak —pizontzien tokitik mai-suaren bizitzetxeraino—. Baina maioriari ez zaio sekula bere etorkizuna ekonomikoen konturik konsultatu, zeharretara ez bada hauteskunde jeneralak direla-eta.

Lehenengo hiru Plan lau-urtekoak, ia denak, Parlamentuak botatu aurretik jarri ziren mertxan: 1goa ez zen inolako botaziora emana izan; 2garrena bukatu baino hile batzu geroago botatua izan zen; 3garrena, noizbait, aginduz iragarria izan zen; 4garrena, behar bezala eztabaidatua izanik Parlamentuan, azkenean “bai” ala “ez”-ko botaziora emana izan zen, bai-ezetzok ez Planeko 400 orrialdeei emanak noski, Gobernuak eta Plana atera zuen Batzordeak prestaturiko artikulua bakar bati baino.

Nire ustez honek sustrai sustraiki ezereztan du demokraziaren ulerkerak bat; demokrazia itxurazkoegia nire ustez: herriari bigarren mailako problemak konsultatu eta hauzirik funtsezkoenetan berriz iritzirik eskatu ez.

Baina pentsa dezake norbaitek: Nola daiteke ordean nazioari bere torkizun ekonomikoa konsultatzerik? Planaren egikera demokratikoak (18) nola izan behar lukeen zehaztasunetan sartu gabe, diogun soilik biotarik bat egin lezaketela:

— Planaren formula batzutarik (A.B.D+) bat hautatu hauteskunde jeneral baten edo konsulta konkretu baten bidez, Askakunde ostean Konstituzioko proiektoei buruz egin zen bezala.

— Adarrik beharrezkoenetan halako lehentasun batzu izendatu soilki, Planaren prestaera kondizionatuko dutenak.

Lehenengo kasuan Konstituzioak ederkiki ager araz diezakee kandidatoei urrengo urteetan zer Plan ekonomiko modu eta zeintzu aukera nagusi martxan imintzeko asmoa dadukaten. Bigarrenean garbi esateko eska lekikoei ea bizitzatxeari damaio ten lehentasun osoa ala honen edo horren konsumo mozteari —edo desarroilatzeari—; ea nazioko errentaren oraingo banaketari eusteko ala berri tzeko asmoa dadukaten... Nazioak bere nahiagotasunak “autodeterminatu” ondora errespetatzea Administrazioak zehazki elaboratzeko.

Ez demokratikoa ez errespetatua

Oraingo Planaren egikera demokratikorik ezaz gainera, bigarren akats haundi bat dago: iragarritakoan ez direla errespetatzen. Ez da inola ere nahikoa talde kapitalista nagusiei (eta sozio dituzten teknokrata publikoei) Plana egiteko boterea kentzea nazio osoari emateko. Baita seguratu be-

har da, Plana ondo elaboratutakoan, errespetua izan dadin ere.

Dendaren batean sagar bat edo gaileta bat ohostu duen haurra —Legediaren hautsopenagatik— zigortu eta industria oso bateko, lurralde bateko edo behar bada nazio osoko etorkizuna honda dezaketen Plan-atsapen astunak zigor gabe utzi? Azkena litzateke hori.

Dudarik gabe honek esan nahi du problema zail bat dagoela egokiro taxutu beharrekoa, alegia, nola zaindu ekonomia planifikatuan iniziatibaren behar beharrezko bizkorgailua. Baina bistan dago herriak libreki hautaturiko Plan nazional baten lehentasuna seguratzeari, enpresako zuzendarien edo konsumitzaileen bakar-aukerak —sarritan hondagarriak— alboratuz, demokrazia-sistema nahikoa itxurazkotik benetako demokrazia-sistema sozialistago edo ez sozialistago batera pasatzea litzatekeela, hemen gehienek premiak lukeitelarik aseak izateko probabilitaterik gehien. Azkenez honelaxe bakarrik liteke posible premiarik aurrenei —nahiz eta errentakorrak ez izan— lehentasuna ematea premia errentakorren baina bigarren mailakoen gainetik.

Itxurazko demokraziatik demokrazia sozialistara

Nola? Bai halako premiak dituztenei asetzeko finantza bideak emanaz; bai haien asepen oso prezio erosoan (edo behar bada dohainik...) iminiz... Adibide bakar bat baino ez aipatzeko: zenbat miloi familia dago Frantzian bizitzetxe dezenterik ez

erosteko modurik gabe? Eduki dezaten berriz beharrezko da: edo pisu bat eskaini beren sarrerak kontuan edukirik ordaintzeko moduko alkilerrez (hauxe da H.L.M.-ren betekizuna), edo alkiler errentakor bat (edo gastuak kitatzekoa behintzat) ordaintzeko moduko sarrerak eman, kooperatiban eginiko bizitzetxeen gostu-preziotik kalkulatuturik alkilerra.

Berbera gertatzen zaie zaharrei ere, premiak eduki bai, eta haundiak gainera, baina ase ezin, bi edo hiru bider sarrera gehiago beharko bailukeite. Nazio atzeratuei ere berbera gertatzen zaie: beren errenta gehituz gero —ez bakarrik atzerriko laguntzei eskerrak, baizik eta lehegaien merkatuen berrikuntzari eta beren baliakizunen esplotazio sistimatikoari eskerrak ere—, beren premia izugarriak asetzen hasteko moduan leudeke, etab. Hiru kasuotarik bakoitzean borondate hartarako batek, deliberatu batek lor dezake gaur errentakor ez diren premien asepena irabaz-gogoaren edo interes pribatuen gainetik ezartzea.

Nork dudan jarri aldakuntza itzela litzatekeela hau? Horrexegatik hain zuzen, nire ustez, ez dago benetako beste demokraziarik demokrazia sozialista baizik. Egia da parlamentuzko demokrazia, 1789-koaren tankerakoa, bapo etorri zaikula anitz libertade, giza-eskubideen aitortza, etab. lortzeko, baina benetako demokrazia gehienen premien asepenari begira dagoena da, gehienen borondate eta sakadari eskerrak.

Niretzat ez dago benetan demokrazia izenik merezi duen beste bizikera sozialik, denek elka-

rrekin nazioko etorkizun ekonomikoa hautatzea permititzen duena baizik, denen gainetik premia nagusiak asetuz. Hemendik kanpora, beste guztiak klase menderatzaileen zerbitzuko demokraziak dira; askatasun bakarra hitz egiteko, baina ez erabakitzeko, dakarten demokraziak; Zazie-k esanen lukeen moduko demokraziak: "Hitz bala-bala, hitz bala-bala, horixe besterik ez dakizue zuek..." herriko zapalduen alde.

H I Z T E G I A

Irakurleak hobe duke hiztegi luze samar honi aurretik begiratu bat ematea, anitz hitzek edo hitz taldek zer esan nahi duen —zehazki, ez guti gora behera— atera ezinik ez ibiltzeko. Ekonomiako liburu bati honelako zerrenda bat eranstea lotsagarri dela uste duenak arrazoia daduka, lotsagarriago dela uste duenak bezala gure Etxeparek-eta duela lau mende konpondurik zeduzkaten problemekin gu burutu ezinik ibiltzea. Zer pena ez dudala deabruetan sinesten berekin elkartu ahal izateko. Ohar bat bide batez. Irakurlea laster ohar-tuko da liburu hau parentesiz, marratxo eta digresioz josirik dagoela. Ahalik gehienez egitura orijinala errespetatu dut. Idazkera honek anitz problema dakar, eten gabe krask eragiten baitio gure “biribiltasuna” delakoari, konkordantzia kontuagatik batez ere. Ba nuen lehendik ere konbentzimendu haundirik euskal esandiaren lotutasunaz, urritasunaz ez esatearren. Neure senak agindu bezala atondu dut hauzia —euskal “kutsua” delakoaren ulerkera xit erlatibo noski—, baina aitortu behar dut hauxe dela —esaldiaren egitura— euskeraren puntu gaitzetarik bat, loturak askatuz eta

soltura guztiak hartuz bakarrik konpon daitekeena. Dударик ere ez bakoitzak nahi duen bezala idazteko askatasuna dadukala (ez da guti hain dohain haundia, nola baita askatasuna, nonbait erabili ahal izatea, hizkuntzaren izorramendurako bada ere), baina nik neure aldetik gutik asko edo askok guti ulertzekotan, nahiago dut neure askatasuna sator zuloetara piz egiten erabili.

Adibide	Ejemplo
Adiuntza: adiuntza gorabeherak	Variaciones de coyuntura
Administrari	Administrador
Altor: Altor-urte...	Año-testimonio
Aitor-enpresa	Empresa-testimonio
Aldakor	Variable
Aldetu	Apoyar
Alokairu: alokairu eredu...	Tipo de salario; salario-tipo
ama alokairu	Salario maternal
Alokakuntza	Asalariarización
Alokatu	Asalariado
Ama eskola	Escuela maternal
Amategi	Maternal
Amortitu	Amortizar
Anizkoitz: esplotazio anizkoitz	Explotación polivalente
Araudi	Reglamento
Arautu	Regular, reglamentar
Astakunde	Liberación
Asma patenteak...	Patentes de invención
Aste-buru	Fin de semana
Aterbetu	Alojar
Aurreztu	Ahorrar
Atzipetu	Seducir
Azpi-estruktura	Infraestructura
Bahimendu	Embargo
Baietsi	Afirmar
Baimendu	Autorizar
Baitetsi	Confirmar
Baldindu	Condicionar

Baliakizun	Recurso
Banaketa: banaketa zirkui- to	Circuito de distribución
Banaketa: banaketa berdin- kor	Reparto equitativo
Banaketa: banaketa efeki- bo	Reparto efectivo
Bankari	Banquero
Bataz-beste (sustantibo gi- sa)	Media, promedio
Berdintsu	Homogéneo
Berdintsutasun	Homogeneidad
Bilduka kimiko	Complejo químico
Bir: bir-banaketa	Redistribución
bir-egokimendu	Readaptación
bir-baliotu	Revalorizar
bir-salmenta	Reventa
Bizi-gostu	Coste de vida
bizi-luzetasun	Longevidad
Bizkartu	Respaldar
Biztandu	Poblar, habitar
Biztanle	Habitante
Biztanleria	Población
Bozketa: maiorazgo bozke- ta	Escrutinio mayoritario
Burkide	Rival
Buruz	Sobre, en función de, en relación a
Defizitun: defizitun balan- tza	Deficitario. Balanza defi- citaria
Desberdintsu	Heterogéneo
Desberdintsutasun	Heterogeneidad
Desbiztandu	Despoblar
Desboltsatu	Desembolsar
Desnazionaldu	Desnacionalizar
Dezentraldu	Descentralizar
Ebazkor: era ebazkor	Decisivo. Forma decisiva
Egoiliar	Residente
Ehundegi	Fábrica de tejidos
Elektrika	Electricidad
Elkarrekikotasun	Reciprocidad
Elkarte anonimo	Sociedad anónima

Emankortasun: emankortasun gehikor	Rendimiento creciente
emankortasun gutikor	Rendimiento decreciente
Enpresari	Empresario
Epe: epe labur	Corto plazo
epe luze	Largo plazo
erdiko epe... ..	Medio plazo
Eraberritze: enpresaren eraberritze	Reconversión de la empresa
Erabilgarri: errenta erabilgarri	Renta disponible
hondo erabilgarriak	Fondos disponibles
Eragotzi	Impedir
Eraiki	Construir
Erakarle-botatzaile	Aspirante-impelente
Eramantza	Gestión, gerencia
Erantsi: balio erantsi	Valor añadido
Erantzukizun	Responsabilidad
Erantzule	Responsable
Eraskin	Anexo
Erdiko: erdiko langile... ..	Obrero medio
erdiko alokairu	Salario medio
Erdi-landu	Semielaborado
Eredu: familia eredu	Tipo de familia; familia-tipo
enpresa eredu... ..	Tipo de empresa; empresa-tipo
Erosotasun	Comodidad
Eros-prezio	Precio de compra
Erraziotu	Racionar
Erregai	Combustible
Errentakor	Rentable
Eskaintza-eskariak	Oferta y demanda
Eskulan	Manufactura; trabajo manual
Eskulangile	Manufacturero
Etxalde	Finca
Ezaskitasun	Insuficiencia
Ezkutu: Partida ezkutuak eta agiriak	Partidas visibles e invisibles
Finantzatu	Financiar

Finantzari: talde finantzari	Grupo financiero
Gainezko	Excedentario
Gainki: komertzio gainki...	Excedente comercial
Gaitasun: kutxa gaitasunak	Disponibilidades de caja
Garantitu	Garantizar
Garbigailu	Lavadora
Gaudimen	Solvencia
Gaudimendun - gaudimen- gabe	Solvente - Insolvente
Gehigarri: kapital gehigarri	Capital suplementario
eskari gehigarri	Demanda suplementaria
Gehikor	Creciente
Gidari	Dirigente
Goi: goi-estatu	Estado Mayor
goi-ikasketak	Estudios superiores
Gomendatu	Recomendar
Gutikor	Decreciente
Harmada	Ejército
Hasberri	Principiante
Hauteman	Observar
Hauteskundeak	Elecciones
Hautesle	Elector, votante
Hazkuntza	Crecimiento. Cría
Haztaketa: iritzi haztake- tak	Sondeo: Sondeos de opi- nión
Hedadura	Extensión
Hedatsu	Extenso
Hesi	Coto
Hiritar	Ciudadano. Que vive en la capital
Hiritargo	Ciudadanía
Hobari: hobari gehigarri...	Prima: prima suplemen- taria
Hondo: hondo kritika...	Crítica de fondo
elkartasun hondoak	Fondos de solidaridad
Horniketa	Aprovisionamiento
Hornitura: hornitura mugi- kor	Equipo: equipo móvil
Huts-tarte	Margen de error
Ibai sare	Red fluvial
Ibai-bide	Vía navegable
Ikerkuntza: mina ikerkun- tza	Prospección minera
Ikuskizunak	Espectáculos

Ikuspen	Visión
Industriatu - Industriakun- tza	Industrializar - Industria- lización
Iragaztegi	Refinería
Irazki	Trama
Irudizko marra	Línea imaginaria
Irundegi	Fábrica de hilados
Irazur: irazur fiskal	Fraude: fraude fiscal
Itun kolektibo	Convenio colectivo
Izendegi	Empadronamiento
Izozgailu	Frigorífico, nevera
Jabego	Propiedad
Jarraikitasun... ..	Continuidad
Jelatu: prezioen jeltatze ...	Congelación de precios
Kito-indize	Índice de cobertura
Kolonizaille	Colonizador
Kondaduria	Contabilidad
Kontari	Contable
Kopuru	Cuantía
Laborategi	Laboratorio
Laket pabeiloi	Pabellón de complacencia
Landadi: kautxo landadi...	Plantación: plantación de caucho
Lan-esku	Mano de obra
Legegintza sozial	Lcgislación social
Lehengai	Materia prima
Lehentasun	Prioridad
Lortzeko ahalmen	Poder adquisitivo
Lurralde	Región
Lur-langile	Obrero agrícola
Maizter	Arrendatario
Mendetsu	Secular
Merkatari... ..	Comerciante
Metalgin	Metalúrgico
Mugi-arazi: kapitala mugi- -arazi	Movilizar: movilizar el ca- pital
Mugatu: Erantzukizun mu- gatu	Limitado: responsabilidad limitada
errenta mugatu ...	Renta limitada
Norabide	Directriz
Oldar-aldi	Ofensiva
Oldarkoitasun	Combatividad
Ondasun-zerbitzuak... ..	Bienes y servicios
Ondasun iraunkor	Bien duradero

Onen tekniko	Optimo técnico
Ongizate	Bienestar
Onuradun	Beneficiario
Ordain balantza... ..	Balanza de pagos
Ordezkar... ..	Representante
Ordezkaritasun	Representatividad
Ordezkatu	Representar
Ordezko pieza	Pieza de recambio
Ordeztu... ..	Reemplazar
Ordu-alokairu	Salario-hora
Ordugo	Horario
Orotasun	Conjunto, totalidad
Paperketa	Papeleo
Parlamentari... ..	Parlamentario
Partaide	Miembro
Partekatu	Compartir
Partu	Equilibrar, igualar
Partzuergo	Sociedad comanditaria
Patroingo	Patronato
Patu	Fatalidad
Fatukoi	Fatalista
Pentzudan (egon)	Depender de
Pilaketa urbano... ..	Aglomeración urbana
Prestamen... ..	Prestación
Saiheskor: zifra saihesko- rrak	Aberrante: cifras aberran- tes
Salmenta: salmenta prezio	Precio de venta
Sarrera	Ingreso
Soberakin	Remanente
Sorta: akzio sorta	Paquete de acciones
Sozialdu	Socializar
Udal arbitrio	rAbitrio municipal
Ugazaba soka	Entente patronal
Urtetsu: plan urtetsu	Plan plurianual
Uzta - uztatu	Cosecha - Coscchar
Xirokuntza: guztizko xiro- kuntza	Depauperación absoluta
Xanpon	Moneda
Zentraldu	Centralizar
Zerga: oinarri zerga	Impuesto base
errenta zerga	Impuesto sobre la renta
Zerbitzuburu... ..	Jefe de servicios
Zientzia zehatzak	Ciencias exactas

Zihurtapen	Constatación
Zilindraje	Cilindrada
Zori - zorizko...	Azar - Aleatorio
Zuzen: sarrera zuzenak eta ez-zuzenak	Ingresos directos e indi- rectos
Zuzentzaile: koadro zuzen- tzaileak	Cuadros directivos

O H A R R A K

(1) Stadistiques et études financières, 1960-ko hazila (zifrak 1959-n 1958-ko errentei buruz eginiko agerpenei dagozkien).

(2) Le Monde-k (1960-ko urriak 30) aztertzen du Centre de Recherche pour l'expansion de l'economie-ko estudioa.

(3) Rapports annuels de la Direction de l'Amenagement du Territoire.

(4) Stadistiques et études financières, 1961-martxo.

(5) Stadistiques et études financières, 1960-apiril.

(6) Ikus M. Liorzu-ren estudio bikaina (Etudes stadistiques, 1960, Urtarril-Martxo).

(7) Sirev. Ed. Ikus baita aurreko kapitulako komentarioak holdingei buruz.

(8) Enpresa publikoei administrazio publikoak erantsiz gero, Frantzia banaturiko % 30 alokairu sektore publikoak ordaintzen duela ikusten da, baita Frantziako % 40 inbersio ere.

(9) Desarroilo Planaren prestaera demokratikora-ko erabiltzen diren metodoen berri zeatiz hemen ematerik ez dugunez gero, Perspectives Socialistes-ko bi ale (1961-ko urtarril-otsail) ikusteko gomendatzen dugu, gaiari dagozkionak.

(10) Frantziako biztanleria aktiboari buruz zehaztasun hoberik nahi duenak ikus Le Monde-ko analisisa, 1963-ko ekaineko 9-10, eta izparringi honek egiten duen komentarioa I.N.S.E.E.-k argitalduriko zifrei (1963-6-8-ko Estadistika Astekaria).

(11) Biztanleria osoa bi mundu-gerrek odolustua noski, ez da, esateko, mende erdian gehitu: Frantzia 40,7 miloi biztanle zegoen 1901-n eta 40,5 miloi 1946-n.

(12) Aurrerago, partikularren kasua zela-eta, onako adibide hau jarri nuen: Scooter bat 100.000 frankotan erosten badut eta hiru urteren buruan 100.000 frankorik desenboltsatu gabe berria erosi nahi, urtean 30.000 ko aurreztu behar; 30.000 frankook ez dira nire kapitalaren hobetze, nire oraingo berritze hutserako behar den urteroko amortizazioa baizik.

(13) L'Action Syndicale Ouvrière et la Theorie Economique du Salaire. A. Tiano (Genin Ed.).

(14) % 9, zentsoko zifra brutoci, nekez konparagarri, segitzekotan: 12,5 miloi alokatu 1936-n, 13,6 miloi 1962-n.

(15) Bigarren puntuak epe luzeetarako (50 urte, 100 urte) konparazioak okertu egiten ditu; baina epe laburrera edo erdikora egiazko izan daiteke (Frantzian, esaterako, gerra aurreari buruz).

(16) Errenta nazionalaren % 16, gerra aurreko % 5-en kontra.

(17) Problema honi bi liburuxka eman zaizkio, 18-19 eta 25-26 aleak.

(18) Ikus "Plagintza demokratikoari buruz elkar-hizketa"-ko konklusioak (1963-ko apiril, C.F.T.C.-ko egoitzan, Square Mont Tholon, Paris) edo P.S.U.-ko egoitzan, Square Mont Tholon, Paris) edo P.S.U.-ko Egitarau Ekonomikoa (Plangintza kap.) (boulevard Garibaldi 54, Paris-15).

AURKIBIDEA

LAUGARREN KAPITULUA

<i>Estruktura ekonomikoak</i>	9
I. Errentetako desberdintasunak	13
II. Lurraldezko desberdintasunak	20
III. Enpresen tamainari buruzko diferentziak	31
IV. Kapitalisten soluzioak desberdintasun hauei	48
V. Sozialisten soluzioak estrukturazko des- berdintasunei	60

BOSTGARREN KAPITULUA

<i>Nazioa erabaki ekonomikoen aurrean</i>	67
I. Zer da produkzio nazionala?	70
II. Produkto nazionalaren erabilera	91
III. Nola eboluzionatu da errenta, naziona- laren banaketa?	103
IV. Nork erabakitzen du nazioan eta zerga- tik erabakitzen du honen edo horren bi- detik?	116
HIZTEGIA	127

Lur

hastapenak 20

Lan honen lehenengo alea irakurri duena bigarren parte honen zai badago, lortu dugu lan honetan jardun dugun guztiok, eta euskeratzaileak batez ere, gure nekeen ordaina.

Bestela, hemen dugu gaurko hau hasierari jarraipen hobego bat emateko.